

CHACHA

Abrid ȝer yezran

IZAOURAN

2
Abrid yer yezran

Ur yelli mayen iweeren, anect lexmi ya yekker bna dem ad issiwel xef yezlan. Melmi ya nini, wu d izli, wu wer yelli ca d izli, wu d ccier, wu wer yer s akid s bu lealaqa.

Kulleha mayen yeqqar, kulleha mayen xef deg s issawal. Ca yetcat ixetta, ca tyelleb xef s ddatiyya kter zeg lmewdueiyya, ca tessawal it lqabaliyya d ssiyyasa. Duqlil wenni ya tafed, yessen mayen xef yessawal, itcat leh sab i qae timeslayin, ur idellem hed.

Elahsab mamek twaliy d mayen zerrey, dinni lbeed n leh wayej, u maci ca bezzaf, ya yedjen bna dem ad yini min yetwala ad zeg s ihedded.

Wen yeksin lhem n ca n lhajet, ur nedzemmer ad xef s nehkem am wenni wer yer yelli qae bu wemnus. Da yexs ad yini, ixes mkul idj ad xef s yetwahkem deg wemkan n nes, ur ittili eawed ttaeeddu xef hed, ur itxelled ca tanya bna dem jar asen.

Ixes aney ad nessen nebla yasemyer, ila wen yer yella

wemnus deg s lehriq, yettili yekref zeg mayen yeksi d ddeqel. Manayu deg bezzaf n lhalat, yettedja ccier n nes, malla wer nenni ca yneq it, itneqlab xef s, itteg as tamara d ixerwiden. Yettili wi yakid s d yettasen d wi deg s yetcaten, u deg bezzaf imuren zeg uyabi n yinni wmi ur itteejib ccier, ttilin iedawen edun ihbiben.

Wen wer yer yelli bu wemnus, ad xef s nini d adbir n ujenna, ur yelli wen t ya yettefen, mayen yexs yenna t. Awal ittili yehwen xef s, ur yelli wen das ya yinin mayen teqqared, min tellid tettedged. Malla ca n yidj yexs ad xef s yefhem, manis mma das d ya yek, ad as d yek netta manis nnedni, qae yer s d ibriden.

Awal xef wu niti, eemmers ad yili am wawal xef wenni yamezwaru. Sseed n wen ur yer yelli bu lmewqif, nnifaq yetradzam as merra tiwura. Ur yelli wi xef s ya yherthen, wala wi t id ya yettefen, yetnezlaq am weslem deg lebher.

Malla nekker ad nxem mlih deg tmeslakt, ad nili mewdueiyyin la akd yexf n ney la akd hed nnedni, nettaf ila yxes wen wer yer yelli qae lmewqif, ccier n nes ad deg s tili ljamaliyya wer yer s bu lhed, tafantazit wer yelli wi tt id ya yhedden. Mayenzi nebla manayu ityima ur yelli

mayen deg s ya tezred, yexwa yesqerqub zeg kulleci, ur yelli wi t ya yeemmeren.

Wenni yer yella wemnus, yetteqsih xef s bac ya yili ccier tetya xef s ljamaliyya. Mayenzi malla yeemmer zeg manayu, ur yer s yetyimi bu wemnus d amnus, iddaggewal d leicq ixelled it akd ssadiya d lmasuciya. Ur yetxessi tanya ad yili d lxiṭab n ssiyyasa, niy d awal n ucekti d umetta tetwag as lqafiya.

Ljamaliya deg ccier, mamek mma yexs ad yili lhal, labud zeg s ma ad tili, waxxa d lxudert sennej i tteeam. Nebla nettata qae, tuzey, ur yetyimi ccier d ccier, yeddaggewal d taredzit n wawal, umi qqaren lexu taqessist.

Ljamaliya, wer teks ad tini iwalen yetfuhen waha, iqebbel iten mkul idjen. Ljamaliya ixes ad tili deg iwalen issaggewaden, ttitcen yana i weshessi.

Malla nekker ad nessiwel xef ccier Arifi, d yitbab n nes, labud ma ad aney ixes ad nefreq jar tnaen n lmarahil, u xuşušen lexmi ittili wawal xef umedyaz/ccaeir.

Lmerħala n qbel ssebeinat, i yellan ead yer yilexxu elahal nakira, zeg ca n lkiyfiyya niy zeg tennedni. D lmerħala n ssebeinat sennej i d iṣebhen d nettata d kulleci.

Teejen xef min iedun, tenker itbab n nes, terwel zeg yinni i tt yeggin.

Tnayen u n lmarahil, ttirarent idj n ddewr d ameqqeran deg umezruy n yezlan, tiqessisin, lqasida d thuja yer Irifiyyen. Axerwid nettaf yesxerwaden, tetwaggasent leadawa yrexsen jar asent, cerregen jar tu d tu, iwden ula yalami syelben icten xef tennedni.

Ma bna dem tuya t waei, issen min tuya itteg deg lmerhala n qbel ssebeinat niy lla, manayu yetyima d aseqsi ur issin elahal ljawab n nes yir wen deg s yudfen. Iredzun zeg lmewdueiyya ineq ddatiya, bac ya yawed ad issiwed yer min ixessen d yetwaxsen ad yetwassen.

Lferq i din yellan jar asent, ad yili bhal walu yemyer attas xef mayen yetpinsar bna dem. Am lferq yellan jar yezli d lqasida, mayen ya yetwaggen deg lmerhala n ssebeinat, yemmeksid zeg berra, i wmi yetwaqqar taqessist, nettata d lqasida n uyennej, wer tuya yellin qae qbel deg Arif.

Xef wawal xef tqessist, ur ssiney mlih ma ad nezmer ad nini, lmuştalah u tuya t yestwaxdam yer imedyazen deg ca n wemkan, mayenzi malla nekker ad nedwel yer zik, ad

naf am "Mali wah yamali" niy "Ddeher Uberran", imedyazen qaren asent tihuja, ya nezmer mak zerrey, ad nqaren akd lmelhama, maci ca akd tqessist, malla din sebhan yetwaqqar temmeksid ssa.

Tiqessisin bnant bezzaf xcf lqafiya, u yer sent lealaqa attas akd pruza, u pruza irewlen yer lfukaha d lmarah iquerreben attas yer suna lmesreh.

Ur ttilint d tizirarin bezzaf qae, maci ca d tiqudadin deyya qettant, wer tent yesteweib yidjen zeg tterf. Itxessa ad ilint d tinni d nitenti, ur sseqnident, ur ttedjint ca bna dem yetsellan deg wezyen, itraja ead mayen das ya yfesseren mayen iedun. Am yetxessa wenni tent yeteawaden, ad yer s tili lbaraæa deg ueawed. Ittedja tent, jebbedent id imejjan i wen tuy a yelhan, lbal n nes si mani tuy a yella. U malla sebhan twaqqarent am yezlan, ur twayennajent, tyimant i wberreh waha, am:

Deg lxader n taqtaq d tyat n wezyar i yheddan deg lecfaq, d sidi mulay sseltan, malla ittès ad ifaq".

Taqessist n yilexxu yellan yer yewdan, d ya ybanen Attas deg iseggewusa n tesein, ad yili kifkif, niy wer deg s bu ccekk qae, ca ymuren mmeya deg mmeya niy teedu, d

umi itwaqqar deg Imelhun lqasida. Σad maci merra Imelhun, yir mayen yellan d aneggaru n nes.

Malla neksi taqessist n "zzerda" zzerdet, nettaf itt d pruza yer s lqafiya wşafi. Malla tetwakkes as tu taneggarut, yetyima d awal am wawal zeg tterf, ur deg s yeddiggewil min umi ya tesled. Ad tyerqed deg weksu d iyaziden d seksu d tqedqudin nnedni, ccier d listitik d ca nnedni yewey iten rrewa.

Izli d ajenna, yettite ak tilelli d ubehher deg uxerres. Yessemyar ak laggewaj, yettedja cek ad deg s txerresed mamek texsed. Awal deg wemkan lmeena d lebher, ur yer s yettiwed yir wenni yessen ad iεum ad iderree i lmujat, u yessen ad yettef lemquadef.

Lqasida, ttariqa n nes wehhedes, temsefraq la deg tira wala deg laggewaj n wawal. Malla wen tt yettarin, ur yelli ca d ccaεir nican d lartist, zeg wejbad i deg s ityima yjebbed ur itteg lehsab i tkuni, tetsebbeh d tessawal xef yexf n nes tessεgaz axerres. Awal ya yessers awerni i mayen yenna, yettili yir d asefrez n wenni yeεdun, d abrid yer wenni d yettasen.

Lqasida, nnehla ma ad tili tessawal yir xef yect n lhajet,

ttettef deg s al ya tkemel, ur zeg s tetridzim. Awal yedfer wennedni, yer s beddu d uneggar. Tkuni n nes tettili kter deg uxelled n ttimat, irar zeg iwalen d lmarahil.

Thajit, ixes ayayli deg s lhiwar, tessawal xef yict n ttima niy kter. Yettili yer s bued felsafi, fikri, ruhi maci zid waha, tesbeead bna dem xef wemkan n nes, itettu min deg illa. Teqqar tamezzeyant d tmeqqerant, arbah niy d txetsart, taryazet d tiwdi, amuni d wemsebdi, tudert d umetti, d mayen i wer umi yetcat qae uqubbani lehsab.

Lferq ameqqeran i nettaf jar lmarahil u, d lferq jar ujenna d tmurt. Bettu i wer yer illi min t ya yesmunen, mayen tent yesbettan kter zeg mayen tent iyerrewen.

Ccier mamek mma yixs ad yilli weklasi n nes n qbel ssebeinat, tuya dati yetteg it ccaeir. Iqqar merra mayen yer s yellan deg wul, mayen yetwala qibal d daxe l n nes. Ur yetcit lehsab i wla i yedjen, mamek mma yexs ad yili, waxxa ya yetwahrrem.

Ccier n awarni ssebeinat yettefen tammurt, yetteg it lmujtamae amen yekmel. Wen yeqqaren niy ittarin, itcat lehsab bezzaf i yexf n nes d yiwalen n yewdan, ikessi wla d txancet i wi yetsellan, yeqqaren.

Lmerħala n qbel ssebēinat, merħala tetcur zeg lxir d mayen yessefrahēn. D lmerħala tuya yeddeē eamen ttaqafa n Taeerabt, maci tkessid zeg s, niy tetqelled itt.

D lmerħala n libdaē d tredzit n ttabu i wer tuya yetwiħsiben d netta, d lmerħala n tudert i yessetcan yer yilexxu ymedyazen ihurriyyen. Testafed zeg min tezra ad zeg s testafed, min tetwala ad tt ider ur yer s tgerreb, nebla ma ad tt yešred, u ad yili tuya tt, wer deg s bu ccek, tetterrad ead ħir agla i das iwyen, das itwahewwesen.

Lmerħala ħa yeerran xef tidet n lmerħala d ħa yasen awern as, waxxa tizzar as deg bezzaf n leħwayej, deg merra mayen teks. Ħa yeffeyen xef lmerħala n wenni yennan ixeddem ttaqafa n cceeb, u ur dinni mayen ħa yilin qae sennej i ttaqafa n cceeb. Netta lexmi yteg ca n wurar, ittaweyd Meħmud Derwic zeg laggewaj, Mimunt n Selwan illan zzat s ihetseb itt ħaqira ur yer s mayen ħa teawed.

Lmerħala n tmanyinat sennej ad nezmer ad xef s nini tetcī tt, tešred itt littikaliya d min yeggin acekti n ferq cceyel, ur xef yelli qae sser wala d ttebee.

Lmerħala n ubehdel n ccier d tmenyit n nes. Temmewc

cceneet i lmutaxellif, tedja lmubdie xef tmuwwa n ttaqafa.

Lmerhala i yerrin, wen ilemmeden yetbellee aqemmum
i wenni ylemden, yesselmed yesselmad. Wenni yetterran
ixf n nes ur yessin hed mayen yeena, yessecnae zeg ljahil,
yeznuza yas iman n nes yerxes. Bac ya yhafed xef
wemkan n nes, yebnan xef lyec d lfikr itca zzeman, ma
malla xef ttaqafa, wiyya k ad tt yetc lebher.

Bdiy lmerhala yu wer tt bdiy, mayezi maci ca d amkan
n nes, d mayen xef xsey ad ssiwley lexxu, u mayenzi
yawal xef s d azirar, mumkin ad yyi yessufey xef webrid.
U hima wer wettiy deg manayu, ad dewley yer mayen zeg
bdy.

Lexmi ssawaley xef yezlan, ur qqirey al ya nfekkey zeg
idjen, Hima ya rahey ad awdey yer wenedni. Mkul izli
yetbaned d wenedni, wer xef s t ibetti walu, netta qa t i
yexf n nes, wer yer s qae ca akd wenedni. Ad nyer
tnayen u, ad aney d iban webrid, ad nettef filu.

1- Uyur cway cway

Am waman deg tara

Aqqa m amcan inu

Mani cciy rrida

2- Uyur cway cway

Am waman deg lejruf

Aqqa m amkan inu

Mani cciy bunerjuf

Waxxa jemmeen ten cwaycway d waman, maca yetyima mkul idjen d min xef ittunnud, d mani yneddeh d mani yettawey.

Maci mkul cwaycway d cwaycway, din cway zeg cway. Cway n tikli deg leeql, maci ca d cway deg tekli deg tikli, am din illa eawed wemkan zeg wemkan.

Amkan yellan deg walli, maci ca d amkan xef iejen bnaadem,ieedjen xef s melmi mma yexs.Γer s akid s ddikrayat, wer yelli wen das tent ya yekkesen zeg leeql.

Rrida, aley der, ur yettessen hed mayen xef din yettened bab n nes, ikkal dinni yettaley iddar. Ur telli ca yam bunerjuf, am druya wen tt ya yetcen, ya yeggen, tt ya yqasen, ityima lebda deg lmuhal, tudert n nes flu. Wen deg s iruhen iruh deg s waha ma ad zeg s infek ead, maci am wenni yer s igguren, ur issin ead hed ma ad yer s yawed niy lla. Ad yeqqim yir deg wezyen n webrid, niy ur ieedjen deg djurret n nes qae.

Ur tifeɣ mayen deyyi ɣa yeṣṣufyen alami wer ɣer i bu wemeawen. Wer ɣer i mayen xef qae ɣa eemmedey, mayen ɣer ɣa dewley, wala min deyyi ɣa yrezmen abrid.

Ibriden merra belleen, netc ead ɣer i ɣir ayelzim, wer ufiy bu ddimamit zzat i. Ayelzim d wu, lbala twedder. Tazzert deg ufus temhed, timesleht saddu i wmettar, lluh deg lyabet.

Waxxa ggiy kter zeg tzemmar ad bdiɣ ca xef ca, amenni yetɣima yeqseh bac ɣa yebda bnadem nican mayen yexs ad yebda.

Manayu yessedj yyi ad ggeɣ ɣir min ɣa yewcen idj n weṣwad i wen ɣa yeɣren. Ad yili d arzam n yict n terya tuɣa yetwaqqenen,ur tufi ca wi tt ɣa yferyen.

Lmerħala n qbel ssebeinat, nettaf/llan bezzaf n yezlan, eħaħal wer yetwissin wen ten iggin. Maci ħir itteqsih xef neħ uħedded malla neqqen tittawin xef ca n yesmawen, am: Yamna Lxemmariyya, Mimunt n Selwan. Mudrus, Ceetuf, Hamid Ttemsamani, Ccix eellal a.x... mayen ur ssineħ. U ead yiyyu, yetwassen ħir cwayt zeg yezlan n sen, maci ca merra. U ma merra mayen ħennejer ma d nitni i ten yeggin, nama ead ca n sen ca ħir eawder asen aħennej waha, eejben asen uka ħennejen ten, itħima manayu meelleq. Bnadem ad yennay qaħ ur ittesser wenni tuħa itteggan zeg wenni tuħa yetħennejen waha niħ ħir yeteawad i mayen yetwannan.

Min illan muħim deg lqis nni, amedyaz tuħa t metherrer Ħer s lmawaqif zeg bnadem, ħer s /ur ħer s bu lmawaqif zeg ssiyyasa, waxxa deg ca ymukan tuħa t inebbec deg s lexmi yetwala ixes ad tetwanbec.

Ah ya teacart inu

Ah ya tawatani

Muru yessawar

Neccin neteawanit

Zeg Imeena nnedni yhewnen, ya yfekken qae timeslayin, tuya t wer yessexdim bu ttaqafa i ssiyyasa. Yessawal deg qae min yellan, yeqqar mayen yexs, nebla ma ad yewwet lehsab i wla y ca n yidj. Tuya yettentalaq zeg ddat, kter ma yettentalaq zeg Imewqif d bab n nes.

Muhammed n Sebdekrim

Ah ya neggar n legnus

Ah ya wen yejjin

Leahed n Uearwi deg ufus

Lexmi tetbehhered deg yezlan, tetsafared deg Imeena, tettitced i lyews, wer tettifed mayen cek ya yessufyen. Arenni i trennid yer zzat, tettexsed ad yessetwamyr irenni yak awedder d unetlee deg tmura n yiwalen.

Dinni izlan tbanend kifkif, maca lexmi d ya teqqim yer lefhamet, sweddaren lqibelt, itrah deg sen uraji, teeqqeden timaslayin.

Nettaf la yizli yameqqeran wala wenni xef ya nini d amezzeyan, deg bezzaf imukan ttiraren xef useqsi d ujaweb, xef rremz d ufekki, awal d umsawal, ur yer sen bu

Yict n ttima. Manayu yettedja yaney nredzu netseqsa, ma yizli tuya yettegg it yidjen, niy tuya ttemeawanen xef s bezzaf n yewdan. Ma d tu niy d tin, yetyima d amnus i tmessena n mamek tuya ttilint tira.

Am deg thajit n "Ddeher Uberran", i daneɣ yettitcen ict n lxezret xef thajit Tarifekt d luy yebayet, lfelsafa d listitik n nes.

Nnan, itwayennej zeg werbah iggin imjahden, taxetsart i yleqfen Aseppanyu, amnus i jemeen d imettawen xef yinni yemmuten. Itwasbiyyaned lefdihet n weedaw, d mayen xef yebna leurret, zeg wawal xef lqayed n Tizi Szazza, ilqef lhem d lekhed ur yufi mayen ya ysew, twaqedeen xef waman, yebda yedzemma batata, hima ad yessuff tmidja:

Iwta deg ssenyan

Yezwa yer Malaya

Zeg mayen yetwala wen yezrin d wen ur izrin ca, wen d yerrin lexbar i kulleci d wen wer t id yerrin qae, ur yesli xef ca.

Yetmuttuy zeg tu yer tin, yetrah yiggewej. Yettadef deg uzellif n weedaw, yetwaqqar zeg s mayen yer s yellan deg

walli, mayen yexs ad ixdem. Ittekkes as lletam zeg ufus n nes, bac t ya yeerra zeg tyimant n nes.

Istentaq lqayed i wmi hufen ifadden, tcint lemhayen, yedwel itetter liyata zeg Malaya:

Rnittiwed leesker

Ma wu qa yeqda.

Issetwala timessi yekkeren deg Malaya, tuya wer yenwin manayenni ad yili qae. Yebda ad tt yadef wemnus, ad tt yetc leejeb, ad tesseqsa yixf n nes, am mamek tetseqsa lqayed:

Manis tekka temnalaf?!

Iscirriw azru d wuzzal, maci yir bna dem zeg tarjajat d inexlieen i leqfen lqayed yeqqimen yir ad yitriyar, ya yeawden xef manis tekka d mamek das tewqee, almi wer zeg sen yeqqim ula d idjen.

Xef Malaya tezwa

Aneggaru n sen

Deg lhemmam i yewda.

Da nettaf belli yamedyaz, tuya t d leeqel, itrah yer ccadda d lfadda deg tudert, maci ca yetyima yettenned yir i tenhirt d tehheramin. U da wer xsey ad iniy, belli deg ca

n lqis am wu, tuya ur yetwirri ca lbal qae i lhub niy i leatifa, eemmers. Mayen tuya yetwaqqaren deg lhub, d territ n twanit i leatifat, waxxa deg lweqt n ttehsiret, ur yer s yetwiwid ca lexxu wala yetwag qae.

Rebbi mamek ya ggey i Xedduj

lexmi deyyi d ya telqa

Lexmi deyyi ya tini

Mmuh mani yekka

Tuya bna dem malla yenna yir idjen tnayen n yiwalen, yettedja wennedni yetnuddum, yetnas nebila yides. Lexxu sseqniden iwdan zeg wawal d yiwalen, ur tettifed i wmi ya tesled, wala mayen dak ya yeejben.

Rrin lhub d abusar, ur yer s qae bu lmeena, d afelleq n wawal yesmella bna dem, issenzemma yul. Leatifa d ahufi yfadden, ur yedzemmer ca bna dem ad yili d aryaz ad xef s iyleb hima ad iqawem.

Thajit n mali wah ya mali yruhen zeg beddu d iseqsiten d ujaweb. Tesbiyyan am d isbiyyan " Ddeher Uberran", tizemmar tuya yettetwage, lijtihad n umedyaz bac ad yari, ad yini mayen yer s deg ul d leeqel. Lijti had tuya yteg deg utewwer n tira, ur ityimi ca itnedlaf yir deg

iwalen waha d mamek ten ssetwaedalen lbeed. Ma yizlan imezzeyanen xlas, ur xef sen bu wawal, ur yelli wi ten ya yawden. Lexmi ten teqqared i Yhulandiyyen, tradzamen deg sen aqemmum.

Mamek tetwara thajit n "Ddeher Uberran", yer yilexxu ead ma yetwawed yer s. Nettaf deg:

Ay amjahed ya wma

Ma teswid ma ruxa

Ict n ttariqa muhimma bezzaf deg yizlan n yeqdimen. Laxmi nettawed yer " ma teswid ma", netbedda xef useqsi qbel ma ad ikemmel liqae. Liqae zeg yetkemm d beddu n ljawab, n mayen yetwaxsen ad itwaeawed xef lemhayen n urumi.

Ma teswid ma?: D ttahekkum xef Useppanyu d lqayed n Tizi Szza yedzemman batata. " ruxa" yemselsaq akd mayen rbunt d aman/geeedent akd tsudar. Issawal xef tehheramin, yettaymen zeg rrecuq ssebeh d uecci beleellali, tnunuent ur deg sent tiwdi, ur tent tleqqef terjajat. Wen zeg i tuya tteggewdent, ur yer s qqiment bu tzemmar, yetwaqda xef s.

Ruxa: deg lqisu, lexxu, deg nella netcin nettirar, zeg

Ur yer i d ssawal

Ur yer k d ssiwiley

Kkind ixelladen

Jar k d akid i

Niy am mayen tegga yicтен, (lwede ur diyyi ysemmeħ bac ya yidarey ism n nes), wer teqqim teqqar izlan yir zeg ttariqa i zeg ten qqaren merra yewdan, illan tetwassen. Tenna mamek ur inni hed nnedni, itwassen deg lqis u aneggar:

Dewley d awal

Deg uqemmum n yewdan

Wen yufin ca yeni t

Ymar ay aneymar

D lwehc n lexla

Wen yufin ca yenyi t.

Tuniti tesbiyyen aney d leegez i yleqfen deg imukan nnedni yamedyaz, ur iqqimen yettexas ad itamer ad issexdem cway kter zeg djeht n nes. Ad yexdem merra buyat, ur yetyimi yir deg ict n buya yetqettes deg s. Awal i wmi yeteawad, ixes ad as yaf awal deg wemkan n nes. U mayan tegga yammu maci ca d nettata i zeg s yebdan, tuya

Ur yer i d ssawal

Ur yer k d ssiwiley

Kkind ixelladen

Jar k d akid i

Niy am mayen tegga yicтен, (lwede ur diyyi ysemmeḥ bac ya yidarey ism n nes), wer teqqim teqqar izlan γir zeg ttariqa i zeg ten qqaren merra yewdan, illan tetwassen. Tenna mamek ur inni hed nneḍni, itwassen deg Iqis u aneggar:

Dewley d awal

Deg uqemmum n yewdan

Wen yufin ca yeni t

Ymar ay aneymar

D lweḥc n lexla

Wen yufin ca yenγi t.

Tuniti tesbiyyen aney d leegez i yleqfen deg imukan nneḍni yamedyaz, ur iqqimen yettexas ad itamer ad issexdem cway kter zeg djeht n nes. Ad yexdem merra buyat, ur yetγimi γir deg ict n buya yetqettes deg s. Awal i wmi yeteawad, ixes ad as yaf awal deg wemkan n nes. U mayan tegga yammu maci ca d nettata i zeg s yebdan, tuγa

t illa, yir terra deg s tudert. Din qbel n nes, waxxa ur
ttemcibihen deg tira, wenni n nes yetwafraq xef tnayen,
yinnedni xef tlata. Nnan:

A llalla tasekkurt

D icuqen leqlib

Lalla mayen yerrin

Awmi d tiwded qrib

Rrin yyi ixelladen

D tufyit n webrid

Am yetwanna eawed deg lqis n umenyi n Rrif akd

Seppanya:

Tumubil ujenna

Yettawen wer tetrus

Ruh siwdas sselam

I wneggar n legnus

Ini yas nderd takurt

Σebdlekrim d amenhus

Nettaf tanya deg lweqt nni, lmizan n yezli ameqqeran:

Rhar n ney a rebbi

Rhar n ddehar nni

Lami teyley tfukt

Taziri wer telli

Ah ya mulay Muḥend

Man abrid ya nawey

Abrid yer tmurt n ney

Lexxu qae d arumi

Ttabu tuya wer yessin bnaḍem elahhal qae umi t qqaren,
ityennej xef kulleci, zeg lmedh al aeayer jar imeccaqen.

Tahheramt: Min yuyin serbaxi

Γir yettunud i wexxam

Taqmijat n llilu

Teqqars as xef ijiman

Ahenjir: La d tsem teqqared as

Amcum a yefna xef i

Wellah leadim

Ima tecqid yyi

Buyat yer ney bezzaf, attas n ttefeilat, Nettaf:

1) Izli yamezzeyan deg s rebea n lmaqatīe.

Ah ya ralla ah ya ra

Ah ya ralla buya

Ah ya ralla ah yara

Ah ya ralla buya

2) Izli yawesdi deg s jar xemsa d setta n Imaqatie.

Ah ya ralla ah ya ra

Ah ya ralla ah buya

Ah ya ralla ah ya ra

Ah ya ralla

Ah ya ralla ah buya

3) Izli yameqqeran deg s jar sebea d tmenya n Imaqatie,
ad yili kter.

Ah ya ralla ah ya ra

Ralla ynu

Ah ya ralla ah buya

Ralla yunu

Ah ya ralla ah ya ra

Ralla ynu

Ah ya ralla ah buya

Ralla ynu

Maca lastima, tafqet i wer ineqqen, ict n buya i
yeqqimen ttet, tarin xef Imizan n nes: izli yamezzeyan,
welbaqi qqimen stayellan ten yir i wyennej.

U zeg lehwayej i yettedjan bna dem iwedder, izlan,
iwalen i yemxetwayen; yer llan tnayen, niy bezzaf n

iyembuben. Waxxa yiwalen tbanend kifkif, maca mayen xef ssawalen, mani ttexsen ad awyen, d ca nnedni.

Am: Ah ya mulay n ney

Saddu lkazi yettes

Mayen iserba d lkas

N watay ad t ixelles

Ad yili yemmeksi yas lhem, shissifen akid s. Ad yili dehheken akid s waha, xsen ad akid s iraren. Ad yili d aqerzaz yuzey, ur yeqqir al ya yerzem i wşuldi. Ad yili labas xef s, wer itteg lehsab i ttemenyat, d ssexxay, d ammi s n wexxam, taddart n weyrum tawwurt ur tteqgen lebda terzem.

Ah ya mulay n ney:

1) Iksid yer k rebbi tfawt, yir zid rni deg sent, si mayen xef k icedden manayu.

2) Cenna malla nyennej as deg wurar, niweyd xef s izlan.

Saddu lkazi yettes:

1) Iggi tt iyreq deg s al iyallen, irni ead iruh ad ittes saddu lkazi ur ittekker ad irah ad ixem mayenzi ya yfek tahrirt u yegga.

2) Yeffey it wemnus, ur yelli mayen deg ya ypinsar,

kulleci yqed xef s, malla yeggi tt, qa yzmer as.

Mayen iserba d lkas:

1) Irzem i ssiniyyet d uberrad, idja lkisan ad duren, netta wer yedzemmer i ca.

2) Wen iswin ca bsehhetu, malla wer idjiwen yexes ca ead ad d yerni, lxir mujud.

N watay ad t ixelles:

1) Ur das yetnidjim ula d idjen, kulleci ad zeg s ten d ssufyen, tyil as d abuşar ni.

2) Yegga lehşab i kulleci, wer yeggi manayu yalami yessen ila leflus qa yent deg ljib zeg zzeyada.

Niy tanya lexmi ybedda yezli zeg ah ya lala yemma, niy ah ya sidi rebbi. Ca ymuren ittili wawal dirikt, ca zeg imuren ittili i weseawen waha.

Am: Ah ya lalla yemma

Yemma netc mayemmi.

Da, awal d awal akd tyemmat d awal akd tsa, akd tyemmat deg uyemmbub, itwaqqar as qae min illan. Tetcit id lweqt bac ya das yini, yufa kulleci yennefdeh, ur yer s yeqqim ead min ya yetwafferen.

Ma: Ah ya lalla yemma

Mana sseed a yar i.

Da yesyata zeg yemma s almi yufa das iwedder cceyel,
das twedder lqibelt. Am lexmi yesyata zeg rebbi s, iredzu
xef wen t ya yeawnen, xef webrid i t ya yessufyen zeg
uhari y t ileqfen i deg yella.

Manayu nctaf it ula lexmi yettidar rebbi s, idar deg s
tnayen n idariten. Idj yesyata zeg s, idjen yessawal akid s,
am:

a: Ah ya sidi rebbi

Mana sseed a yari.

b: Ah ya sidi rebbi

ma teefud niy lla.

Ayennij/izli amezwar, isyata zeg s. Ayennij /izli wis
tnayen, itxatab it.

Ula d awal xef Uliman ur ittili lebda d awal yir xef
Almanya illan d lgens, d awal ula xef lbeed n ddewwal
medni zeg uruppa am: Franşa, Beljika Alimanya d
Hulanda. Ma bhal Seppanya d Lpurtuyal, tuya ur
twihsibent zeg/d Aliman, mayenzi deefent. Ddewwal n
Skandinavya, tinni twahsabent zeg Uliman/lxarij ayirin.
Netwala manayu mlih lexmi das yeqqar:

Ah ya Beljika

D ssuq n temyarin

Xsey wi ya yrahen

Zeg uliman ayirin.

U da lmuckil ameqqeran, i daney d ixelleqen ixerwidən,
waxxa ya yeqqim d min ya yeqqimen, ittedja yer ney
tnayen n lehwayej:

a) Ya, ad yili d awal xef Alimanya, Aliman illan d lgens,
ur illi ca d aliman yellan yer leammet d lxarij, mayenzi
dinni awal qbel xef Beljika, u d nettat i yettenheddan akd
legnus n Skandinavya.

b) Ya, ad yili tanya, u bhalwalu d awal xef Aliman yellan
d lxarij, yir yesseeqer Beljika waha, alami yufa trahent
yer s ula d temyarin u malla truh yer s ca n yict tuya
yissen itt, yisseeqar itt, tuniti kter. U mayenzi elahsab
mamek itwala netta, Lxarij/Aliman ur yer illi bu lhed
yiggewej, deg s tamara bezzaf, trahen yer s yir yeryazen.

Laggewaj yer s idj n ddewr d ameqqeran deg leeqliyya
n Urifi, u yetwanna, itwayennej xef s bezzaf, am:

1) Ah ya Alimaniyya

Ma tiggewej ma tudes.

2) Sebea ydurar n Rrif

Wi γar dayi tejjid.

3) Tiwey ayi mami ynu

Tejji t i trumiyyen

Laggewaj niy lefraq, yetwahasab zeg leeduyat imeqqeranen, u xuşuşen γer temγart. Malla γir yaryaz n nes ihajer, yeedel ur ireggeweh, niy ur xef s d iban bu lexbar, ad tekkal llilt d uzir d wadan n nes deg tummešt. Mani mma tili ca n lhajet teeuffen teddar as d γer uzellif tella niy wer telli.

Ad nejmee ad netwa, izli yetγima ad yeqqim lebda d ict n lhajet d tameqqerant γer yiwed bnadem,i yellan/i ydewlen lexxu d muda elahal deg lmundu yamen yekmel.

Lmerhala n ssebeinat, merhala meeqqeda cwayt, u xusušen xef wenni wer tt ieicen deg Lmeyrib, ur yessinen tahrirt n lxarij.

Zeg ubani n tmunet n Linṭilaqa ttaqafiya deg Nnadur, awern as n lbeed n yewdan deg lxrij, i ydefeen ayerrabu n Tmaziyt yer zzat, ibaned umedyaz. Itwabeddel zzeman, ur yeqqim xef min xef tuḡa yella, yebda yetwassen wen yeqqaren, yettarin, izer it bna dem sennej i lxacaba.

Lweqt u ad d texleq ict n lweḡeiyya, ḡer s lijabiyyat d ssilbiyyat. Mayen isebhen, mayen wer yehhelin, d mayen ten ismunan.

Tesbaned amedyaz/ccaeir i ḡa yxedmen ccier d ttaqafa, tesbaned tanya amedyaz/ccaeir i ḡa yawyen cceneet xef weerur n Tmaziyt, ad xef s iney, netta ccier yeggewj it. I d ḡa yesbanen wembeed lmurtaziqa, xusušen deg lxarij, kter deg tteseinat yebdan txeremzen zeg uzellif n sen yueeela, ddeyyeen/stayellan merra mayen yellan d Amaziyt. Alami ḡa yawden cewwehen ula yinni

yemmuten, zeg uxelled d ujelled i dasen yettetwaggen akd
ttehrij.

Ad yezmer bna dem ad yini malla yexs ad iqqen tittawin
n nes, llahumma manayu wala walu qae. Aşurif yer zzat,
wala ad iqqim bna dem 7ir deg wemkan n nes d amesmir
irceg deg lhid, ur iteg ula d ict n lhajet hima ad yenhez. ad
yedfee mayen 7a yessuyuren, min 7a yjerren twasit.

Fir axerwid it7iman, malla ysiyi lhal u xef lhal n nes,
mak das 7a tetwag lexdenni, lexmi 7a yedwel d manayu
i yellan. Ad yeyreq wen d 7a yasen deg fal7a n wen
yizzaren, ad ixelles ttaman n nes.

Twas7ersent ssenasel n idaren d ifassen, ur iqqim ikref,
ieemmed bna dem xef mayen ieemmed itwarrez şşur.
Axe rwid i wmi wer yetwar lbal, i xef yetwamiyek, tebda
ad tetwakk es tallest, ad d tessefey tayyut. Itwafekker deg
ljiddiya n leema, tetwaney ttilqa-iyya n libdae. itwag
mayenzi tuya tella tewdi, yetwasefrey webri d.

Lijabiyyat i deg s illan, ad nezmer ad nini hsen zeg
ssilbiyyat n nes. Ur iqqim ca bna dem ad i7ennej, ad irah
ad ireggeweh yer cceyel n nes. Idwel itwas7ima yer tmurt
itwanaqac akid s deg mayen igga yamenni. Idwel wen

yetsellan i yezlan, itsella wla i mayen xef sen/deg sen yetwaqqaren.

Ssilbiyat n nes kifkif, elahal am mak nenna xef lijabiyat. ibaned wen ittarin, tetwaxleqd ict n lweđciya d ddejdid tezhem, turewd tewca Ƴir imettawen. Tetwaney lferhet deg tittawin n yewdan, yetwasred usfennen d usitem, yeqqim Ƴir umyubec.

Temmewc lqima zeg wattas i yidj n weklasi n tira, wer tuya telli qae deg Arrif. Ad nezmer ad nsemma yaklasi yu, zeg lqasida Lyiwaniyya. Yinni zeg s ibdan ad arin, amezwar beeda urin zeg ttariqa d Tameyrabeyt, wis tnayen hima ad eanen zeg tira Ƴer zzat, nebla ma ad wten deg weqdim. I Ƴa yetcen wembeed ix f n nes, yedwel mkul idjen d mamek zeg tt yettari. Kemmelen i mayen iqqimen, alami yetwaney yezli, idwel Ƴer sen d walu, qqaren t Ƴir yinni yetyennejen deg uraren.

U d manayu i daney yettedjan nettaf, belli yinni yebdan ad arin deg lwaqt u, urin amenni waha, nebla ma ad Ƴer sen tili ca n lfikra, ad ssenen mani tuya gguren yinni ymezwura, mayen tuya ten isherraken. U yeffeyd wattas zeg sen ttarin zeg ttariqa d Taeerabt, ittawey asend rebbi

zeg bessif d Tmaziyt.

Ur ttessened i wmi ttarin qac, ma i wyennej, ma i tyira.
Ur yer sen bu lferq jar tu d tin, Lmuhim ad yesmelqa
bnadem iwalen, ad asen yeg ca n lherf kifkif yer uneggar
n ljumlah.

Zeg yewdan i yewcin zeg attas deg lqasida n uyennej,
sgeeeden zeg s yer ujenna, nettaf: Bushah Muhemmadi
d Musawi Saaid. U zeg yewdan i yewcin tanya bezzaf deg
lqasida n tira, yer ney Lqadiri d Lxerbaci d Waccix
Mhemmed.

Lbeed, bdan txelleden jar lqasida n uyennej d lqasida y
tira yamenni waha, u qlil i yer s yiwden, i ynejhen deg
manayu, am yer s tiwed Fadma Lweryaci.

Yetwag elahal kulleci, ur yetwadj zeg walu, bac ya
yetwag ca. Xelleden xerewden jar wu d wu, jar wu d tin,
ksind ssa, ksind ssihi, al anect n yezli yetwadj deg ttuc.

Izli i deg tradzamen yewdan i wer yer yelli yaqemmum,
itwar yer yinni i yer yella, ur yer s mayen ya yeswa. U
elabsab al mani iwdey zeg tmessena ynu, yir yer
Imaziyen d Ijapuniyen i yella, umi qqaren nitni Hayku.

Idwel ccier d lqafiya d iwalen n Tmaziyt, ur yeqqim d

Ifelsafa d axerres. Yetwar yexxes, d ahermek, d imettawen xef mayen iedun. Idwel d tarewla zeg mayen yellan, ieqeb d rrumansiyya i wer iseggewin ula d tabsetl.

Manayu yewca lfurfa i yinni i wer yer telli lealaqa akd ccier, ad ggen mayen xsen, ad afen rray n sen. Malla yawal xef ccier i wmi qqaren yewdan ccier, malla yawal xef mayen yer tella lqafiya, yetteejib i wenni i wer yessinen umi qqaren ccier, ur yessin izli zeg tqessist zeg thajit d lqasida, manayu d ca nnedni.

Ma yiyyu riyeiyin, ufin ljemhur ur issin ca, bdan rennin as xef mayen deg yella!. ma wla d nitni ayenni y yer sen deg lejyub waha, melli dinni yer sen ca nnedni, ayayli sseknen t id. Niy munen deg sen zeg tnayen eeceecen, tewta deg sen izewran rriyeiyya d ttaxelluf!.

Ur din min ya yilin qel zeg manayu, u bhal walu yla d wu d awal. Itwag bac ya yetwamerni i ttaqafa yetwawessexen lewsex d utelles, ad yetwaemmeq ljehl. U mayenzi mamek netwala, d yiyyu i ya yetwaferden xef lxacaba d lmidya. Tanya banend jar unegar n tmanyinat d umezwar n tteseinat, u lweqt u tetwassen zeg ttarajue d rridda n tteqeddumiyyin, d usyter n lqiwa n rriyeiyya

Imtaxellifa, ur yexsen tammurt ad teg idj usurif yer zzat, xef ssahet deg merra lmayadin.

D ttidet ila yeqseh xef bnadem, bac ya yini wu d ccier, wu wer yer s bu lealaqa akd ccier. Merra min xef ya yqed ad izmer ad yini, dinni ccier d asebhan, dinni ccier d aeeffan. Maca waxxa yammu, waxxa ya yili min ya yilin, waxxa ya neksi ddewq biceyn lietibar, yetyima ccier ur yelli ca d abušar.

Mayen xef lliy lexxu ttariy, ad t nsemma d ccier, maca yamenni yetyima maci ca d wenni d ccier, umi yaysel wenni yessenen ccier. Ddeg nni n ccier, yettili deg lmesreh, maci ca bac ya yetwini wehhedes. Am mak yetwaxelled ccier n uyennej, akd ccier n tyira, izli n tyira d tqessist.

Ad yili d Bumezzuy Sumer wehhedes, i yiwden ad yebda jar tnayen u. Fir axerwid ameqqeran, iwdan itsellan yer ilexxu wer eewwelen ad yer s awden, ad tteggan lferq jar asen. U manayu yesbiyyan aney d, ila yabrid ead d azirar bac ya nawed yer ca. U malla wla d wenni yeqqaren ur yetteg bu lferq jar taqessist d thajit jar lqasida d yezli, ad yeqqim ccier d ayujil, ur yer s llin yitbab n nes, iteica deg lmehna.

Izlan n lhub

Yetwaqqar ila lhub d rrida kifkif, yir idjen zeg
Taeerabt, idjen zeg Tmaziyt. Netta mkul idjen wehhedes,
mkul idjen d lhem n nes.

Ixeş aney ad nessen, ila lhub ur yelli ca d rrida, am
mamek i d yettawey rebbi i bazzaf n yewdan. U manayu
wadeh ula zeg izlan iqdimen, nettaf sbiyanen aney d lferq
i din yellan jar asen.

1- Leadaw a lejwad

Fadis yuru tini

Σemmers lhub

D rrida war yemmelqi.

2- Tittawin n nem

Day sent lwarata

Icten tetteru xef lhub

Icten tetteru xef rrida

3- Llah yeneel lhub

D rrida n ujemmadin

Manis mma yekka

Ssedfarey as tittawin

4- Wwet a yanzar wwet

hima ad ieemmer lhub

hima ad terqeh rrida

Ad yenjeh lhub

Lhub, yettili bab n nes yethibba lhub i wmi qqaren yiwandan lhub, maci tetwag xef s cceneet waha. Yetwassen wi yettexas, dinni mayen ten i jemmeen. Muhal ma yer ney lmuqabil n nes zeg Tmaziyt, ad yili yella maca neil manis yekka.

Rrida, bab n nes yettili yamed, ad yili ead yir yeddaffar, iredzu yir ad ishiyyed. Kulleci tetterra yas d lexbar, ur yettessen hed mayen xef yettili yettaley yeddar. U ca zeg lmerrrat itwahsab d azellal waxxa netta tittawin n nes menedrent deg ca n yicten, iggur ad yawed yer lhub iredzu yir mamek ya yakid s yessiwel, ad as yini mayen yer s yellan deg wul wer yettif tizemmar.

Wec ayi d rkursi

Ad eedrey ayimi

Mami ead d amezzeyan

Rhub yeqda xaf i.

Bayen ila yayennij yetwag deg tamdint, mayenzi tessawal xef lkursi, melli yetwag deg lkampu, ayayli tessiwel xef thidurt.

U da netwala, tehheramt ead ur das ifehhem umeddukel n nes, waxxa wer tedji min wer akid s teggi, ixes ad akid s teedel ayimi, hima ad txem al mani yakid s ya tawed. Itban as d ead d amezzyan, nettata lhub yeqda xef s.

Wec yyi d cek, impiratif, maca mayen yeena cek nni, manis wenni?.

Da yer ney tnayen n lhewyej, ya tessawal akd hedd, ya tessawal akd yexf n nes. Malla nenna tetxatab hedd nnedni, u elahsab ttaqafa n ney kter, ur tedzemmer ad as tini merra min yer s illan deg wul. U kter malla yawal ad yili niy ittili xef lhub. Malla yruh yerred yir yidjen lexbar, ad yek ddunnekt amen tekmel.

Manayu yexs ad yini, ur tettiili tessawal yir akd yexf n

nes, maca wi yaked, ma akd wul, ma akd leeqel?

Bnadem lexmi yessawal yir zeg leatifa waha, ytettu lmatiryal d leemer.

Da nettaf iten zeg tnayen idsen hedren, iden wer tettillii tessawal yir akd leeqel, maci ca yakd wul. Min daney irennin yet-ekkad manayu. Alami teqqar, mami ead d amezzyan. Da netwala, belli tetmeyer jar temzey d temyer, u mana yu, ur t iteg yir walli maci d ul. Lexmi tessawal leatifa, ittetwag lehsab i wsexser n lxader d tkita i ttiqqest n lhal.

Wec yyi d lkursi: Uhholey zeg ubeddi, ur deg i min ya ybedden ead. Idaren tteqqesen, malla qqimey beddey, leeqel ur yetyimi deg wemkan n nes.

Ad eedley ayimi: Ad qqimey mlih mlih, ad as eedley xef lxader inu, mayenzi ixes as lqis d ameqqeran i manayu.

Awid aya k, ur yettenfekki ca zeg idj wawal niy tnayen. Ad teedel ayimi, hima wer tetyimi meeddeba. Ur tesqurrud, hima wer tettihhel.

Ixessi yyi wer diyyi tetmulistyar ula d ict n lhajet, hima

nes, maca wi yaked, ma akd wul, ma akd leeqel?.

Bnadem lexmi yessawal yir zeg leatifa waha, ytettu lmatiryal d leemer.

Da nettaf iten zeg tnayen idsen hedren, iden wer tettillii tessawal yir akd leeqel, maci ca yakd wul. Min daney irennin yet-ekkad manayu. Alami teqqar, mami ead d amezzyan. Da netwala, belli tetmeyer jar temzey d temyer, u mana yu, ur t iteg yir walli maci d ul. Lexmi tessawal leatifa, ittetwag lehsab i wsexser n lxader d tkita i ttiqqest n lhal.

Wec yyi d lkursi: Uhheley zeg ubeddi, ur deg i min ya ybedden ead. Idaren tteqqesen, malla qqimey beddey, leeqel ur yetyimi deg wemkan n nes.

Ad eedley ayimi: Ad qqimey mlih mlih, ad as eedley xef lxader inu, mayenzi ixes as lqis d ameqqeran i manayu.

Awid aya k, ur yettenfekki ca zeg idj wawal niy tnayen. Ad teedel ayimi, hima wer tetyimi meeddeba. Ur tesqurrud, hima wer tettihhel.

Ixessi yyi wer diyyi tetmulistyar ula d ict n lhajet, hima

wer diyyi yetredzi wzellif, ad sseney mayen qqarey.

Mami ead d amzzeyan: Ur ieewwel ad imyer, ad yeg leeqel, ad iyyi yefhem, ad yefhem i mayen das qqarey.

Waxxa ad yili yemyer deg leumur, maca leeqel ead d amezzeyan, u maci d amezzyan waha, ead ur ieewwel ad yawed.

Lhub iqda xef i: Iedem iyyi, itca yyi yixsan, ur qqimey thekkemey deg yexf inu.

Ad deg s tesmeh ur tedzemmer, ad tedj ddeewet amenni waha, wer das teeddel, ur xef s yettek yides, ur tesdibi lmakla. Ur ttiziden wussan, malla wer t tezri.

Cem ead d tamezzyant
Reeqer war yar m ca
Ruh cawa yemma m
tarred d xaf i tiwecca.

Ma d ttamezzeyant deg leeqel niy deg leumur, ad yili manayu yer wenni t yennan kifkif, wer dinni yzer bu lferq jar asen. Amnus ameqqeran i dinni yellan, itwala tt ur tedzemmer ad teg ca wehhedes i yexf n nes. Ur tedzemmer ad tini wah wala d lla, dinni ma yxeş itt ad tetcawar yemma s.

Itwala yawal akid s, eemmers ad ten issufey webrid n nes yer ca, ur yeqqim yir ad trah ad txem, mayen das ya tini yemma s. Ur yelli min xef ya rzen azellif, ad tcen ixf n sen xef ca wer yelli.

Waxxa tetteks it, maca wer d teqqim ca yir deg tmexsit waha, teqqimed deg ca nnedni. Wer temyir, ur telli i yexf n nes, bac ya teg min teks, min das iqqar lxader n nes. Ixeş as ead wen tt ya yessuyuren, ya tetcawar. Waxxa yul yeqqar wah, leeqel ur yewid yer ca.

Netta yettexas itt attas, maca yexs ur xef s yedziyyer, ixes

itt malla tegga ca, ad t tegg nican, ur xef s tneddem, ul n nes wer yetyimi lebda yreddeh. Yetwala qa tt ead d yelli s n yemma s, ur tetteg walu nebila nettata. Ad yer s trah, ad akid s tessiwel, ad yer s tsel, ad teg zeg wawal n nes, u maci bessif ad xef s d ter nnehar u. Ad teksi lweqt al tiwetca, hima nettat ur tetqelleq, yemma s ad txerres mlih, bac ur tneddem ula d icten zeg sent xef mayen ya ggent.

Cem ead d ttamezyant: Gg leeql beeda, ili d ttamyart, qed zeg yexf n nem. Sbiyyend xef lhenni n ufus n nem, maci ca yir i netc waha, sbiyyen it ula y yemma m, hima ad xef m yehna wul n nes, qae wer tqelleq.

Leeql ur yer m ca: Qa cem ead tettexedfed, ur tessined mayen tettegged, jeme amezwar ix f n nem. Tebbet cwayt, ur tessined mayen dinni, mayen cem yetrajan ad d yas, wala d mayen cem ead d yeddaffaren.

Ruh cawer yemma m: Siwel akd yemma m, ini yas mayen dinni, mayen deg tetpinsared. Nebila ma tziyyered xef s, niy teggid as lqarta xef yiri, ad as tesxesred lxader. Acawer ur yelli ca d aeffan, bhal walu ad yerzem ead tiwura, ad yessiy tfawt, ad yesseken ibriden.

Terred d xef i tiwetca: Ini yyi mayen dam tenna, ma teqbel niy ur teqbil, ma tsellem am niy ur dam tsellem. Ma tetter zeg m ad tessan amezwar ca n lhajet, i yxessen ad tessan qbel ma ad tessiwel, hima ad sseneɣ netc mayen ya ggeɣ.

Tahenjirt tamezzeyant

Teqqar ayi xari

Ad tt awyey war zemmay

Ad tt jjeɣ tenya yi.

Da ɣer neɣ tnaɣen n leħwayej: Ya tahenjirt d ttamezzeyant deg leumur, n yidennad ead, ur yessin chal zeg tt yujer qae, uka yeeqqed it manayu waxxa tetmatta xef s. Ya d tamezzeyant deg walli, ead tetsedħa t waha, waxxa tettexs it. Malla d ttamezeyant deg tnaɣen idsen qae, la deg walli, la deg leumur, d wu d babat sen n yemnusen.

Malla d ttamezzeyant deg leumur, yetban as d yexf n nes, yewser xef s, ad d tas d yelli s, netta yetterbet. Malla d ttamezzeyant deg walli, yeggewed ur akid s t yessufuy ca.

Terni tt tkemmel itt alami das teqqar xali, melli beeda ɣir ur das t teqqir. Ya ad yili d xali s nican, tettas as d d yelli s n weletma s, d tayyawt nnes.

Xali nni das teqqar, d wenni i das irennin aeeqqed, d wenni i das itbeddan deg webrid ur t yettedji ad yeedu.

Ad tt yawy ur idzemmer, tizemmar ixessen ur llint ca. Maci tizemmar n leflus, temzey i tt xef s yesweeren, i tt xef s yesseggwajen. Σad malla d tayyawt beşşeh, d yelli s n weltma s, niy tettas as d cwayt, tudsi t, dinni rrihet idammen jar asen, tenni kter ukter d lefdihet d ttebehdilet bac ya yessek ad as tt xedben.

Itmetta qibal n nes, ttett as tmessi yul, itneedam, melli ya yaf ayayli qa tt yer s deg wexxam. Itbuhluy, ur ises, ur itett, ur xef s yettekk yides, yeqqim as yir ad xef s iherrem ula d lemlak.

Ad tt yettu wer das idzemmer, ur yer s mani zeg s ya yerwel. Lemlak ur das d yetbin deg s bu werbrid, maca lhub yetradzam as tiwura.

Tahenjirt d tamezzeyant: Mamek das ya ggey, si man abrid i deyyi ya yessufyen akid s qae, Netc ttexsey tt, nettata ead d ttamezzeyant, ur tessin mayen yellan, yabent xef s bezzaf n tmeslayin.

Taqqar yyi xali: Trenni ead deg sent teqqar yyi xali, melli beeda yir ya tmiyyek cway xef manayu. Ad teg la d nettata leeql n nes, ad tefhem i lmeena, ad yyi tessihna

yakid s.

Ad tt awyey ur dzemmerey: Lemlak yetban yyi d eemmers ad yili, ixess yyi ad tt kkesey zeg lbal. Ur deyyi yeqqim yir ad xef s wtey, uka ad ssihniy ixf inu. Mamek ya ggey ad zeemey, ad wtey deg kulleci, ad as iniy mayen yellan, mayen yer i deg wul.

Ad tt djeý tenya yyi: Asmah wer dzemmerey ad deg s semhey, tneq yyi lexmi tt twaliy, lexmi deyyi d teddar yer uzellif. Mamek ya ggey ad tt djeý, nettata d buhbel inu.

Σrik dayi tennid
Beeed iri beedeγ
Mayemmi dayi tejjid
Arami kid m nnumey

Tuff as teqqen, ur yetwili mamek γa yerni yasurif yer
zzat. Manis mma yerra yazellif ad t id yer lhid. Itwala mlih
ila manayu normal, maci ca d netta y yemsebdan d
amezwar. Chal i wmi yewqee, u chal i wmi γa
yewqee, maca waxxa yamenni, yettaka am lexmi zeg s
tirar.

U waxxa tesmeħ deg s, netta wer tt yerri ca yer wul n
nes. Iqqes as lħal γir alami ur das teelim zeg zik.

Llahumma melli das tenna beeed, aggewej zeg
umezwar, wala timedjit i t tedja yalami yakid s yennum.

Aeeddeb n beddu, maci yam wenni n urebbi n tse. Beddu
ittili bab n nes ead fricku ur iggi min t γa yedjen itpinsar
deg s bezzaf. Aeeddeb n unami yiseeddab, yessedared ten
tamezzeyant d ten tameqquerant, itett aduf ityezza yixsan.
Ur yelli mayen iweeren, anect n lexmi tettili lħajet ead
twedder.

Mayemmi wer das tenni ca nettat zeg umezwar beeed?!.

Ma tuya ead ur tufi hed uka teqqar as malla wer d yiwiy ca rebbi, ur tufi ca mayen yellan hsen zeg s, ad xef s hertey beeda netta, wala walu qae?!

Ma tuya teks, ur das tessexsir lxader waha, alami ya taf, iban as d ayenni i tt ya akid s ya yfekken, uka tenna s t?!

Mak temmesar alami wer akid s yeftin netta, qbel ma ad as t tini?!

Ma tuya yeqqar as d wu d lhub, tahheramt ur yetteggan zzebun xef yexf n nes, wer telli ca d tamyart?!. Malla tuya tetteg ca n zzebun.

Ma tenna s t qae, yir netta i yexsen ad zeg s yessemyer, ad ig ix f n nes am lexmi wer zeg s yesli ca eemmers!?

Elilik deyyi tennid: Nebla la tu wala d tin, ayayli tessiwled, trezmed aqemmum hsen. Melli tt teggid ur tuya yer i yettili bu d lmuckil, wala ad diyyi tegged ca n tefqet qae. Leeks ay twaliy, ayayli teggid mlih bezzaf, tehnid beeda cem tessihnid yyi la d netc, malla tuya teggedwed zeg ca n lhajet.

Beeed ili beeedey: Ayayli tennid yyi waha beeed,

wec i ttasie zeg umezwar, uka ad iliy beedey waxxa yul
irceg deg s lmus. Mayemmi qae tamara yu n yilexxu,
mamek mma das ggiy ur tt tesseney, ur ttifey wi ya
yzemren ad yyi zeg s ifek.

Mayemmi deyyi tedjid: Mayemmi zeema, yir ini yyi
waha ma d tayennant ni, tuya cem deg ccek niy tuya ead
ur yer m hed. Ma yneqleb am rray deyya, ma tekked zeg
lwalidin. Mant lmeena ad yyi tedjed beddey xef lexwa
min cem yuyin, ma teggid manayu neemada ni.

Alami yakid m nnumey: Alami xef m rebbiy tsa tciy
bunerjuf, tudfed yyi deg yixsan. Llilt d nnehar cem deg
lbal, benniyy heddemey, ttekkey manis ur yettek hed.

Mami reeziz inu

Reeziz rear n nem

Ssensey am yar tewwurt

War ihin wur n nem

Iqqim as yar ad as ig lear, ma ca nneđni wer akid s itci.
Igga lmusthil, issekker isyim ur yiwid yer walu, alami
manayenni yedji t ad as yessens yer tewwurt, azellif ur
ittessen mani t ya yeg.

Daniti yaxerwid ameqqeran, ad yeqseh bac ya nessen, ma
tettexs it niy lla, ma tuya din ca jar asen. Ur netwili qae
mayen d yesbiyyanen, min zeg tettaka tehheramt, mak deg
s tetxemma. Ad yili tettexs it, maca yetyima maci yam
mak tt ittexs netta, niy maci d rray n nes d ca n hed i xef
iziyyeren deg wexxam.

Lear i das yetteg, d usensi i das yegga yer tewwurt, d
uhinni i wer teks ca ad xef s thin, ixelleq lmuckil i
tmessena.

Mayemmi wer teewwel ad xef s thin!?. Mayen tt yedjin
ad deg s teg yezzu!. Ma tezri t akd ca n yict nneđni!. Ma
yewca s awal yeffey xef s abrid!. Ma yruh lexxu cek

zeema hima ad zeg s yitter ssemhet, amenni tedji t ad yidderdeq.

Yetyima ma yu, d wu d thajit n ufekki i zeg wer nettenfekki eemmers. Mkul ma yetseqsa xef ma nnedni yawern as.

Mami leeziz inu: A ten deyyi yudfen deg ul, ur akd yelli hed nnedni. qa tsem d mami zeema maci ca d abusar, ur tellid d ict zeg tterf. mami xef i yeizzen, melli yer i ca n tzemmar, ya yafey ur xef s bettiy, trajiy yir melmi ya yawdey yer mayen yexs wul inu, uka ad hniy ad zyenfiy.

Leeziz lear n nem: pinsar cway malla texsed, xem ma ad txemmed deg mayen tettedged ammu ma yer m deg s lheq. Ur yer i d seggewed yir zeg weswad yer wen cem yettensen waha, sewedd yer i am lexmi tellid cem deg wemkan inu. Sexdem cwayt buhbel dj xef m leeqel, ha lear n nem d lear n lwalidin, lear n sisi Ceayeb Buneftah.

Ssensey am yer tewwurt: Uhheley mayen ggiy, sebrey ur zmirey ad rniy, laggewaj yenya yyi, hejme y d al tawwurt, aseee a yam lexmi wer qae yewqie walu. Tu ya yeqqim yir ad d ksiy tsunta d weqbar, bac ya eedley

asensi, amenni yah ya weddi.

Ur ihin wul n nem: Ul n nem ur yenhez ur dam zzillezey,
ur deyyi teshissefed. Ur tennid ur ssiney min das yejran,
wala mant lhalet i deg yella

Wah ya lhub ya weddi, ad yili qae mayen ya yilin, ur
ssiney min ayayli i deg m ggiy, uka tuya maci yxessi cem
ad yyi tegged ammu. hen cway, kfa yam zeg ueeffer.

Meerik mri djiy

D ddefin x ddat n nem

Ad sennetey a mami

I mayen yeqqar wur n nem.

Iredzu ad yessen timessena n buhbel, timessena yuyyeban, i yayili wla d nettata ur xef sent tergib, ur akid sent tuki. Timessena i wer yedzemmer ad yini wqemmmum, deqlent xef yiles, ca zeg imuren ur yer sent yettiwed qae walli.

Ur d teqqim deg min das teqqar, niy deg min das tetyennej. Awal ihwen xef kulleci, iles ur deg s bu yyes, itteg ccek, itredza s azellif, isbuhluy it. Ad yili d awal waha, ad yili wer tessin mamek t ya tini, ad as teedel timenna, niy ur teqqir ca merra.

Manayu yedji t, itetter ad yili d ddefin ad as yemmers xef wul, hima ad isel lexmi yetcat i mayen yeqqar.

Malla yiwey it usemmid, ad issen mani zeg s yetrah, mayen akid s yessedaw.

Malla yedwel d ddefin xef rrimet n nes, wer yelli ead wi tt ya yhadan nnedni qae, yettili d netta i tixdar ad yili d

min ya yilin.

Meelik melli lliy: Lastima, ur yelli mamek das ya ggey bac ya yiliy, ur yer i bu tzemmar zeg ya yawdey ad iliy d mayen xsey ad t iliy, ya melli ya yiliy.

D ddefin xef ddat n nem: Ad yyi tirded, ad am hekmey aksum d buhbel, ad akid m takiy, ad yyi tessuf tidi, ad yerqey deg lefwah. Ad am mmersey xef wul, bac ad sseney lexmi yetcat i wmi llant tkita d mayenn qae deg s txemmeled, ad awdey yer bezzaf i ya sseney. Ad sseney ila d nnetc i tixdared, d netc i tettexsed, i dam ieejben.

Ad sennetey a mami: Ad sley ad stelyiy, zeg umejjiw inu d wul inu, ur deyyi t tiqqired la cem, la d hed nnedni. Ad sennetey zeg idammen d yixsan, maci ca ad sley i lhes waha.

I mayen yeqqar wul n nem: Ad sseney min yer m illan deg wul, min xef tredzud, ma tettildid akid i niy lla, ma tettexsed yyi nican mmeya deg mmeya, niy dinni ead ccek, dinni ca n hed jar aney. Din ca n yidj tnedred deg s tittawin ur tezmired ad tixdared, malla sebhan din ca.

Malla yiwdey ad sseney ad kkesey amnus, mak mma yixs ad yili lhal dji t ad yili qa t akid i niy kuntra ynu.

Mara texsed ayi
Sijjed beeda x sşur
Yemma war da tedji
Baba yruḥ ad izur.

Yudef itt ccek d lhem, izdey itt wemnus d lmuḥal anect
n lweed,ur teqqim tetwala elahal mayen akid s t
ijemmeeen ead.

Lehya d aseḥḥan, lewqer amennedni, maca ad yedwel ur
xef s bu sser, yeddaggewal ur dinni ca, d aceffan.

Ad yili lheq yer bna dem ad yeggewed, niy ad yessedḥa,
timeslayin u nurmal. Maca qae al ya yawed ula yir ad d
yessidj xef sşur, wer das idzemmer, manayu yityima deg
s ccek, waxxa ya yili min ya yilin, xef s awal.

Kter lexmi yettili bna dem, iteggewed amenni waha. Ur
yetteg walu bac ad yessen, ma yxessi t ad yessedḥa niy ad
yeggewed, niy ur din wla d ict n lḥajet zeg mana yu.

Mayen i d yetbannen, ila netta wer yiggewij ca d ammi s
n ddecer, d adjar, ad yili waxxam xef wexxam. Yessen
merra mayen yettewqieen, u yxessi t ad yessen merra
mayen yettewqieen. Nnehar nni, am lexmi yexs ad yeg,

zeema cek ca wer t issin, ca wer xef s yergib. Netta ur yexs ad yessen ila malla yettawey as d rebbi, yexs ad xef s yeffe, waxxa ya yini qae merra mayen ya yegg, tessan ila yir yexs ad yefhem waha. Mayenzi yexs niy ca wer t yexs, yessen ila yemma s wer din telli, baba s amenedni. Lefhamet n nes hsen as, ad irah ad tt yender deg yeyzer.

Malla texsed yyi: Malla fielen tetterebted, tetcid xef i lgudrun, teffezed ifilan. Ur yer k yir netc deg wul, u d nnetc i texsed, waxxa ya yili min ya yilin.

Sidjed beeda xef ssur: Walu qae, sekned ix f n nek beeda. Sekned yir udem n nek beeda waha ma ca nnedni wer yelli mayemmi, yir bac beeda ad ssiney ila tettexsed yyi nican zeg ttidet, ad kkesey ccek. Ur tyimiy ttet yyi tmessi yir amenni waha, xef ca wer yelli.

Yemma wer da telli: Qae ur tteggewed ca, ur yilli tanya min xef ya teggedwed qae, wala ad cek ittef lehya. Malla tennid sebban tessedhid ahnini ad tetwafedhed, ad cek yettef unexlie: yemma tuyur, ur ssiney qae manis tekka, mant tammurt i tt yetcin.

Baba yruh ad izur: Baba i dak tyil d ittawey rebbi, ad akid

i yemmeney, ad yyi yewwet, ad xef i ybellee, malla wer
teggewided xef yixf n nek, ula d netta wer da yelli ca,
yuyur ad yexdem cceyel n nes, hesb it qae iruh yer ca n
wemrabad.

Malla cek d aryaz, iwa yamer cwayt, sexdem cwayt alli.
Ad yili yessen mayen dinni yellan jar aney, yeffey yir
hima ad aney yedj tnayen itney, ad naf rruy n ney, ad neg
mayen nexs.

Izlan isxerwaden

Ggiy asen iyennijen isxerwaden, mayenzi mkul lefhamet tettek deg tennedni, mamek mma texsed ad asen ffehmed ad asen tfehmed. Ur yer sen ca yir idj n webrid ten yessufuyen, ict n terya ten ittawyen. Malla texsed tedzemmered, deg k mayen ya yejtahden, ad ten tafed qae d ibriden.

Abrid i deg ya teejned, ad dak d isbiyyen ibriden nnedni.

Am ca zeg imuren, chal zeg izlan, nebla ma ad deg sen nxerres, itawey aney d rebbi tenna ten temyart, natta ad yili bhal walu d aryaz i ten innan, am:

Txadent n nnuqert

Jar idewdan tbed

Yewed ayi d ar aqemmum

Ad as iniy dwerd

Ur da mayen zeg ya nessen wenni t innan, ad yili d aryaz, ad yili d tamyart. Maca axerwid yir alami dinni txadent d zzeemet ur yellin, xef lmeena yu yellan yamda, yettedja yaney ad nxerres deg temyart i t yennan.

Ttaqafa yegga weryaz, tedja ney netpinsar yir zeg
mayen yellan. Nettexs ad netwala yixf n ney deg taryazet
d lefhamet, tamyart tetten tt tfeqqae.

U manayu malla yexs ad yini ca, yeqqar yir ankar n ddat
d uyabi n leeqlana.

A yaman n wanu
I semden di tebriqt
M ucuwwaf azirar
Xa cem d tawi tewriqt.

Awal xef wanu d tewriqt, maci d lwehlan n bnadem zeg lefhamat, wer yufi min zeg ya yfek ca, iwedder as uzellif zeg idaren, uka yiweɗ yer leabat. D awal xef lwede, lhalet deg llan waman d mucewwaf. Alami din yanu, labud ma ad twaymen waman. Alami dinni ca jar asen, labud ma ad yiwqee ca.

D tu d tudert, ur yelli wi das ya yfehmen, ur yelli wen tt ya yesfehmen. Ur yelli wmi ya teccektid, ur yelli wi dak ya yesseknen abrid i cek ya yessufyen.

Alami lmentiq ur yeqqim itett, ad tetwadj i tira d zzeman. Malla xsen wussan, ead ad xef s terzu, ad as d tbed al ufus.

Maca mayen teena tu!?. Ma d lhub nican, ma d tameddukelt waha ur dinni qae ca nnedni jar asen, itter zeg s ca n lhajet ur das tt teggi. Ma tewca s awal, ad as tt teg, nnehar aneggar teffey xef s abrid. Malla d tameddukelt,

mant d mamek tegga tewriqt u itt id ya yawyen!.

Tawriqt, teks ad tini lmektab, teks ad tini lheslet. Mayen ur yettilin yer bna dem, ur yer s ttilint akid s bu tzemmar.

Mamek d waymen d waje bden waman zeg wanu, semden deg tebriqt. Amenni y das ya tewqee i muceewaw azirar, ad tt id tawey tewriqt.

Asemmi zeg tetwasemma muceewaw azirar, ur d yusi ca yamenni waha. Ur tt isemmi zeg manayu alami tuy a dinni ca, yalami tuy a yessen lexmi das ya tsel, ad tess en ila xef s maci xef hed nne d ni i yella wawal, ad yili tuy a tsemman tt zeg s merra yewdan.

A yaman n wanu: A mayen yuyyeban xef bna dem ur itwilin mayen illan sennej, ur xsen qae ad regben xef ca. A mayen issiriden, yettekkesen jjelix zeg izellaf.

I ysem den deg tebriqt: Tuy a yuyyeban dewlen ur qqimen, i twayemen semden deg tebriqt zeg leewin deg sen iwtin deg ttaqet niy zeg tili. Ur tuy a yessinen umi qqaren lehmu, ur d irrin lexbar wi deg yekker uceeeal.

Lexxu qa yen zzat i, malla xsey ad swey ad berredey djuf, ad ten swey. Malla xsey ad ten siyyeh, ad zeg sen

irarey, ad ten kebbey mala terceq yyi deg ucal.

M ucewwaf azirar: A ten yer yella wceewaw d azirar yezzeyert xeg tehheramin amen kemlent. Fer m i d ssawaley, nebla ma tmeyyaked, nebla ma teggid am lexmi ca wer yelli.

Xa cem d tawey tewriqt: qae ur tteggewed, chal mma tekkid, ad thufed al afus, wer yelli mani zeg i ya terewled. Waxxa ya tegged mayen ya tegged malla tedwid ad tahheled ad tersed, ussan d iziraren, lweqt tetbeddel.

Yenya di Marsidis
Tittawin x uyezdis
Nniy ac a mami
Lhub n ney war d yettis.

Alami wer yufi min xef tuya yredzu, ur yelli mayen ya yniyyet. Igga yixf n nes am lexmi ur yelli walu, maca yamenni, merra mayen inwa ad yesnuffer iband xef s d alyem.

Tenna s ila dinni ca n lhajet, ur tt yeksi ljibb n nes, u d manayenni i yellan. Lexmi ca n lhajet ur d tettis akd tennedni, wer akid s d tettis waha, ur yelli mayen ya tegged, wala mayen ya tfehmed. Lla qa d ila waha eemmers ad yili d wah wala bnadem ad ig ca n dzemmar bac ad yili.

Ad yili tuya wer tessin qae ila tuya yer s tumubil, teffeyd yer s marsidis, ix s ad xef s yig zeg s cciki, nettata manayenni qae wer tt yecqi. Fer s niy ur yer s kifkif, ur d teqqim deg mayen yer s deg ljib, iqqim d deg min yer s deg leeql.

Tyil as zeg cciki y zeg xef s ya yeg, ad tt id yissehwa, ad

as yetc zeg s Imux. ur yissin ila ca zeg imuren, manayenni wer itet.

Yenya deg Marsidis: Yexs ad yendeh, netc ur deyyi yenni ca, yegga yixf n nes am lexmi wer dinni yelli walu.

Tittawin xef uyezdīs: Iziyer xef i yaɣembub am lexmi yakid s tenya ca n lebhimet ur deyyi yseggewed, ur deyyi ynetteh. Issehwad tinyert ur icewwel ad yyi yender tittawin, am lexmi i deg s nyiy.

Nniy ak a mami: Σelmey ak, maci wer dak qae elimey. Ssiwley akid k, cek tugid ad tfehmed, ur teewweled ad ɣer i tesled, ad trezmed cway imejjan, bac ɣa tessened ila wer din walu jar aney, hsen aney ad nehna ad neg leeqel n ney, ad nefhem ila dinni bezzaf n liyyawat.

Lhub n ney ur d ittīs: Cek fijih netc fijih. Sseney ila eemmers ad nemselqa, bayen ila wer dinni qae mayen daney yesmunan, ca wer daney ijemmee.

Mami reeziz inu
Man rħub i kid m ggiy
Cem di rbit n nem
Nec di barra fenniġ.

Mayen t yedjin ad yesseqsa yixf n nes?. Ad yessiwel akd
lyayeb, nebla ma ad yessen mant lhujja, nama yessen
mayen dinni, yexs ad xef s iziyyer. Itban as d yessawal akd
lberrani, waxxa yetwala yessawal akd lħub n nes.

Manayu yetteg lyumud, irenni lhem i leekes, deg s
bezzaf n iseqsiten.

Ma tettexs it, ma wer t tettexs, ma yetteg as tt d
tayennant?!

Merra manayu, yetyima yennurzem, ajaweb xef s
yetyima d aseqsi.

Ma yudef it ccek, ma d netta i t issidfen i yexf n nes!?

Lexmi yisyuyyu yidjen zeg wennedni, eemmers ur ttilin
iyuyan amenni waha, labud ma ad din tili ca n lhajet teedu
leqyas.

Iyuyyan zeg yidjen wennedni, maci d iyuyyan xef yidjen
wennedni. Iyuyyan d yetteffeyen, i d yettekken zeg

uyezdid n lhub, d iyuyyan yer yella mkul lheq ad ilin
hima ad ilin.

Mami leeziz inu: A ten deyyi yeedmen, a ten xef i
yeizzen zeg ul, tciy lgudrun am lexmi t tciy xef lehwa.
Ma terrid yyi d lexbar ma niy lla, qae ca wer cem yecqi,
min cem yuyin, min cem ideewen nneeyu.

Man lhub i yakid m ggiy: Malla d wu d lhub, llaħ yeneel
waldih, llaħ yeneel jjed n lhub d wi xef s yessawalen. Ula
d nnetc sixenta tuya yyi ttesey, heddiy lum deg teellaft ca
wer das fhimey.

Cem deg lbit n nem: Triyyehed deg wexxam ur cem icqi
lhal, ur tetpinsired qae deg min deg lliy. Ul ihna, tudefed
deg malta, tetweqqehed yer tmejmert, yetgeeedd akid m
lehmu, lbal n nem yettes.

Netc deg berra fenni: Neddreyd ul, tcatey xetti,
azellif ibda, ul itteqqes, tettek xef i n yitan. Isud usemmid
isud deg i teemma yyi teedjajt. Ihuf wenzar ihuf xef i
isbetbet yyi yarrud.

Rebbi wi ya yezwan
Iyazar n wezru wehdes
Ad kid m t zwiyy nniit
Aksum yewda x iyees

Man iyzer i teks ad tezwa, d wu d aseqsi yamezwar i daney itcaten yer walli. Ma d iyzer n sseh, ma d iyzer n lhub!. Ma d wu niy d win netta wer das tewqie u wla d idjen zeg sen ma yecqa t, ula d idjen ma yessaggewad it, wenni yexsen yili yili.

Iwjed i kulleci, mayen yexsen ad yewqee dji t ad yili, waxxa ya das tek deg weksun ad deg s yedfee buhbel.

Issen itt niy qae ur tt yessin, mselqan niy eemmers ur msezrin, ula d awal ur t msiwilen, lhubb yettekk sennej i kulleci. D iyzer niy d lebher, zeg tyerrabut niy nebla lemquadef, isud usemmid, niy kkerent theryadin, ad yili merra d tinedwin, zeggewu ad yili ad yili.

Mayemmi teks ad tezwa, min tt yedjin ad deg s tfekker?!. Min t yedjin netta, yexs ad akid s yizwa nebla ma ad yessen mayen din.

Ma d ayenni ay tuya yetraja, melli yufa ad yili melmi

yewqee, yir d nettata i yeedlen!.

Rebbi wi ya yezwan: Wi yer tella tsa, ur t yudif werjij, hima ad yezeem ad yeqdee bac ya yezwa. Ad iyamer zeg tudert waxxa ya yili min ya yilin.

Iyzar n wezru wehhedes: Ur akid s qae hed, malla yewqee as ca, wer yelli wi das d yerrin lexbar, tekka deg s d ttazzeekt. Ur yettif ula wi das ya yeggen binda malla yeyzem yudif deg s ca wceqquf, wala wi das ya yekkesen ula yir asennan, malla wer yezmir ad t yekkes nnit.

Ad akid m t zwiγ nnit: Fir ruh zeem waha yir zeem, ur tteggewed, aqqa yyi da yakid m, mani mma teks ad teffey, dj ad teffey, Allah yeneel jjed n tudert.

Aksum yewda xef iyees: Waxxa ya yili min ya yilin, wiyya m ad yyi yawey qae, uka wer cem ttedjiγ, ad t zwid wehhedem.

Ma yeqqim yyi ead ca terrid yyi hala tedjid deg i yir ixsan, dewley am ufilu, ad kkey zeg tit n tissineft, d lkiyet deg tmenza halawit.

Llah yeħsen reawen

Ra day k ra day i

Cek tettarebted

Nec tenyid ayi

Waxxa yenyi tt, izemm as aduf, imerrec as ixsan,
amenni ikessi yas ihessifen thetsen as leawen la d netta
alami tessan min iena lhub, umi t qqaren d mayen
iseggewa.

Waxxa ya yili min ya yilin, waxxa qae tekka deg s, ur
yelli mayen ya tini, wer yer sen ca zeg tnayen yidsen deg
ufus. merra Ad xef sen iraren, ad xef sen qelben tammurt,
kulleci ad yili alami maci merra tessan leedab n nes.

Tameslakt tebberey, ur das d yetbin mayen tt ya
yussufyen akid s.

Aterbet xef tella tessawal yamed, yittarewd iseqsiten ur
yer llin ljawabat, tedjan bna dem yitmuttuy zeg wu yer
wenniden.

Aħsan n leawen ur yilli ca yeşfa d nnuqert, ur yilli ca
nurma. Mayen tt yedin ad temmet, alami netta deg s
yetterbet!?.

Ma qa tt zeg weryaz, ur tufi mamek akid s ya teg!?

Ma tetmetta xef s, netta wer das d yirri bu lexbar, yender tittawin deg ca n yict nnedni, tiwey as alli, tetwala t itmatta qibal n nes, ur tedzemmer ad teqbel manayenni!?

Llah yehsen leawen: Lhub iweer ur yelli min ya yini bna dem deg wenni ya yelqef. Sseney t, sseney çal iseggewa, wen ya yeggen imi rebbi ad t ijerreb.

La day k la day i: Zeg tnayen yitney, idjen ur yeedu wennedni. Merra yitney nfenna, ttett aney tmessi, yettekker deg ney uceeeal.

Cek tetterebted: tetcid tt ela yefla, yekka deg k lhal, ur yelli mayen zeg k ya yraja hed ead. Ul n nek yuker it wi t yukren, wer dinni yer i bu wemkan.

Netc tenyid yyi: Ur deg i tedjid qae min ya ynefeen, llilt d uzir d netc tpinsarey deg k, dewley d tabuhalekt, terrid yyi hala.

Ggiy ij n rkiyya
Ggiy tt zeg ufus inu
Fekkareyd awaren
N nem ya mami ynu.

Maci labud zeg lkiyya ma ad tili zeg tiqqedt, mumkin ad tili wla Ƴir zeg leeƳel. u maci labud ad yili issawal xef mayen itwaggen wembeed alami yewƳee mayen iweƳeen, bħal walu ad yili yessawal xef qbel i manayu. Xef mayen ten idjin ad awden Ƴer bettu, i t yedjin ad t yetwala d ssabab n lkiyyet qbel ma ad tili.

Bac ur iteiwid i min iƳer iggi t d aeefan, issehreq ixƳ n nes hima ad xef s yeeƳel mlih, eemmers ad t yettu, wala ad as yetwakkes zeg walli.

Maci Ƴir rwaħ uka ad tettud lħub d yiwalen n nes, ad ittu bnaɗem mayen isseedu. Kter ead malla yidjen ihkem i wennedni asennan. Amenni i deg s Ƴa yeqqim wawal itteyzaz d ssuset deg yixsan.

Yetwala, deg llaħumma ad yessehreq afus zeg ufus n nes, wala ad as t yesseɗmed hed nnedni deg wemkan n nes.

Llaħumma ad deg s ipnsar tameddit d was, ad ir leib deg

yexf n nes, ur ittedji ayedzim ad yazey, bac ur das itewid eemmers, wala ad deg s ir leib nettat yir bac ad ig am lexmi ittu, maca bhal walu ad as ieawed.

Tenna s tyil as am lexmi tuya tetbusar, awal yettek ieeddu. Rwah alami t yeedu lhal, ead i t id iwta wawal yer uzellif i yessen min iena d chal iseggewa wawal. Maca wer d yerri lbal, alami yufa lhal ikka deg s aqqan imejjan igga s yir lhem.

Tetyima lkiyyet, ixes ad tt iksi bna dem zeg lmeffhum iweseen maci ca yhesren. amenedni la d awal, ur das yettite yir ict n lmeena.

Ggiy ict n lkiyya: Sherqey ixf inu, hima ad xef s eeqlay mlih, eemmers ad tt ttuy wala ad yyi trah s lbal.

Ggiy tt zeg ufus inu: Alami d nnetc i tuya yellan d lesbab, d netc i tt yeggin, ur diyyi tt iggi hed nnedni.

Fekkareyd awalen: Nnasa-ih n nek tuya diyyi tettited, bac ad d rrey alli, netc wer yer m tselliy, ggiy am lexmi dduhecrey.

N nem ya mami ynu: Mayen tuya deyyi teqqred cem, maci mayen tuya deyyi yeqqar hed nnedni. Midden waxxa

nnan, ur deyyi cqin ca, ur deyyi tredzin azellif, tafqeht n
nem, cem, tuya xef tmiyyekey.

Mami reeziz inu
Bu ssawar acemcaḥ
Awmi tennid reib
Reeqer mani dac irah.

Ur terdi zeg mayen yegga yamenni ha wahit, wis tnayen,
irzem i wqemmum ibda yeqqar leib, yessawal nebla ma ad
ixerres.

Ma tessawal akd umeddukel, tuya zeg tetraja bazzaf i
yakid s ya yilin. u d wenni n yidjen i yer s yellan, wer yer
s bu hed nnedni, wu d lmuckil.

Ma tessawal akd yedjen zeg imeddukal yer s yellan, wu
d axerwid nnedni.

Ma wenni i yakd tessawal, tuya t wehhedes, niy tuya t
akd wi y tettexs merri, niy lbeed zeg sen waha, wu d
lmuckil n ixerwiden.

Mayenzi, alami tessawal akd wenni tuya yer yella
sserwal acemcaḥ, ad yili yla tuya dinni ca wmeddukel niy
imeddukal nnedni tetmun akid sen, yir deg lweqt nni d bu
sserwal acemcaḥ i tt i yhemmen.

Inna leib, ix s ad yini ur inni ca min illan, tesli t zeg hed

nneḍni, maci zeg s i t tesla, u maci ca y nettata i wmi t yenna.

Mami leeziz inu: A wen deyyi yudfen deg ul, ur iεewwel ad t yeffey, izedyi yyi deg aduf d idammen.

Bu sserwal acemcaḥ: Ikcef tcin t waman mḥan as kulur, am das yetca leib leeḡel. tetwakkes as pintura yam das ruḥen idammen zeg uyembub, ur yiqqim yetsedḥa.

Awmi tennid leib: Alami tekkered ad trezmed aqemmum ad t tcerreged al imejjan, bac ad yyi tessiwled. Ad tinid mayen qae wer yellin, wer zeg i d yekkin, melli beeda yir tennid tidet. Leeḡel mani dak irah: Mayer a weddi, mayemmi qae manayu. Mani tuya tellid, mani y tuya dak iruḥ lbal. Ma tuya tyabed ni, niy tewtid deg kulleci, ur qqimey cqiḡ cek, wala texsed εad ad yyi tt tawyed.

Tazitunt n webrid
Wi dinni yeqqimen
Mara d mami reeziz
Ina s ad ieayen

Tender tittawin, iban as d mayen das d ibanen, ur
issin hed d idjen nama d icten. Ma tuya tt dinni Ƴir azellif
i tuya yuder, teksi t temselqa akd min temselqa. NiƳ tuya
tt deg wexxam, yalleh i tbed deg berra. Ad yili d wu ad yili
d win, zeg tnaƳen yidsen ad ilin. Man ur yettilin, huwwa
d wenni dinni yeqqimen, ur t tezri ca yeggur. Malla tuya
tt yalleh ead i teffey, yetƳima d ufuy ur yettessen hed
mayen xef. Ad yili teffey xef ca ad yili Ƴir amenni waha,
bac ad deg s yewwet leewin.

Mamek mma yegga wufuy u y tegga, tetyima din ict n
lhajet awern as, awayla tuya wer tt qae ittidef ccek, ur tt
itettef ca wemnus.

Iban as d mayen das d ibanen, ihewwes itt, melli tufa d
as yeffey d mayen teks ad tzer. Tbehher tittawin, theqqeq
itent, teswed mlih, teedel aswad. Iban as d yidjen, ad yili
qae d icten, ad yili txayel waha, min teks ad yili Ƴir d

ttacabt jar tittawin.

U bayen ila tazitunt i xef tessawal, maci ca am tzitunin merra. Tazitunt u mferreza xef zzitun, yer s lealaqa akd ca n lhajet. Ya ad tili tyiman yer s yemsebriden, swahhalen din. Ya ad yili yetbedda dinni lkar, ikessi ssenni imsewwegen. Ma tiggewej itt bezzaf, alami wer tedzemmer ad tferrez wi dinni yeqqimen!. Ma d tittawin, i yer s yellan cwayt waha?!

Aeayen i xef tredzu ad tetwaeayen, d thajit n ufekki.

Ma teks ad t tbeqqa elaxir?!, ma ad akid s tuyur?!. Ma trahit ad yer s trah waha, niy ad as tini ca n lhajet tuya tt yer s deg ul chal zeg wami d nettat teqqaz, tetraja yir melmi y das tt ya tini.

Tazitunt n webrid: Ur yer yelli bu yetbab, i deyyi ya yedjen ad fekkerey d bab n nes i din yeqqimen. Fer tyiman yewdan zeg tterf, tetteg xef sen tili, tkessi xef sen inuzar, tesleqqa tfukt, tesdurruy iten zeg usemmid d ccellad. Ttafen mani hebbeden, mani ttemsarajan.

Wi dinni yeqqimen: Ini yyi wi dinni yellan swadday n nem, ur t twiliy ca mlih, hima ad t eeqlay, ad sseney

manis wenni.

Malla d mami leeziz: D llif inu, d ttamment inu, d buhbel inu xef tettey lemrus. D mayen yer i yellan deg tudert, ur dinni ca hed kter zeg s.

In as ad ieayen: Ad iraja cwayt, ur xef s teetteley, yir ad eedley ix f inu, ad xef s d lehhegey deyya, niy ad yer s d uyurey am lliy waha. Ina s mayen din yellan, hima wer yeggur ca nebla ma ad tezrey.

Idenni wmi tardid
Tuya tardid ayi
Idenni wmi nemney
I reeyub mayemmi

Mayemmi qae nnifaq u!. Mayemmi bnadem
itbeddel deg ikemmaren. Mayemmi yetneqlab deg wawal!.

Tredzu ad tefhem i leeqliya n bnadem, mayen t yettedjan
ur yettessen mani yeedjen.

Mayemmi lexmi yettili yettexas idj wenedni, iqebbel zeg
s kulleci!. Lexmi ya msebdan, ad yebda ad yini leib!.
Malla tuya yesnuffer ca, ad t id yejbed, ad zeg s yeg
ddieaya!.

Idenni, chal lexxu zeg wami, maci ca lexxu. Idenni, umi
yetwaeawed mertayen u mkul amur i wmi yetwana, idj
umur akd "awmi terdid", idj umur akd " awmi
nemmeney", yettite aney ict n nendra xef mefhum n lweqt
deg yizli.

Ad nawed ad nini, ila da lweqt ur yer s bu lmeena,
kulleci yettended xef min idduran deg leeqel d lihsas.
Melmi yewqee, mant lqis maci ca d amnus. Amnus

ameqgerand min idjin bna dem ad ibeddel, d mayemmi
yetwanna mayen tuɣa wer yelli mayemmi timenna n nes.

Idenni awmi terdid: Alami tuɣa texsed ur tettegged ca
deg ul, tedjid lxader n nek isfa d nnuqert.

Tuɣa terdid yyi: Tuɣa mayen mma ɣa yiniɣ, ɣa ggeɣ
tqebbeled t. Ur teqqired walu, ur xef i tettegged, ur deyyi
tessexsired qae lxader.

Idenni awmi nemney: Alami ɣa yewqee mayen
iweqeen, yirar xef neɣ cciɛtan nemmeney, niwed yer tfu
xzit.

I leeyub mayemmi: Min cek yedjin tiwded qae yer
manayu!. Mayemmi tebdid ad tbeddeled, ad yyi tessiwled,
ad trezmed aqemmum xef ca wer yelli, ad tinid mayen
yellan d min ur yellin. Ur yelli mayemmi ɣa tegged leib,
dji cek deg ttiqar n nek d ttiqar inu.

Ddefin acemrar
bu sebein n reqfur
Mami yawmi yuyur
Ijja yi mantca deg wur

Ad yili, yalami ya trah ad tired, niy tebda ad tsebben
amcum nni n ddefin, niy tenteh deg s, yerri tt yer deffer,
ifekker as d leeziz n nes i yuyuren.

Ddefin u ur yelli am ddefuyan i yer s illan amen kemlen,
d ddefin i yer tella wla d lqima lmaddiyya, maci yir
lmeenawiyya.

Ddefin i yer yella sebein n leqful, maci ca amen wenni
yer yella tlata niy rebea. Wenni n sebein, ur das d teqqim
yir deg leqful waha. Teqqim as d ula deg tesfift, reni
yaman, reni yaren.

Leeziz wer zeg tesxi maci ca d leeziz i wmi xef ya
nezmer ad nini nurmal. Wu d leeziz deg tetwala yixf n
nes, das ileqfen ul, yeɣza deg s ix f n nes.

Tikli i yegga, deg s tnayen n lihtimalat: Ya yuyur ad
ihajer, ya ismeh deg s i lebda, maca yetyima lihtimal
amezwaru d wenni y ya yilin. Mayenzi ttariqa n

Imuxataba, wer deg s bu min d issekanen asmah n lebda,
waxxa ur nedzemmer ad t nejhel mmeya deg mmeya.

Tikli yamen issen mkul idjen, deg s u deg s, maci merra
tikli terwes deg weletma s. Ca zeg imuren, malla bna dem
jedel yir tminut, itawey as d rebbi y wen t yetrajan am
lexmi yruh uka yekka ssenni, deg s yesmeh, eemmers ead
yezri t.

Melmi d mayemmi d mayen xef yuyur ur nessin qae,
teeqqeden aney lefhamat attas, u ttedjan aney nfehem
mamek mma nexs netcin i lealaqat i dinni yellan jar asen.
Mamek mma nexs ad tt nzer, ad aney d tban, ur yelli bu
wi daney ya yinin lla, maci ca yamenni, mamek nniden.

Ddefin acemlal: Deyyi d yiwey leeziz, hima ad yyi
issefreh, ad akid i yer zeg s mezri. D acemlal d ayi, yesfa
am yesfa wul n nes.

Bu sebein n leqful: Irutik, ur yehwin ca i tikkest, ur ten
tfetsel temyart i menwala, ur ten tfetsel kemlen lexmi
tettili yir wehhedes i wzellif n nes waha. Tfetsel iten yir
i lhub n nes, lexmi ead yettili rrecuq d nnacat, min yexs
yidjen, iredzu xef s wennedni. Anect deg sen tettek tfetsel,

tmerni ccehwet tmeɣɣer.

Mami yawmi yuyur: Yessuref tanebdat, yerra tawwurt awern as, sseneɣ ila d aqdaɛ n layas, ur d yeddiggewil. waxxa qaɛ malla yedweld, ur ssineɣ xef meɧal.

Idja yyi mantca deg ul: Σemmes ad tt ttuy, wala ad yyi temha zeg wul. Melmi mma ɣer i d ɣa yder, ad t id ɣa fekkereɣ, ad yyi d yekker uyedzim, ad deg s ssenedfeɣ, ad yebda ad yyi yetc lehriq.

Yenna yi ad am ggey

Rharaqa n dheb

Xemm i mmi s n rehheram

Yexs ad ayi ytareb

Yekker ad yefhem, yeşbehd ikerfes itt, tyil as ur akid s tetfiqi, malla sebhan yegga akid s ca n tehraymiyat. Rwah ya nettata u elahsab awal n nes, tessan min yer s yellan deg walli yettended, d mani yexs ad yawed.

Yenna ad tt iyer zeg urey, min xef tmettant tehheramin elahhal merra. Maca ttuqar as d deg yicten, eemmers ur xef s yeggi, eemmers ur tt deg s yenwi.

Yegga k rebbi yla nettata tuya yir tessawal akid s, nebla ma ad teg ca deg uzellif n nes, yekker netta, edunt yer s lefhamat, inna s ad tt ggey d tamyart.

Tban as d deg s lebhut sbuhluyen, yenna s d ttu d nettata, ur ttifey qae mana hsen zeg s yellan.

Nettata, wer das d teqqim ca yir deg wawal, d tdehhakt n useedu n lweqt niy d aşedmee zeg wurey. Teqqim as d deg wemsefham, d ukaki zeg yidjen wenedni.

Yenna yi ad am ggey: Deg nnehar i deg yenna ad yini ca,

ad yekker ad yessiwel la d netta. Yexs ad yyi yessedmee,
ad yyi yetc lmuuxx, ad yyi ysey ul, am lexmi zeema cek t
trajiy yir melmi i deyyi ya yeg.

Lhalaqa n ddeheb: Ad as tinid mayen ya yegg uneggar n
eibad llah, wala min das d yettawey rebbi i wen wer
yennumen ca. Tyil as teqqimed deg lhalaqat, mayen ya
talyed yer imejjan.

Xemm i ammi s n lehheram: Iwa swed leefrit, i ccitan, i
lemsex, i tseeturehtin, deg tella tehraymiyat. Yeqqar
mayen yeqqar yiles, netta tittawin nes deg ca nnedni.

Yexs ad yyi ytaleb: Ad yeksi ssukkewar, ad irah yer
baba yettazel, ad as yini xsey yelli k. Ad as tinid, am
lexmi y das nniy netc ruh, ad yyi yeejeb lhal.

Nnan ak d taëffant
Rri tt ya wur n nek
Llif mara texsed
Qa cek zi tittawin n nek

Da, ad yili d lehşed, niy d ttismin i yettiraren, niy ad yili d ca nnedni. D min ur deg yetxerres qae bnađem, ur das d yettek jar tittawin.

Xsen ad as tt sbereknen d ttelam, ad as tt rren d tamment n lgetran, ĥima wer yetyimi ad deg s yenteh ead, ad deg s yeeksi tittawin.

Lexmi yetwaqqar i ca n yidj xef ca n yict qa d taëffant, iksid rebbi yer tenni tfawt malla llif n nes ur yedzemmer ad yeşber i yiwalen n yewdan kter.

Nettata tessan, mayen yexs ad yini wawal n yewdan, awal ixelladen d icekkamen, iredzun i bnađem yir tenni taëffant. Amenni teşber, ur teewwel ad xef s tziyer, ad akid sen tadeđ deg mayen xef redzun. Teks waxxa yetsella qae yer yewdan, maca walu qae, ixessi t ad yessexdem ula d netta beeda cway tittawin n nes, ur yer sen yetselli waha.

Iwdan malla d nitni i yeëuffenen, xsen ad tt seuffenen

nettata, ixess as netta ad ixemm mlih, qbel ma ad yeg ca.
Ad yer lbal ula yakd lwalidin n nes, malla yettexas itt nican.
Maci yir alami d lwalidin, uka ad yer sen isel, ad yeg
mayen xsen, waxxa xdan deg tmeslayt.

Nnan ak d taeeffant: Ur tehheli qae, ur deg s mayen ya
tezred, wala mayen deg s ya yawey hed, yir ad cek
tessexser, ad xef k teffey, d ttaeeffant deg kulleci.

Rri tt yer wul n nek: Nitni qa nenna k, cek xemm nnit,
xerres i mamek das ya tegged, zer, tenderd akid sen ul n
nek.

Llif malla texsed: Maca, malla cek i yexf n nek, qa cek d
ahurri, qa cek i wzellif n nek. Ur tetsellid yer yiwdan, ur
tt tettiweyed deg mayen yetwaqqaren. Tettegged rray n
nek, maci ca rray n ca n yidjen mamek mma yexs ad yili.
Min xef iredzu wul n nek, ur dak yettirar hed zeg leeql.
Malla texsed, ili mewduei.

Qa cek zeg tittawin n nek: Ur yelli min dak ya yini hed,
wala ad xef k ifhem ca n yidjen. Tetwalid nnit tezerred
kulleci, ur xef k iyib ca. Ula d netc, ur dak qqirey walu,
wer zeg i tetsellid ca, heqqeq nnit.

Ad yili min yetwaqqaren yella, ad yili wer yelli, ur dak
qqirey ca tanya deg i yir mayen işebhen. Ad yili mayen
twalan nitni d aeffan, ur t tetwilid ca cek mamek t
tetwalan nitni. Lmuhim, yir xsey ad ak iniy, malla teggid
ca, ixesi cek d tcek i t ya yeggen, ur t itteg ca hed nnedni.

Leadawem a rejwad

Fadis yuru tini

Σemmars rrida

D rħub war yemmerqi

Tbeddel xef s lweqt, ur teqqim tetwala min tuya tetwala ad yetwazer. Min tuya yellan d lmuħal, yedwal d lmumkin, riyalizm yedwel d suriyalizm.

Fadis zeg tteggan tareffist i ccitan, yedwel yettarew tiyni. Yetteg min yetwatcan, yessizid zeg s bna dem aqemmum.

Mamek ya yeg wuniti, ur yessinen umi qqaren lħub, eemmers wer xef s yesli, ad yebda wla d netta ad yefhem, ad yini haqqa yyi, yexs ad t yeg, netta wer yessin ula mani yeggur, yetteg idaren.

Wen yekkalen yettalyen yeddar, ur yessin ħed mayen xef dinni yettenned, wala mayen dinni t ittawyen, mamek igga wemselqi yu i yakid s ya temselqid deg lefhamet, ad yawed ad yebda jar lħub d rrida.

Lħub, bunerjuf, lefhamet, timexstit i keniw ya yesmunen, ad teggem afus deg ufus. Maci ca rrida, haqqa yyi wsiyd, ma tezrid yyi.

Leadawem a lejewad: Wakwak a eibadllah mana lweqt
u deg nella, kulleci yetwamsex, kulleci ybeddel.

Fadis yurew tiyni: Ddenya tenneqleb, tekka xef uzellif.
Zeg manayu iweqeen, alami yedwel yettewqie mayen
eemmers wer yewqieen, wala ad iwqee. Wi tuya yennan
fadis ad yarew tiyni, ad zeg s yikkex wen izumen lmeqreb.

Σemmars rrida: Aley der, jer iherkusen akd webrid.
Awey rr, ur yessin ula d idjen, mayen xef yettetca bab n
nes.

D lhub wer yemmelqi: Mayen yellan bayen, ca wer
yennuffer, ulawen mselqan, walu qae idjen yerred lexbar
i wennedni, waxxa yiwdan ca wer tezzrin. Ad yemselqa akd
swedd deg i, ad deg m d sewdey. Abrid yettahhel, cceek
yittadef, hed ur yettessen mayen xef.

Yenna s ad tt awiy
Maca tiyra xaf i
Ma tyir ac qa tarxes
Ma d atay n reqhawi.

Si mayen das d yiwey rebbi qae, tyil as yir rwaḥ
uka mlek, ur das ixes walu, itwaqbel xef s, ur das nqisent
yir ttemenyat.

Ur yessin ila ad yili d mayen umi wer yewti lehṣab, i
yxessen ad yer s yili, ad yili yqed as. Maci ca yir d
ttemenyat i t ixessen waha, ixes it mayen t ixessen, ixes
wen deg s tt ya yawyen beeda d amezwar.

Lexmi yettili wer yelli lhub, tetyimad deg ca nneḍni,
tetyimad deg ccaraf d lqima, mayen iseggewa bnaḍem.

Iwa yalleh cek, mamek tegga lefhamet u i ya tfehmed.
Tyil as yir rwaḥ uka ndeh, yir rwaḥ uka ad txeḍbed. Am
lexmi das d yettawey rebbi tihheramin tmendarent.

Nebla ma ad yessen ma ad xef s terda beeda, ma tetwala
t yettawey itt id ca niy lla. Irni deg sent yenna s tiyla xef
i, melli beeda yir yegga xemsa xef uqemmum.

Ur tessin zeg mayen tt yerra, wala das tyil tella qae nnee i

yu,am lexmi tella d afrad ksi tnedred. D atay n leqhawi,
slil liqamet, uka tferreyed aman ihheman, tewced as i
bnadem ad yehlew.

Yenna s ad tt awyey: Si min ifekker qae wala mayen das
tyil. Yexs ad yawey, ad yeg tamyart nebila ma yad yessen
mamek, ma teks wala mayen deg tetpinsar temyart nni.

Maca tiyla xef i: Nete d pubri waha, mani ya yafey
tizemmar zeg tt ya yawyey. Ixes ad xef i sneqsen zeg
ssadaq, malla xsen ad tt awyey, awayella qa wer yettili
walu.

Ma tyil al qa terxes: Ur t seggewi walu, ur yelli wi deg s
yetseqsan. Qa tt dinni, ur deg s yetsiwim hed, ur deg s
redzun, ur yelli wen deg s ya yewcen ula d ttabset, yir
rwaħ uka tnedhed.

Ma d atay n leqhawi: Ur deg i yelli qae ca, la ttibet wala
d lbennt, gg atay, ferrey xef s aman, sehreq nneenaē niy
d cciba, tewced as i bnadem ad yejyer.

Mayen nwiγ war truy

Iyreb ayi d umatta

Ifekkad wur inu

Rhub nni negga

Merra mayen nwiγ, mayen tuγa deyyi d yettawey rebbi, ila ad zemrey ad as sebrey, ad ksiγ ddeqel n nes, nnehar aneggar yeffey yyi wer yelli ca yamenni, yeγleb xef i wul, tehwa yyi d tehnint.

Tuγa tγil yyi ttuy, yetwakkes yyi kulleci zeg lbal. Aseeeaa ybed yyi d jar tittawin, am lexmi eemmers ur t jliγ, yerra yyi yer deffer ifekker yyi d merra mayen nesseedu.

Msebdan amsebdī tegga xef s, tpinsar deg s mlih tewta lehsab i tneggura. Tejjul, tešber, bħal walu tuγa tettu t, tenna teħna. Deg walu tminat, yerri tt leeqel yer deffer, ibed as d jar tittawin, nama temselqa t, yedderd yer s mayen tuγa yemmeksın, tebda ad tru.

Mayen tt yedjin ad tru?! Ma wcin tt teks niγ s bessif i ħed nnedni!?. Ma d netta i deg s isemħen, iruħ yemlek ħed nnedni, niγ ur das qbilen xef s lwalidin!.

Uyur cway cway
Am waman di rejruf
Aqqa m amkan inu
Mani cciy bunarjuf

Ayennnij u wer yelli ca yam wen yeqqaren:

Uyur cwaycway
Am waman di tara
Ha aqqa m amkan inu
Mani ggiy rrida.

waxxa tbanend yir tnayen n yiwalen i deg sen illan nehya
yidjen xef wennedni, maca yamenni mkul idjen d thajit n
nes.

Wuniti tikli n waman n nes, maci am tekli n waman deg
lejruf. Wen itcin bunerjuf, maci ca am wenni yetteggan
rrida (aley/der), yettaley yeddar.

Aman n tala d bna dem i xef sen irzun, iyza xef leenaser
itwag asen lhadaf. Ad twayamyen, ad zeg sen yetwaxdem
cceyel.

Yinni n lejruf teggi ten ttabiea, ur yer sen bu lhadaf, ur
yer sen bu ca n littijah gguren yer s mhedded.

Bab n bunerjuf yedqel, ur das yetteejib wen itqelleqen,
ittexs ad yawed deyya netta merra zeg lweqt n nes.

U zeg yxerwiden imeqqeranen da nettaf, ur nedzemmer
ad nessen, ma qa t akd tmeddukelt n nes niy akd tawmat,
nama akd yemma s. Niy akd ten yexs ad tt ig d
tameddukelt, issawal akid s, bac ya tessan wi yakd tella.
Ad yili yemlek akd ten tuya yettexas yeeceq, kkin ssenni
d abrid, yexs ad tt id yesfekker, yenna s manayu.

Uyur cway cway: Nnehla ma tqelleqed, nnehla ma
tuzzeled, wala ad txedfed deg idaren, yir bellati xef
m.Maci ca deg uqelleq i deg yella mayen yellan, i deg d
teqqim, teqqimed la deg mani/mayemmi/mamek/mayen
xef/wi yer teggured. Am waman deg lejruf: Gguren xef
lxader nsen, wer ten yessizzil hedd, wer dasen yetteg hedd
lqarta xef yiri. Malla bedden, tesbed iten ca n lhajet, lexmi
ya ketren tteggan nnit abrid i yexf n sen.

Aqqa m amkan inu: Malla tuya wer tessined mani tuya
kkaley, mani deyyi yewqee qae mayen iweqeen. Qa da i
yemmenzey, twarehney, kessiy lemhayen.

Mani tciy bunerjuf: Mani ffezey lhub, tciy t elayefla,

temmewc yyi i yexsan, ur das ufiy bu ddewa. Dewley ur
tthniy al da d ya yasey, ead i ya yakiy akd yexf inu
cwayt mlih, lhem yetyaba yhetter, ddaggewaley d cwayt
yer lbal, waxxa tteruy ten d imettawen.

Yenna yi mayemmi teggid

Iyuraf i teymas

Icek mayemmi teggid

Mutur tennayed xa s

Iwa xem cek i bna dem ur itxerresen, idwel am welyem,
itwala yir tageerurt n umas, tenni n nes ur tt itwili.

Itwala yir mayen das yetteejiben i netta, mayen
yetteejiben i yewdan ur t yecqi, ur deg s yetxerres. Yettexs
ad yefhem xef yewdan, ad asen yini am das yeqqar i
nettata, mayer, min xef teggid, itettu yla wla d netta yegga.

Deg tmegga yu, awmi mkul idjen yetteg mayen das
yeqqar wul n nes, i tella tkuni n tudert. Melli netteg merra
kifkif, min itteg yidjen i yetteg wenniden, ayayli tudert
tezhem.

Tetwala, yxes wen yexsen ca yeggi t, nnehla ma ad das
yini hed mayemmi. Malla ca n yidjen yettegg, yeqqar i
wennedni mayemmi teggid, ur yettedji hedd ad yegg, xef
cceyel u yetteejib as niy melli ya yaf yir netta i ya
yetteggen.

Ur yessin hed mayen t yedjin yeqqar as, ma d ameddukel,

ma d tanexdabt, ma d umas, ad yili d tismīn i das itetten
ixsan.

Yenna yyi mayemmi teggid: Si mayen ihetseb xef yexf n
nes qae. Yexs ad deg i yehkem, ad yyi yadef deg ssehhet,
ad yyi yini, mayen ya ggeγ, i mayemmi ggiγ.

Iyulaf i teymas: Ad asent ggeγ iyulaf niγ ad tent kkeseγ,
niγ ad tent rzeγ, ur yelli mayen das yetrahen. D tiymas
inu, d agla ynu, mayen xsey ggiγ t deg yexf inu ur illi min
deyyi ya yini hed.

I cek mayemmi teggid: Xem cwayt deg yexf n nek Cek
issawalen, yeqqaren i yewdan. Min cek yuγin, ur ssiney
mayen texsed ad terred ix f n nek qae, mayemmi tettedged
u teggid.

Mutur tetnayed xef s: Mayemmi tesγid mutur, mant
lmeena n nes ur teggured xef idaren, niγ ad tenyed xef
weyyul. Ma texsed xef lmeena yu ad d tesbiyyened ix f n
nek, niγ thettid iwdan waha d mayen ggin.

Ma tezwid Aliman

Ra d nec ad zwiƳ

Pasapurti Ƴar i

Rfiza ra d nec ad tt ggeƳ

Izli Ƴu, zeg yezlan i Ƴruhen dahiyya n yewdan itxelleden jar kulleci, wer bettin jar tu d tin Ƴer sen kulleci yehwen. Qqaren merra ƳƳennijen kifkif Ƴir ini waha, pinsar deg sen mamek mma texsed cek.

Ad yili wƳennij u, ur Ƴer s bu lealaqa akd lhub itlaqen. Ad yili d tayennant jar tnayen imeddukal, d asbiyyen n teryazet. Ad yili Ƴir idjen yuka akd lhegret qibal i wennedni, itci t wul, yekker ad idafee xef yexf n nes.

Malla sebhan idjen, yexs ad d isbiyyen ixf n nes zeg temrahit Ƴer Uliman, neil mayen das d yiweƳ rebbi. Wennedni yetwala, ur illi min/ wi t Ƴa yettefen deg manayu. Pasapurti Ƴer s, lfiza ad tt yeg. Mamek das Ƴa yegg, bac ad tt yeg, yetƳima mayen deg txerresent tyelwin, qa t deg uzellif n ulinti.

Fir da yalami deg s cway n tyennant, bna dem yennum zeg temƳart ur tetmenyi xef lhub, nniƳ ad t ksiƳ am

mamek t kessi leamma, bac das ya wcey ict n lqima nnedni i temyart d lealaqa i xef tredzu ad tili, leeqliyya yellan i xessen ad tetwabeddel, u ad yili tanya bhal walu xef lhub i yetwag.

Ma tezwid Aliman: Malla texsed ad teffeyed tammurt, bac yir ad zeg i trewled. Lexmi d ya teeqbed, ad xef i tegged zeg s cciki.

la d netc ad zwiγ: Qae ur tteggewed, ur das qqir, mani mma truhed qa yyi yawern ak lesqey deg k. Ur deg s walu, ur dinni mayen deyyi ya yettefen.

Pasapurti yer i: Ur yelli mayen ya tfehmed, ad as tinid sebban hciy as tt, tenfekked zeg i, yiwey ak d rebbi tawwurt zeg ya tenfekked. Malla xef pasapurti waha, qa t yer i.

Lfiza la d netc ad tt ggeya: Maci yir cek i yer llant tzemmar zeg ya tegged lfiza, merra nedzemmer as ad tt neg. Mamek tt teggid cek, ad tt yeg hed nnedni.

Ah ya sidi rebbi
Ma teefud niy lla
Niy ammu y ya neqqim
Zeg urar a yar wa

Alami t yessihhel uraji, t yedber sseber, ur das yeqqim
walu, yir ad yedderdeq waha, ad yadef deg lhiwar akd
llah zeg useqsi n yexf n nes.

Ayayli mellen ix f n sen zeg mayen deg llan, mellen
tazzeliwin yer wuraren, wer ufin mamek d mayenzi zeg
sen ya nfekken.

Yessawal yidjen zeg uqemmum n wattas, ad as nini
yetcikta xef sen. Fir daniti, ur netwili ma yattaş nni qa yen
dinni, niy ur dinni la d idjen zeg sen!.

Ma d idjen ssihhelen t tteqsayer d usebbeh deg uraren,
yexs ad yenfekk zeg manayu, niy d amedyaz issawal xef
imedyazen i tcin lehmum n wuraren!. Ityima wseqsi
yjobbedd wenedni.

Aseqsi d ijebbeden iseqsan u, ttedjan aney ad neksi yizli
zeg yebriden msebdan, deffeen aney ad as nefhem zeg
umxetway n nes.

Awal yer sidi rebbi, maci d ufuy xef webrid n nes, d adaf deg webrid yellan nican.

Ah a sidi rebbi: A wen yer yella kulleci deg ufus, tamezzeyant d ttemeqqerant ca wer xef s yeddurrey. Wer yelli wen yer ya yerwel bna dem kter zeg k, i das ya yfekken lewḥayel.

Ma ad teefud niy lla: Ma ad zeg k nraja ead ca, ad aney tewced ca nneḍni mana xir, ad xef ney teksid mayen xef ney d tessersed, ad aney tfekked zeg mayen deg nella.

Niy ammu y ya neqqim: Ur xef ney yetbeddel walu, ammu y daney ya tedjed, lebda nettazzel am wer nexs.

Zeg wurar u yer wu: Bessif xef ney, waxxa wer deg ney min ya yraḥen ad nesfurrej iwdan, nitni sseeqaren aney, hetesben aney kter zeg itan. Ur yer ney mayen ya nexdem nniden qae, ur telli bu lxedmet n ca.

A wen iqamen atay

War dayi yewci waru

Iwca s timessi

I wur inu ad iru

Mayemmi deg s yegga qae manayu, yiwed alami yqam atay, wer das yewci walu. Mayen t yedjin alami wer zeg s yeggi, xef s imiyyek.

Manis wu yqamen atay beeda, u mani t iqam?. Ma yqam it jar yewdan niy tuya yen γir tnayen yidsen?!

I nettata mayen tt yedjin, al γa tawed ad d tessahwa ymettawen ad as sherqen tsa, ad tetc ix f n nes. Ma tetcit tt xef s, netta yteffer xef s?!. Ma msexiyaqen waha, uka yegga s tt d tayennant, hima ad tt iney?!

Xiyyeqen niy qqimen, yegga ca netta niy ur yeggi qae ca, iefffer yidjen xef wennedni niy mnuffuxen, dwin yer ujenna niy rsin, nettat i yetγiman ttett deg yexf n nes, tetγezza qibal n nes tiymas.

I wuniti mayen t yuγin qae, alami yiwed ula d atay yexs ad zeg s yestayel ddu ef n nes, ur yettili γir d amehluk kter zeg s, mselqan deg lehlak d ferq cceyel.

Mayen xef das yewca iwalen deg s issekken timessi?!.

A wen iqamen atay: A wen yeggin jar idaren ssiniyyet d uberrad deg ufus, yetferrey mamek yexs deg lkisan.

Ur deyyi yewci walu: Mayar a weddi, min dak ggiy, alami wer xef i terdid, mayen xef deyyi tesseeqred. Ma teggid tt d tayennant waha jar yewdan, niy mayemmi.

Iwca s timessi: Ilean as lehriq, ad yyi yeg tifeqqae, ad yyi yekker uceeeal, zeg iwalen d lemeani umi wer dzemmerey ad ksiy.

I wul inu ad iru: Ad xef s iherrem leicet ad xef s d immers ttelam, ad as yesberken tudert jar tittawin.

A Talimaniyyet

Ma yammu i yexs wur n nem

Sellema s ad d yarewweh

Char inu eam nnem

Ma teqbel xef s d takna zeg lxaɗer n nes. Ma d zzeman i tt yedjin ad tt teqbel teks niy zeg bessif xef s!. D yiyyu d seqsiten i daney d yetbeddan jar tittawin amezwar.

Netcin nessen, ila wer telli bu temyart ya yqeblen qae takna. Zeg manayu i ya nezmer ad nini, ila d zzeman itt yeggin.

Mayemmi tetluma tarumekt, ur tetlumi ca wen itwaxessan ad yetwalem!, ad tlum aryaz. Mayen tt yessiwden ad teyfer i weryaz qae al lheddu waxxa yettekk iseggewusa d netta ywedder, ead i das ya yeg adar deg tewwurt!.

Lhel i ya yilin, ad yili yalami tergeb mlih xef wul n weryaz,tessen ila maci ca yer s i d teqqim, netta yegga merra min xef s illan wer yewid yer ca. Melli yettaf mkul aseggewas ad yetreggeweh, maca tizemmar walu.

Waxxa qae mayen ya ypinşar bnadem, yetyima wseqsi

yu yuyel. Mayen tt idjin teqbel! Malla xef lekwayed waha, wer tyimin i lebda, tessan ila ad kken yir lbeed iseggewusa ad msefraġen uka ad zeg s yenfek. Ur illi mayemmi zeg s ya theccem, ad tt tetter.

Ma yer s ihheramen akd Tlimant, nettata wer tettirew!. Ma d tameddukelt waha tredzu ad as tt tehca, lexmi xef s ya tehret ad yazzel xef Tlimant zeg tqedduhin.

A Talimaneyt: A ten yer yella kulleci, ur das ixes walu, mayen yettexas lxadher tettaf it zzat s.

Ma yammu i yexs wul n nem: Pinsar cwayt, ur tteqqen tittawin, sexdem lemġaj n nem, gg ix f n nem deg wemkan inu.

Dji t ad d ireggeweh: Ur t ttegg deg lħebs, rzem as cwayt, wer xef s tbellee. Wec as cwayt n ttesriħ, ur t ttedji yfenna, yqetta qibal n nem, tizemmar ur yer s llint.

Cher inu eam n nem: Ur zeg m tetterey bu ca n lħajet temyer bezzaf, wer trijiġ mana kter. Twaliy mayen yellan, waxxa yul inu yedderduq, ttekkien deg s lemwas, ttet it tnessi. Cem ksi t eam, netc dj yyi t yir cher baraka xef i.

Ma d eam ma d eamayen

Ʀa yesbar wur inu

Rexxu tert snin

D attas a mami ynu

Ur yelli mayen yellan d aeefan kter zeg uraji, u lexmi yettili bna dem yetraja wenni i yettexas, ur yelli min ya yini bna dem. Armac n tit ittili deg s tminut, tminut teddaggewal d tsacet, nnehar d aseggewas.

Mkul aseggewas ya yeqdan, nnehar d ya yasen awern as iddaggewal d umas, ur yeqqir al t ya yesseedu wen i ytet lehriq.

Malla yiwdan ssawalen ead kter ukater, Mani mma ya yzer ca n tnayen ssawalen, ad as tyil xef s i yeddura lherd. Ittawey as d rebbi yir xef s i yettili wawal, ur dinni mayen xef qae ya yessiwel bna dem nnedni.

Ma tetraja ad teg urar, ur tessin chal ead ya teqqim, ya tek d tanexdabt.

Ma yenneereq, iruh yekka ssenni, igeeeed as uraji yer uzellif, ur deg s yeqqim ead min ya yrajan, kulleci yegga deg s mezri, merra yexs ad deg s d yeffey. Chal ya tekk

tetşebber deg ul, teqqar nneharu tiwetca.

Ma d eam ma d eamayen: Çhal ya tekked, yir ini yyi beeda çhal waha, qa manayu d attas ur qqimey ead tesseneş.

ƒa yesber wul inu: Ul itett deg yexf n nes, yeqqar nnehar u tiwetca. Ikessi deg tamara d lemħayen, itkemmed tamezzeyant d tmeqqerant, ur yedderduq, ur yetnehwil.

Lexxu telt snin: Tlata yseggewusa qa edun, wis rebea qa nudef deg s. Wi deyyi ya yewcen ddamana, ila wer d ttisen yennedni yam yinni yeedun.

D attas a mami ynu: Meeyyeqa bezzaf, ur xef s yeqqim bu sser. Ur deg i ead min ya yrajan, ad yeqqim wer deyyi yettided ccek. Manayu wer yelli ca d drus, aqqa d attas, malla tessened umi qqaren d attas.

Ad rahey ad qqimey
Di rwest uyanim
Nec bedrey lhub
Netta ead war yumin

Texs ad terwel, ad tennuffer mani wer d tetbin, ur deg s yetpinsir qae bna dem, ur yer s d teddir ila ad dinni trah. U ixdar tegga i wyanim, maci ca xef ca wer yelli.

Mani wer yetqerreb ca hed amenni waha, Mani yettadef bna dem ad yennuffer, ad yeg mayen ur yettexas qae ad as d ter lexbar.

Mayen t yedjin ur ieeuwel ca, wer yexs ad das tadef azellif, ad yamen ila tbeddel lhub, ay tt yedjin, ad teg min ur das yettidfen deg leeql.

Mayemmi wer ieeuwel netta ad yamen, mayen tt yedjin nettata ad tbeddel lhub?!

Ma tuy a tyil as ila wer tt yetxessi akid s walu?!. Ma tuy a yetraja zeg s kter zeg mayen tuy a deg yella?!. Yetwala yla kulleci yeggur mlih, ur yetferret deg ca, merra mayen xef s yettegg it.

Ma tuy a yir tesseeddu yakid s lweqt, tessay it zeg

tdehħakt d tiwalin al ya taf mayen xef tredzu, netta yeqqar
as teggur akid s nican!.

Wi deg yella leib?! Umi ya newc lħeq?! Wi yakd ya
nrah?! Wi yakd d ya nas?!.

Nruh niy nused, newca niy nekkes, ad qqimen nitni jar
asen deg ixerwiden, idjen yetnuffur wenedni yredzu.

Ad raħey ad qqimey: Ad rewley qae d tarewla ad
xemmey mak ya ggey, manis ya kkey mani wer deyyi
yetwili wala yetsli hed.

Deg lwest n uyanim: Ad nufferey deg uyanim, mani wer
das d yettiwey rebbi, ila ad din qae iliy. Mani ttilin yejɗad
d iqnenneyen tteggan dinni leewac, ur yelli wi ten ya
yhewlen.

Netc beddeley lħub: Kkesey t zeg leeqel inu, mħiy t zeg
walli, ur yer i yeqqim akid s walu qae. Ufiy hedd nmedni
i zeg t beddeley, dinni wi rriy deg wemkan n nes.

Netta ead ur yumin: Yettawey as d rebbi, am lexmi xef
s tbuşarey, akid s theccey, niy yir bac ad deg s ssekkerey
tismen waha. Si mayen das ya ggey ħima ad yamen, ad xef
i yewwet la d netta, amen xef s wtiy netc.

Txadent n nnuqart

Jar idewdan tbed

Yewed aye d ar aqemmum

Ad as iniy dwerd.

Ixdar n nnuqert maci ca yamenni waha, d ixdar
yer s dalala n nes. Ula deg ttaqafa n ney nettaf itt, tcaten
lmatal zeg lqima i yer s, d ssefa i deg s yellan.

Ur tenni yurey waxxa yiyla xef s zeg wattas, maci ca
yamenni waha. Mayenzi yakemmar aweray nigatif, qqaren
t xef wen ffeyen idammen, ur deg s bu lehya, niy yexs ad
yemmet.

Tused akd udad d tenni d nettat, malla wer tt
tessenhezzed cek, wer tettenhezzi nnit. Am wawal i
yettugin ad d yeffey nnit zeg uqemmum waxxa yettili
yersa xef wancucen.

Lhabet itneylulun, tettenhezza i yexf n nes, am wawal ur
yedbieen yetteffeyd nebila lhadaf. Ur xef sen yettekil
bnadem, ur zeg sen yetteg rebbi ca.

Mayemmi ya yetwayini dweld?! Ma ca n yidjen i
yxiyyeqen. Ma msebdan ur tewqie zzeemet la xef wawal

wala xef wedwal!. Blukan zeg tnayen yidsen.

Txadent n nnuqart: D tacemlalt tesfa treq am waman, ad deg s tetwalid ix f n nek.

Jar idewdan tbedd: Ur tetrih la yammu wala yammu. Ur yelli wi tt ya yekkesen zeg udad la ad tt yessenhez.

Yiwed yyi d al aqemmum: Tu ya ruhey ad zeemey ad ssiwley, ad ssenhezze y iyencicen. Ibed yyi wawal xef yixf n yiles.

Ad as iniy dweld: Ad eeqbey deg wawal inu, ur t ttedjiy ad yuyur. Mamek yegga wemsefra q u i yakid s ya ggey, netc ur zeg s sxiy.

Ney mara ad tenyed
War ggewidey ad wdiy
Mara yeqda c bunarjuf
Arahed ad ac rniy

Ayerrabu n nes nettata yuyur yuyur, ur illi wi t ya
yesbedden. Teqqimed deg s netta, malla deg s ca n min ya
ysiyyin yir ad isiyyi.

Nettata wer teggewid la zeg min deg tella, wala zeg
mayen d yegguren. Malla teqqimed yer s nettata, mayen
yexsen ad yili yili. Thezzem xef ueeddis, teewwel xef
kulleci.

Ur tt cqin yiwalen n yiwdan, wen yexsen ca ad t yini, ur
tt ssiggedent learaqil. Lhadaf bayen, ul itcuṛ zeg lhub,
yer s ula d min das ya tewc i netta, malla sebhan yeqda
yas.

Tbedd xef idaren mlih, ur yelli wen das ten ya yjemeen
xef tmurt. Tettef ix f n nes, tegga ttiqet deg uzellif, wen
yeqqaren ca ad tt id iqabel.

Teqqimed xef s netta, d mayen t yedjin ad t
yessiggeded. Malla teqqim as yir xef lhub ead ur das

yiwidən, ixəş as ad yitmer bac ya yewc ad inəene. Ur yelli mayemmi das ya yewwet qae lehşab, mayen yexs qa t mujud.

Malla dinni ca n lhajet nnedni, yellan kter zeg lhub, wu yetyima xef s netta i ya yfekken tahrirt n nes. Ma nettata wer yelli mayen das ya teg, wala mayen deg t ya teawen.

Ney malla ad tenyed: Zid iwa zəem mayen cek yuyin, niy beeed malla wer tedzemmered. Malla texsed ad tegged ca, iwa geffed xef iyallen n nek tesseknedd lhenni n ufus.

Ur ggewidey ad wdiy: Qae ur yer i d txemmi, ur xef i tteggewed, netc ul inu yehna, lebher ma yethuwwel. Sseney mayen tteggey, ur yelli wi deyyi d ya yqateen deg webrid.

Malla yeqda yak bunerjuf: Yeqda yak lhub ur teqqimed tettexsed, teggenfid merra zeg mayen tuya cek ihekmen, ur dak yeqqim wul yessendaf yetteqqes.

Arahed ad ak rniy: Netc ur deyyi yxəş lxir, rwañ ad ak wcey mayen cek ya yqedden. Min cek ya yedjen tettefed deg ddiin, ur yelli wen cek ya yesbeeeden xef i qae.

Wayyaw tanya fenni y

Wayyaw tanya qetti y

Wayyaw tanya yiwedd

Rmijar kid s ggi y

Wi tt yedjin qae tfenna tqetta, nettata tegga yakid
s!. Wi tt yedjin ad terjij, ad tt yadef usemmid, nettata teggi
tt nnit zeg ufus n nes.

Tiwdi yu i zeg tella tqetta, d tarjajat u i zeg tfenna, ur
ihwin cceyel n sent ca, ur yer sent bu ddewa. Kulleci ad
deg sent yetwasney, kulleci ad zeg sent yeqqim.

Tewca yawal, tendem xef s, ur yer s qqiment bu tzemmar
zeg deg s ya tewwet, ur das ittite lxader n nes zeg ya teg
manayu.

Tettexs it, lhal yeweer. Ma temlek, nettata ead lbal n nes
akid s!. Ma yer s ameddukel ur tessin mani i yakid s ya
teffey, tegga ca akd unexdab!. Ma yameddukel iwedder,
niy ur yer s bu tzemmar!.

Thar twedder lweqt itet itt. Azellif irrez, ul itnefqas,
nattata wer yer s ca jar ifassen i das ya yrezmen tiwura.
Ma yacekti ad as yeg ca, d lmuhal ma tettekel xef s qae.

Wayyaw tanya fenniγ: Aya lalla yemma, yebda eawed ad yyi yeffey buhbel nneei yu. Tanya ad tceγ deg yexf inu, ad meremdeγ deg yexsan.

Wayyaw tanya qettiγ: A lalla Jnada man rray inu, ibda weksun ad ihuf, ad yyi tete ssuset. Ttakiγ akd yexf inu trahey ttefsuseγ, asemmid ad yyi yawey, leewin ad yyi yeshuf.

Wayyaw tanya yiwedd: A mula Beydad mamek das γa ggeγ, mant abrid i deyyi γa yfekken, deyyi γa yessufyen. Yiwedd eawed lebyad u n umelqi, yiwedd tanya nneei yu deyyi yneqqen.

Lmijal i yakid s ggiγ: Awal i das wciγ, mak das γa ggeγ lexxu. Wi deyyi yennan ad ggeγ, wi xef i yrayen rray u.

Lhub n nec a reemar

D wenni i kid c zriy

Adan inu qessen

Abrid war xa s wdiy

Ma d wenni i wmi yeqqar netta lhub, ma d wenni i zeg yexs ad akid s teqqim yelli s n midden. Malla yeqqar lhub i wen d min yakid s tezra nettata!. Yetban as d maci ca d wenni i wmi qqaren yewdan lhub, tetwala yxess ad akid s yili.

Icerreg as aeeddis, iqess as adan, issek itt xef s tezley, chal d inexlicen, chal d tamara ca wer yer s teffiγ. Tarzugi teedu tazyudi i deg s yellan. Tuhhel tesber, nnehar u tiwetca yaseeεa walu, manayenni yir itrah imeγγer xef s, abrid yugi ad d iban.

Ad yili tuniti, tuya wer zeg s bu tiwalin d zeyret n wussan xef ca wer yelli, nebla fayda yir cceneet. Tuya bhal walu, teks awal tnayen ad teg axxam, ad tessihna yazellif n nes zeg ssedee. Netta yredzu cwaytwayt xef s ead, al ya yakid s ya yjerreb, ad tt yettemselqa zeg tuffera ad akid s tettaker lweqt, ead i d ya yban malla ad

akid s yeg ca.

Lhub n nek a leemer: Ma d wu i wmi teqqared lhub, niy din ca n lhub nnedni. Ur fhimey, ur deyyi tesfehmed qbel.

D wenni i yakid k zriy: Malla lhub, d wenni i yakid k zriy, i yakid i teggid a leeziz, ur yelli mayemmi. Ur yer s bu mayen t ya ysemman zeg lhub, wala deg s rrihet n nes.

Adan inu qessen: Semmers ur yehni wul, lebda qa yyi tterjiji, adan deg tummešt, am lexmi deg sen yettek lmus. Ur dinni qae mayen akid k yessefrahen, yetradzam lxader, yettite yana i wmelqi.

Abrid wer xef s wdiy: Ca wer tiwidey, ca wer deyyi yessufey akid k. Uhheley mayen ggiy, ur djiy min wer deg xerresey, ur iwidey yer ca n webrid. Ibriden kulleci tbelleed ten, idj ur akid k yettiwey.

Itterbet wur inu

Di taddart ihedmen

Manis d tetteffey

Mami dayi yneqqen.

Yexs wen yexsen, ikreh wen ikerhen, yer s lhub sennej i kulleci. Ur yelli wer yettili wi das ya ybeddelen leqel, wala ad as yekkes mayen yer s yellan deg uzellif. Ur t tecqi taddart deg tzeddey mamek tegga, ma tehdem d lkerbet, ma d tasebhant d leqser. Merrra mayen t yecqan d tenni das yiwyen alli, zeg s d yetteffeyan, tenni t ineqqen.

Malla ca n yidjen yexs ad yessen, nnehla ma yesseqsa. Yenna nnit mayen yellan, ur yexs ca ad yedj hed ead ad irez azellif, niy ad irzem aqemmum.

Malla lbeed zeg sen ttefferen, ur ttexsen ad yessen hed, netta yetwala wer yelli qae mayen xef. Lhub ur deg s bu leib, wer yer s min zeg ya yeggewed, nniyyet d tasebhant.

Awal xef taddart ihedmen, ityima yamed cway ishara bnadem. Ma netta labas xef s, nettata ur yer s ca!. Ma wer teqqim tzeddey dinni ca, yir d ddikrayat waha i dinni t

yerrin!?

Ittarbet wul inu: Tciy tt xsey nama qae ur xsey, nebbla ma ad as wtey leh̄sab, wala ad yyi yini hed mayemmi i deyyi dinni i ytruh.

Deg taddart i yhedmen: Deg mayen idewlen ur deg s mayen ya tezred d l̄xerbet, d akerkur ur yeqqim yir ad tt zedyent mukat, ad xef s ggen yewdan tih̄uja, ad xef s trasen yejdad, ad deg s arwen iyerdayen.

Manis d tetteffey: Amkan i wer yellin ca d amkan waha mamek tetwalan yewdan. D amkan ur deyyi yettekkesen zeg walli, llilt d uzir. D

Mani zedyent tittawin inu, ttet yyi mummu.

Mami deyyi yneqqen: I deyyi yessufyen alli, tzemmm yyi yaduf, tetca yyi yixsan, terra yyi hala. Teqda xef i, tenya yyi s̄sch̄het ur deg i tedji mayen ya nefeen.

imurar, tedwel ur yer s yelli mayen zeg ya tegg ula d tabecrurt. Tu ya teddar as zeg s i llif n nes ayembub, idwel ad t tettedfed jar idewdan zuttu zuttu, ur d zemmered ula ad xef s therted.

Ay acewwaf inu: Ayyaw a eibad Allah, mamek i das ya ggey i wemcumu n uceewaw, twedder yyi yakid s.

Itezdid iqetta: Itrah yir irenni yethufa ur ttifey mayen deg s ya mudey, wala mayen deg s ya jemeeey. Tu ya yer i ibecrar d imurar ad yer sen teqqened iksan, dewlen d tibecrurin.

Mayenzi ya yebyes: Malla hufen as leqfalat, tissineft d ifilan wedderen!?. Mani ya yafey mayen xef s ya yewten, ya yeg d abyas, zeg ya ysellek wer yetyimi tneq it tefqeht deg lweqt n lhesret.

Mami ynu tcakita: I ya yesselqan xef leeziz asemmid, malla teqqes as tesmed. Ur dzemmerey ad deg s sewdey ifnna qibal inu, ur ttifey ca jar ifassen.

Rwah ad nemeahad
Ad nemcebbac tidewdin
Mara war cem iwiye
Rebbi qa t i din.

Malla teggewed ur tt yettiwey, yettawey as d rebbi ad tt yexdee, yexs ad xef s yirar waha. Teemmed ad yeg kulleci, ad as yewec qaε ula d leahed. Ad akid s yemcebbak tidewdin am mcebbaken izewran, bac ya tessan ila yneggewa γir lxir, ur das yexs γir mayen i ysebhen.

Sebhan malla netta yexda yakid s, teedu yer s lefhamet, wer yelli mayenzi ya terjij, aqqa dinni rebbi s yergeb xef kulleci, ad t ihaseb ad deg s yay lheq.

Lemlak ur yer s yelli d amnus, maca mayen t yettedjan ad as yewc leahed?!. Min t issiwden yer manayu, ur t idjin ad tt yawey, uka netta yehna yessihna tt akid s.

Ma tessan it ila wer itkemmel ca xef wawal, yexda akd ca n yicten qbel n nes!?. Ma yredzu zeg s ca qbel ma ad melken, teggewed ad akid s trah tiggewj, ad d tesbeh tendem xef mayen akid s tegga.

Ma ca n dzemmar ur yer s llint, netta itteg hnameakum, yeddaha waha, yettadef imukan mani ya yennay, itqerreb yer mayen ur xef itqeddi.

Rwah ad nemeahad: Sahed yyi, ad cem eahdey. Ad newc awal i yidjen wenedni, ad neg rebbi d ccahed, hima wer xef s netteffey.

Ad nemcebbak tidewdin: Ad nesmelsaq idewdan ur nettedji wi daney ya yebdan, wen ya yadfen jar aney am lewsex jar yiccer d weksum. Waxxa ya yili min ya yilin, ur ttifen min ya ggen.

Malla war cem iwiyeey: Ffeyey xef wawal inu, ur ggiy merra tizemmar zeg ya nedwel aryaz d temyart. Irarey zeg m, ur kemmeley xef leahed i dam wciy.

Rebbi qa t din: Ur dinni bu ca n ccahed ya yawden rebbi, ad yyi yxelles malla kkerey ad fehmeey, ur yelli mani zeg s ya nejmey. Waxxa ya dwey, ur ttifeey mani ya rewley.

M ucewwaf azirar

War xaf i tbasilar

Cem i yettarebten

Di llif n nem amezwar.

Jar tehheramin merra, truh as yer tenni yer yella
wceewaw d azirar. U wer d teqqim ca yer deg uceewaw,
teqqimed ula deg ca nnedni, mayenzi maci yer s i yella
d azirar, aqqa t yer bezzaf zeg sent.

Bac ya yhedded man ten yexs, wi zeg wi yer yessawal,
ifrez itt zeg uterbet. Ter s min ur yellin ca yer tinnedni.
Ter s ameddukel lexxu cek zeema, amenni tender deg s
tittawin.

Texdef as alli nebla ma ad yaka, thewwes as buhbel, tedji
twer yessin min akid s ya yeg. Tesbuhley it, teswedder as
it akid s, yetwala tt yeweer cceyel n nes. Waxxa qae
mayen tegga yamenni d lhub, tbeddel deg imeddukal,
teqqim ead tetterbet deg wenni yamezwar.

Waxxa yul izdey it lhem, ihar jar wesmah d uyimi, yexs
ad iheqqeq ma tbeddel ca, niy qa tt ead xef lhalet n nes
taqdimt.

Tyiman tnayen n lehwayej i yetyman ttekken idjen deg wenedni. Ya ytexts itt, irdzu melmi ya tenfek zeg wenni y tuya yer s amezwar!. Ya yetwala tt tender deg s tittawin, yexs ad as yeqdee layas, ur tt yettedji tettirar ead zeg yeryazen. Kfa yir wi zeg tegga mamek texts, wi deg tekka.

Waxxa malla nexs ad nini mayemmi wer neqqir ca ila qa tt wehhedes, ityima lhal yeqesh fef manayu, mayenzi "cem" ur daney yettedji mamek i das ya neg.

M ucewwaf azirar: A ten yer yella wceewaw d azirar jar i ten akd tella. Jeeddu yas abyas, ittawed as tikeebin.

War xef i tbasilar: Nnehla ma teeffered xef i, niy teksid anzaren. Ur deyyi neq, ur deyyi ttedji ad xef m mmetey malla textsed.

Cem i yettarebten: A ten tt yetcin d amjer, ur tedji mayen wer teggi. Waxxa temsebdam, qa cem ead tender deg s tittawin.

Deg llif n nem amezwar: Lhub amezwar i deg m yedjin asemmid, ur tezmired ad t tettud, ad am yetwakkes zeg lbal.

Csiy ssiniyyet

Teemmar ar taqemmunt

Rkas daye ya yewdan

Ttexsey cem a Mimunt.

Waxxa yeyreq deg lxedmet, wer yettiwed ad yer ula d nnefs. Sers ssiniyyet u, ksi tin, tennedni tetraja, amenni lbal n nes wer yelli ca akd cceyel, itrah yettased, yir da dihi ad issek lkisan xef uzellif.

Malla seghan iwqee mayen iweqeen, yekka xef uyenfif niy inezleq as ca n lkas ihuf, ur das ihuf ca yamenni waha. Isfekkar Mimunt d mani tella, yetterra yas d yer s lbal, ijebbed itt id hima wer t ttettu.

Lexmi yetneqdae wawal yeddaggewal d lmuhal, iredzu bna dem xef ca n lehwayej n nedni zeg i ya yessiwed tabrat n nes, waxxa ya yili d uma s n lhem, d taredzit n leqcue.

Mimunt u wer tettili yir zeg familiyya, yer s akid s ca. Aterbet n nes ur xef s nessiwil, qa yetterbet nican, ur das yeqqim walu bayen, teqqim yir nettata d min das yettennedden deg leeqel.

Amkan deg llan, ur ittili yir d axxam n sen netta,

mayenzi d netta i yellan yetşexxer xef yiwɗan. Ad yili d lferh, ad yili wer dinni wi ya yşexxeren nnedni deg wemkan n nes, ad yili yeggi tt neemada.

Ksiy ssiniyyet: Nete ur lliy mayen deg lliy, rniy xef ixɗ inu ead timeksit n ddeqel, melli beeda yir wer da telli temcunt, tşeggewed zeg tittawin n nes.

Teemmer al taqemmunt: Ur yelli mayen deg s ya ternid, lkisan mdehhasen. Malla tleqfed ca n yidjen, ad ten tesseqnunneyed amen kemlen.

Lkas deyyi ya yewɗan: Malla yɗuf ca n lkas, qa wer ihuf ca yamenni waha, maci ca d falta ynu. Malla yɗuf, qa eelmey am, yir dj yyi xef lxader inu, qae ur deyyi dziwir.

Ttexsey cem a Mimunt: Deg kwinta n nem i tt ggiy a leeziz, niy ad ggey kter, bac ad deg i d teksid tittawin, ad am yer i d rrey cwayt n lbal.

Csi d dayi reeyun
Z irfaten a ydeeeuqen
Amuni z rxadar
Refrac z imettawen.

Msebdan bettu n wawmaten, waxxa qqimen idjen wer yesxi zeg wennedni. Waxxa battu wer deg s mayen yeknan, malla yetwaqdee layas xef umuni kter, amenni qqimen ead lexmi temselqan tfekkerend mayen sseedun.

Wen yessawalen d aryaz niy d tanyart, mayen yexs yeli t, iredzu wer yetwaneq qae al lhedd nni, ad yetwawed ula d aswad ad xef s yedqel, ur deg s yetwiswid.

Ad nezmer ad nawed bac ad nini yla d aryaz, maci ca d tanyart i yessusumen, i yessawalen, mayenzi leeyun twaqqarent i tanyart, eemmers ur twiqqirent i weryaz.

Mayen ten yebdan, mayen ten yedjin tmejqan, i ten yettedjan tterun i yidjen wennedni. Min tuya enan, mayen dewlen d mayemmi ead llan, i ten yetterran hala, ineq iten ushissef.

Ma temsebda yaked hed nnedni, netta teqqim deg s waha, ibda yessusum itt!. D netta niy d nettata, wu d

cceyel nnedni.

Ksi d deg i leeyun: Xemmed deg i, ur tterri yer wul n nem ur das qqir mayemmi. Ksid deg i beeda yir tittawin,ur xef i tkemmel la d tsem kfa yir mayen deg lliy.

Zeg ilfaten u ydeeeuqen: I yessedeaqen ul, yesreqqan deg bna dem timessi, ssekkaren deg s aceeeal. Lexmi yer i d ddaren, ttedjan yyi ur twiliy ur tselliy, tnusey neb la yides.

Amuni zeg lxadar: Ur idzemmer ad yeg hed zeg bessif xef wennedni. Ur idzemmer ad yessen la d idjen zeg umezwar min ya yilin, mayenzi zeg ya syuran wussan.

Lefraq zeg mettawen: Ur yelli wmi ya yeejeb lhal, ad yeg ficta. Wer yelli wi t ya yexsen, waxxa d wenni d lhel. Amsebd i d aceffan wer t iqebbel ula d idj, lexmi yettadef bna dem deg lxader ur yeqqir hed ca, dinni i ytetkemmel.

Ah ya ralla yemma
Rhub ad ayi yney
Iwca yi i yexsan
Yugi ad zza yi yeffey.

Min t ya yfekken, mayen das d ya yerren leeqel.
Mayen t ya yesdawan, ad t isgenfa zeg lhub, ad as
yessizey iyedzimen, ad t yessihna zeg mayen deg yeɣreq.
Yudef it lhub, iwta yzewran deg ul, yewca s i yexsan,
izemm as aduf.

Min t yedjin i tcekta, malla yetcekta!?. Wi zeg s yetteren
ad yini mayen t yuyin itmetta, wi deg s yessekkeren
tifeqqae, alami yiwed ad iru i yemma s!?.

Acekti yu, wer ittili ɣir zeg wawad i das d itbanen
emmers ad t yawed. Emmers ad as yini wfiy mayen xef
tuya redzuy, ten yexs wul inu, teks yyi la d nettata.

Ad yili tuya ggin ca netwala afus deg ufus, ad yili
emmers ur das d terri lexbar, yetwala tt ɣir zeg ttasie.

Malla d netta qa d wenni, malla d nettat qa kifkif. Ur
yelli mayen daney ya yedjen qae ad nini, d netta niy d
nettat.

Ah ya lalla yemma: Ah ya yemma ynu yeizzen, mant rray
inu, mayen ya ggey, mayen xef i ad t xedmey.

Lhub ad yyi yney: Mamek das ya ggey i wemcum u n
lhub, ur yer i mayen zeg t ya qawmey. Min deyyi ya
yfekken akid s, iffey xef i ur deyyi yeqqim walu, yir
lmewt ad mmetey.

Yewca yyi i yexsan: Ur yeqqim ca yir deg ul waha,
yiwed yyi yer yexsan, ihkem ula d aduf, ma ssehhet ur
yelli mayen dam ya yiniy xef s, xlas truh.

Yugi ad zeg i yeffey: Uhheley min ggiy, ur djiy ula d ict
n lhajet ur tt jerrebey, ca ur yer s iwidey.

Mayen yuyin ur inu

Ibed war ixeddem

Yenna yi wedbib

D rhub i day m.

Mayen iweqeen nneei yu, alami wer d rriy lexbar i mayen yemmesaren. Ul ibed, ur yeqqim yetcat, ur yeqqim yetteg lhes.

Malla texsed ad tessened, yehwen cceyel qae ur tteg ca deg lxader n nem. Ruhey yer wedbib wer deyyi yufi walu, kulleci yseh. Alami t ya sseqsiy xef mayen t yedjin yestel, ur ieevwel ad yexdem, yenna yyi d lhub i das tt ixedmen.

Feckel, bnadem ad as ibed wul, ur yettessen ila wer yeqqim yetcat.

Mayemmi wer yeqqim ittektuk!. Ma yesmeh deg s, ma d nettata i wer yeqqimen teks ad teks!.

Mamek temmesar alami wer d terri lexbar ila ylqef itt lhub!?. Leejeb ad yili wul yettexas, tsa wer tetterjiji.

Ma d adbib i xef s yetbusaren, alami tt yufa wer teewwel ad as tadeq deg uzellif, ila wer deg s walu, yenna s manayu, bac ur tt ittedji mectuna, al ya tehlek s ttidet.

Iseqsan rrun, ur illi wi xef sen ya yjawben, wi ya yfekken thajit n sen. Mkul aseqsi d min t id yeddaffaren, d min t yetwedderen.

Mayen yuyin ul inu: Mayen iweqeen nneei yu i wemcum u n wul, nebla ma ad d rrey lexbar. Idammen ttakiy akid sen ttalyen ddaren, nnefs tterriy t, i mayen ixessen!.

Ibed wer ixeddem: Ur yexs ad yeqqim ieevwel ad yewwet. Yewta xef tkita, ur iredzu ead ad yerni deg lxedmet.

Yenna yyi wedbib: Ruhey ad xemmey min deyyi ydeewen, ad ggey ddewa, ad xemmey min ya yini wedbib. Ma deg i ca n lehlak, netc wer akid s ttikiy. Lehlak d aeffan wer yer s bu wgenfi. Aseeeea yenna yyi, ur deg m walu zeg manayenni i dam tyil.

D lhubb i deg m: Ur yelli mayenzi zeg s ya teggeded, ul qa t mlih, d lhub waha i dam tt i yxedmen.

Yemma m a mami ynu

Yemma m tugi tugi

Yemma m teks ad temha

Tira n sidi rebbi

Tamcunt nni n yemma s n tehheramt, ur yessin min akid s ya yegg lwaḥed, man abrid i yakid s ya yessufyen. Ma ad tetwaney hima ad t tessihna!?. Ma ad xef s yetwaejen, ad xef s yek bna dem ad yeedu!?.

Tenna lla, wka telseq deg s, ur teewwel ad teneel ccitan.

Tewta deg kulleci, alami tt yessiwed lhal, teks ad temha ula d tira i yura rebbi. Wer tt tecqi yelli s, ur tt icqi hed nnedni, weyya k mani teks ad teffey, dji tt ad teffey.

Ma yexdeb, tebda ad t tlum tmeddukelt, yenna s mayen t yedjin ad irah mani nnedni!.

Ma yir yufi tt minlajennati, tuya yredzu yir melmi ya tili, wer d tusi yemma s n tehheramt ad tini lla, alami tuya das d yendew wul yer tmidja zeg lefrihet!.

Ma lwalidin n nes netta ur yer sen iqqim ead min xef s ya ysebren, redzun yir melmi ya akid s ferhen, ad akid s rren cway n mezri qbel ma ad mmeten!.

D lmuckil n nes niy ikked zeg lwalidin n nes netta, niy d leib n yemma s nettata tetyima y nettata mayemmi, mant ddenub n nes!. Mayemmi ya teksi lhem n mayen ur teggi la zeg uful la zeg udar!.

Yemma m a mami ynu: Maci d rray inu, u maci ca d nnetc i yexsen, ur yelli mayemmi yer i d ya terred niy ad s tinid d lwalidin n nes i t xef i yexsen ad tesbeeeden, das yugin. Malla semhey, ur yer i mayen ya ggey nnedni.

Yemma m tugi tugi: Ma tenna lla iwa qa lla, ur yelli wi das t ya ybeddelen. Ma wer terdi, ur teewwel, iwa qa wer teewwel waxxa tedwa ad am tini tersa.

Yemma m teks ad temha: Ur das tewqie qae, ca wer tt icqi. Kulleci tewta deg s u xem almani tiwed. Tredzu ad temha, maci ca yir ad tini.

Tira n sidi rebbi: Mayen yura wenni i tt id ixelqen, ixleq aney d netc d tsem yir hima ad nmun. Ixleq aney i yedjen wenedni, maci ca i ca hed nnedni u yir xef manayu i da nella deg ddunneyt.

D lmuckil n nes niy ikked zeg lwalidin n nes netta, niy d leib n yemma s nettata tetyima y nettata mayemmi, mant ddenub n nes!. Mayemmi ya teksi lhem n mayen ur teggi la zeg ufus la zeg udar!.

Yemma m a mami ynu: Maci d rray inu, u maci ca d nnetc i yexsen, ur yelli mayemmi yer i d ya terred niy ad s tinid d lwalidin n nes i t xef i yexsen ad tesbeeeden, das yugin. Malla semhey, ur yer i mayen ya ggey nnedni.

Yemma m tugi tugi: Ma tenna lla iwa qa lla, ur yelli wi das t ya ybeddelen. Ma wer terdi, ur teewwel, iwa qa wer teewwel waxxa tedwa ad am tini tersa.

Yemma m teks ad temha: Ur das tewqie qae, ca wer tt icqi. Kulleci tewta deg s u xem almani tiwed. Tredzu ad temha, maci ca yir ad tini.

Tira n sidi rebbi: Mayen yura wenni i tt id ixelqen, ixleq aney d netc d tceem yir hima ad nmun. Ixleq aney i yedjen wennedni, maci ca i ca hed nnedni u yir xef manayu i da nella deg ddunneyt.

Ah ya lalla yemma
mayen deyyi yuyin qdiy
Ad zzerzey bunarjuf
zeg wur ad ggenfiy.

Tuhhel tpinsar, tufa wer tt yetfekki yir wesmah deg
lhub, ma ca nnedni wer yelli, u d lmuhal eemmers ad yili.

Teqda xef ca wer yelli, tetca yixf n nes ca wer das d
yuliy.

Malla d yemma s i tt yesseqsan, terra xef s nebla ma ad
tessened ead aşyun i wjij, wala ad tesserwet berra i
wernan.

Ddewa n nes tessent it, tetwala t, ixessi tt ad ttu lhub, ad
t tessired zeg ul uka nettata tehna. Maca manayu ma
yehwen as, ma tezmer as ni. Rwah uka deyya ad tettud ad
tenfekked zeg ttebliyyet.

Mayen tt idjin teqda twedder, teks ad tekkes lhub zeg ul.
Labud ma dinni ca n lhajet ur tt tettedji ad tili mamek teks.
Ma beeda nettata qae teks ad tender bunerjuf zeg ul!?. Ad
yili yir d yemma s i das yennan manayu, umi d yiwey
rebbi yla malla tender wi tetteks zeg wul ad teggenfa.

Nettata tetwala maci d manayenni i ya yfekken lhalet
tebda ad ttebbet yemma s, Ma zeema malla tegga rray n
nes, ad zeg teggefa.

Ah ya lalla yemma: Ah ya ten i deyyi d idjin i yakid i
yezrin lemḥayen d lefqayes, tessent xef i tamezzeyant d
tmeqquerant.

Mayen deyyi yuyin qdiy: Dewley ḥala d lkiyed n ḥalawit,
qdiy wedderey eeqbey am ufilu.

Ad zzelzey bunerjuf: Malla zeema ttuy lḥub, ur qqimey
tpinsarey deg s, ad kkesy amnus.

Zeg ul ad ggenfiy: Ad d rrcy sseht, ad deg i d eeqben
idammen, ad deg i d idwel buḥbel. Ma d wu d ttikkeest n
usennan d lehna zeg tredzit n uzellif!?

Kkiy rebhar rebhar

Zriy mamec i yyemmam

Amenni ra d rhub

x wenni wer da s i yfehmen.

Tikli yegga xef lebher, aman izizawen ur yer yelli lhed zeg tittawin, ur deg yelli qae laman waxxa qa cek d abehri wmi qqaren abehri tqelleedd aman i lefteh, uka malla ttuqared ad cek yawey. Tedji t ad d ir leeqel n nes, ad ixerres deg lhub d mayen yeqqar.

Cceyad i zeg s d yetcaten yegga leymam, am tecbabt d yettekken xef tittawin n umeecuq i wer yetbehheren lxezrat, yesdurruy xef bna dem lehwayej, ittedja t yedderyel ur yedzemmer ad yessefrez jar asent.

Lhub malla wer das ifehhem bna dem, ad xef s yessirzeg tudert, waxxa tuya tizid d tamment. Ad t ir ixiiyeq isserrud i wkemmar xef ca wer yelli. Ad yedwel iyemmam, tetten deg s lehmum d zemman as idammen.

Ur illi min isebhen deg tudert anect n lhub,
u neb la netta qae, ur telli tudert, bna dem ad iney ix f n nes

hsen.

Lhub. ur yexs ad yini ad texsed ca n yicten. Lhub yexs ad yini ad thibbed tudert zeg mayen deg s yellan, asebhān d ueeffan, u malla wer das tefhimed, Wer tedzemmered ad thibbed. wer yettili lhub n nek d lhub, malla texsed waha, hima ad texsed niy ad thibbed.

Kkiy lebher lebher: Uyurey xef tterf tterf n Imujet, wer zeg s rwiley, wer ggewidey ad yyi tessuf.

Zriy mamek i yyemmēm: Ur deg s min ya yzer bnadem, isseqnad, ittekkes yana i kulleci. Ad tnedmed qae malla tekkid ssenni tbehhēred deg s, niy yir tgerrebed yer s.

Amenni la d lhubb: Kifkif, am netta am lhub, wer dinni bu lferq jar asen. Wer yelli min ya tezred deg bab n nes, malla wer yelli deg ca, ul n nes igefgef.

Xef wenni wer das i yfehmen: Ur yessinen min yeena, wala i wmi t qqaren. Tyil as deg s yir mayen isebhen, ur itriji ad zeg s d yek mayen t ya yesxiyyeqen.

Mami reeziz inu
hen xaf i z wur n nec
Cek d lhayat inu
Nec d lhayat nnec

Tuka akd ca d aneqsi, ur teks ad teqqim yetwala tt
d ca wer yelli, ur das itwicit ca lehsab mak ixes ad yili,
itwaqqar as wah waha hima wer das ixetser lxader.

Ur t zer mayen yellan d asebban deg tmeggit n lxader, ur
yelli mayen deg tt ya yenfee ca. Tredzu xef lehnuniyyet
yellan nican, tiqqest ad teqqes i bna dem zeg tterf, nnehla
ma tegga amedukel ad as tini yer i wi xef ya ttekaley,
malla yir deg manayu i d teqqimed.

Yya ma ad yili, ur yetteli am lexmi yettili lhub ixelled
akd wefham. Melli tella d icten zeg menwala waxxa,
ayayli wer tessiwil ca, ur teqqir walu. Lexxu zeema idjen
yegga tudert i wenedni, mamek yegga whinni yu wer
yettelin zeg wul, ya yeqqimen sennej waha.

Melli tuya xef s yethinna lehnuniyyet nican, ayayli wer
tenni ah. Ur tessiwel alami t tufa wer das iteemmer tit, ur
yetteg llazem n nes, zeg ya tini d wu d netta.

Mami Leeziz inu: A wen deyyi yenŷin, ruhey akid s muneŷ, irreyyi hala. Wer dinni ead hed nnedni xef i yeizzen anect n nes, niŷ qae i t ya yawden.

hen xef i zeg wul n nek: Malla texsed ad xef i thinned, iwa hin xef i nican, hin xef i zeg wul, maci ca yamenni waha, ɣir zeg uqemmmum ad tettedged zeema. Ixeŷsi cek ad zeg i tetakid, ad tessened mayen eniŷ, d min yer k seggewiŷ.

Cek d lhayat inu: D tcek i yeyri waha, ur dinni hed nnedni. I cek i wmi ddereŷ, tudert inu xef k i tbed, xef k i tebna. Malla yewqee ak ca, am lexmi deyyi yewqee i netc.

Netc d lhayat n nek: D netc d tudert n nek, i dak ya ydumen, al daneŷ ya tawey lmewt. Yya cek ad tfehmed, ur tettifed meknaw ix f n nek. U ix f u yellan n nek, qa d netc, ur dinni wmi ya tenid d wu nniden.

Kkiy rebhar rebhar
Irucc ayi z rwiz
Ruh siwed as sseram
i mami ynu ieizz.

Lebher yirar as idj ddewr d ameqqeran deg mayen das
yettiraren deg walli, tetxerres deg yiman n nes. Yedja s alli
yredzu, yetfekker, imeyyer.

Tikli xef lebher, maci am tekli deg lyabet, niy deg
ddement. Tikli xef lebher, d adaf deg ttabiea, tesfaqa,
tetradzam tittawin, itbaned ssarab mayen yeena.

Arucci i das yegga zeg llewiz, maci ca am urucci tuya
ya yilin zeg ca n lhajet nnedni, melli tuya tella, am
ukefkuf malla nenna.

Llewiz yiyla, isem yessawal xef yexf n nes, nebla ma
nfekker deg s ead. Asfekker i tt id yesfekker, wer tt
yesfekker zeg ca n lhajet d taeeffant, isfekker itt zeg
mayen yer s illan ieiz xef s. Melli tt iruc zeg ukefkuf,
ayayli isfekker itt zeg ca n yidjen, zeg ca n lhajet tnel itt.

Irucc itt zeg llewiz, alami deg s yufa min isebhen,
isseejeb as lhal. Melli tt izra cway d taeeffant, ayayli

yrucc itt zeg ca n lhajet ur tseggewi anect iseggewa llewiz,
am ukefkuf mamek nenna.

Sselam i zeg s tetter, ad yessiwed i llif n nes leeziz, yer
s tnayen niy kter n lemeani. Teks ad as issiwed sselam,
alami yakid s tuka ila yefhem as, tegga deg s ttiqet, wer
tetteg deg hed. Ya tuya txiyyeq xef llif n nes attas
iyemmem as wul, arucci nni y das igga, yesfaq itt id,
irzem as tittawin d lxader. Ya tnayen u n lehwayej kkind
zeg ict n lealaqa ruhiyya, rrin ten d idjen. Ya aryaz n nes
d abehri niy yezwa yaman.

Kkiy lebher lebher: Ur ggewidey malla yersa ad yyi
yessuf, wala ad yyi yawey, ad yyi yetc malla yehmel.
Sejney xef lmujet, tuka akid i, udfey as deg wul.

Iruc yyi d zeg llewiz: Mkul idjen d mayenzi zeg t
yetrucça, netc iwta yyi d zeg mayen yer s yellan yiyla, ur
xef i t iseiz. Ikkes xef i tifeqqae, issefreh yyi ul.

Ruh siwed as sselam: Tetterey zeg k malla texsed,
siwed sselam ad cek idj rebbi. Ur yer i wi ya wessiy
nnedni hsen zeg k, wen das ya yeggen mayen deyyi teggid
i netc anect n nek.

I mami ynu leeziz: I tamment inu iyeyd inu n wezyar
deyyi yettiraren xef wul, ithenneb yyi i tsa. Ur dinni wi xef
i yeizzen anect n nes, leeql inu yetrasa yakid s, ur
yetyimi yettaw ur yettedji manis ur yettek.

Ksi d a mami ynu
Uzzar uca ney ay
Mara war cek iwiyey
Man rhayat i ya y

Tetwala wer yelli mayemmi qae tamara yu wala gg
as tu niy gg as tin. Malla yetwala ad deg s ad deg s
yesmeh, uka ad tt iney hsen.

Lexmi ya yawey ca n yict nnedni, nettata ad zeg s yeshuf
jar yewdan, ad ir min ya yer deg wemkan n nes, ur yelli
mayen das yeqqimen ead ad teg deg tudert, tetyma lmewt
n nes, hsen zeg tudert.

Ur tuyā zeg s ca yir ad teg ameddukel waha, ad xef s inin
yewdan qa tetmun. Ur ityimi hed yeqqar, ur deg s tt
yettiwey ula d idjen, wer yelli wi xef s ya yerdan.

Zeg s ccaraf malla yruh as, mak das ya teg ad t id ter.
Bnadem yenna niy iqqim wer yelli min ya ybeddel, waxxa
yeshufa aksum xef iyēs. Ad yili d awal u n yewdan i das
yeggin amnus, i zeg tetteggewed, tella tetterjiji.

Mayemmi d mayen tt yedjin ad tawed ad tney ix f n nes,
malla wer tt yiwiy!?. Malla teqqar d lhub, ad yili texda.

Lhub ur d yettekken ca zeg tnayen n djihat ur illi d lhub,
ad nezmer ad xef s nini d aterbet, d timexsit n bessif.

Ksid a mami ynu: Ur tteggewed a leeziz, a tamment
inu, yir ksid yer i min texsed wellah ima cek eandey.

Uzzal uka ney yyi: Sufey yyi buhbel, lmewt inu hsen
zeg tudert. Nebla cek, am lexmi lliy mmutey, kfa beeda
yir awal n yewdan kulleha d mayen yeqqar.

Malla wer cek iwiye: Tiwyed hed nnedni, ur nkemmel
xef webrid n ney, ur cek ggiy d aryaz yeqqim kulleci deg
wezyen.

Mana lhayat i yer i: Mana tudert u i ya yer i ya yilin, ya
dderey, weyya k a wer tili. Ur deyyi tecqi, wer yelli min
zeg s ya ggey. Ney yyi cek hsen beeda, ad ihna wul inu,
ad akid s hniy.

A ya ralla yemma
Zzehar inu yemmut
Yemmut x leeziza
day s zzin d lebhut

Zzeher i xef da yessawal, i xef yetteru imettawen d idammen, ur yelli ca d ccewirti i wer yer s yellin, i t ineqsen. Isseru t sseed i wer das yetwaseggeden akd ten xef tt yetca, ten deg yella zzin d lebhut.

Lexmi bna dem ur yettif min xef iredzu, min das yexs wul n nes, niy yettili yredzu xef ca n lhajet, ur tettli ȳir deg ijenwan, yettawey as d rebbi, ur yer s iqqim ca, la ccewirti la walu, merra tiwura n sseed n zzeher belleent xef s, rrint id as d zeg weerur.

Waxxa nettat ur das tesseqdee bu layas, ead tiwura rezment, ead yer s tizemmar ȳa yeg bac yer s yawed, Netta yesseqdae it i yexf n nes, issetȳil as ila d manayenni i yellan. Ur das yeqqim mayen ȳa yeg, kulleci yeggi t kulleci yjerreb it.

Ma wer yexs ad deg s yili zzin d lebhut, ma yetci tt xef s alami deg s yella manayu, ma d netta i yessemyaren

tameslakt, yetyima manayu d baba tsen n iseqsiquen.

Melmi ya yaf bna dem merra mayen xef iredzu, ad yili lhub, ur yetyimi wawal xef zzeher.

Ah ya lalla yemma: A lalla yemma ynu yeizzen a yemma, xef tefqeht ur ineqqen, ur yettedjin bna dem deg lehna. Mayen xef i ad t ggey, hima ya ffeyey zeg mayen deg lliy, ad nfekkey zeg lhawas u deg i yzedyen. Mayemmi qae manayu?!

Zzeher inu yemmut: Ur yer i sseed, ur yer i mayen ya rajiy ead. Qae yebberken xef i, lhal ur yeqqim yir yetteqqes, ccewirti ynu yefrey, yetwaney.

Yemmut xef leezi za: Melli yemmut xef ca hed nnedni, ayayli ur deyyi yetteqqes lhal, ula d axiyyeq ur txiyyeqey. Qa lexxu yemmut xef ten xef i yeizzen, lexmi tt zerrey yir deg lexyal yetbedda yyi wul, fenni y qibal n nes.

Deg s zzin d lebhut: Tesbuhley yyi, lee qel yettextux. Ma d ic ten ad xef s ibellee bna dem tittawin, ad xef s ig takmant xef uqemmum. Ha zzin, ha lebhut, neqqen, tjebedd zeg sen wen yemmuten, ur deg yelli buhbel. Merra tettexs ad tili n nes, kulleci yessedfar as tittawin.

Γar c a mami ynu

Γar c qa day i teyɗad

Rhub nnec yemzi

Jj ayi ar ya temɗad

Texs maca teggewed, tetraja al ya yili mayen texs yebna xef sseh, wer yelli wen t ya yeshedmen.

Aɗdar/temzey/temɗer, tlata n yiwalen wi ten ya yjemeen, amenyi jar asen yetbaned kter zeg wemsefham. Yettased usehder, yetkemmell qae i mayen yeqqimen.

Ad yili yredzu zeg s ca, lweqt n nes ead ur d tiwid, netta ur das d itbin ca yla ybed xef idaren n nes. Bac yir ur tneddem xef mayen ya teg, ur deg s yetyimi ca. Tetraja zeg s ad as yefhem, ad yeg leeqel n nes, ad yedj eawed al ya yemɗer hsen as. Aqelleq d aeffan, issekka bab n nes xef uzellif.

Ad yili texs ur akid s tetteg ca qbel ma ad awɗen yer ca n lmeequl, wer texs ad tt yeyder akd hed nnedni.

Lexmi yettili bnadem yemɗer, yettili yessen mayen yetteg, yetcat lehɗab i merra lehwayej, tmezzeyant d tmeqqerant.

Ter k a mami ynu: Tebbet, hda yixf n nek qa dak iwqee ca, ad trahed deg ca n lyalat. Ili d aryaz, xem mani tettegged adar n nek, qbel ma ad t tessersed.

Ter k ad yyi tyedred: Nnehar u tiwetca, ad ak d iban hed nnedni. Ad yyi tettud, ad deg i tsemhed, netc rebbiy xef k tsa. Malla wer kid k ggiy ca netc lexxu, ad trahed ad terzuy xef hed nnedni, ad zeg k yirar ccitan.

Lhub n nek yemzey: Sad ur yebni xef sseh, d acekcah deyya ad yetwarrez, ur tessined mayen illan. Waxxa yettawey ak d rebbi, merra mayen tettegged tessend t, maca yamenni netc yetban yyi d ca nnedni. Aqelleq bezzaf bezzaf ur deg s min isebhen, d aceffan, ur yessufuy yer ca.

Dj al ya tmeýred: Al ya tafed tessexdaemed leeqel n nek mlih, ad tawded ad tessened qae mayen yellan. Bac malla negga ca, wer zeg ney ineddem hed, ayayli tanya neggi t nican. U cek tessened mayen teggid amenni, maci ad tegged lexxu, wembeed ad xef s tnedmed ula d netc am nnedni.

Σrik dayi tennid

Ammu z umezwar

Reeqer war cek itebbee

Rxadar war cek ideffar

Tuɣa yexs teini ad as tt yehca, nettata tuyur akid s zeg nniyyet, yalami yakid s truɣ tiggewej, i tt id tewta lfiqet.

Ur das yenni ca, maca elahsab tanya awal n nes nettata yiwey as leeqel. Mamek tegga tu d mayan yeena wawal u!?

Da yexs ad yini teks it, maca tredzu da i ya teqqim tmexsit nni, ur zeg s yetriji kter zeg manayu. Ad akid s teffey, ad akid s tawey ter ad akid s tenqec tibrudin.

Araji wer das yeggi yamnus, ad t traja chal mma yexs, tegga s leblanat. Maca yanect al ya dewlen ɣir d imeddukal, ead i d ya yban min d ya ybanen, ur das teggi bu lehsab, ur t teks, ur teewwel qae ad xef s tsel.

Mayemmi wer das yenni ca, wer yexs ca tanya ad yini tuɣa yredzu ad as tt yehca waha. Bɣal walu d ca i tuɣa deg s izra nettata tetteg it akd hed, tyil as ad akid s t teg la d

netta.

Kulleci ad yili, ur nedzemmer ad nessen mani yella leib, mayenzi wer nessin min das yenna. Mayen dinni yellan jar asen, tedji t yer s.

Σlik deyyi tennid: Deyyi d tusid nican zeg umezwar, teerrid xef mayen tuya yer k yellan yeddura deg wul. Ur xef i teffired, ur akid i teggid tahraymiyyat.

Ammu zeg umezwar: Ad neg afus deg ufus, ad nettemselqa netcin ca wer t neggi, bac cek ad tezhud, ad tesseədud ussan n nek. Lexmi zeg i ya tedjawned, wer dak yetyimi ead mayen zeg i ya tegged, ad zeg i tirared mamek texsed, ad yyi tqebbeded.

Leeqel ur cek ittebbeē: Ayayli qae wer akid k tredziy azellif wala rriy ak d lexbar. Djiy alli ynu yehna, ur akid k t ssehriqey.

Lxader ur cek ideffer: Ul ur zeg k yettiki, ttefey t jar ifassen hebdey xef s, eemmers ad yessen djurret n nek mani tella.

Ah ya ralla yemma

Wec ayi eam inu

Wec ayi eam usari

Nec d mami ynu

Ad yili teks yemma s ad tt tewc i hed, nettata yer s ameecuq, teks ad akid s tmun ad akid s tjerreb d amezwar.

Ad yili yalleh ead i tetterbet, tetca djir, tikti tehHEMA ead, uka teks zeg yemma s ad tt teawen, ur das tetbeddi ca deg webrid.

Tredzu xef tirelli, ad teg mayen teks, maca maci ca xef wufuy n webrid. Teks mayen ya teg ad t teg ur xef s t iteiyyeb hed. Ur tettedji wla d idjen ad yerzem aqemmum, ad yini min ur yellin.

U hima wenni i yakd teks ad tmun, ur yetteg ca deg lbal n nes, wer yettif qae mayen zeg s ya yniyyet.

Malla tmun akid s zeg tnufra, mumkin ad inwa ca, ad das d yawey rebbi, mayen akid s tetteg netta, i tetteg ula akd hed nnedni.

Ttetter eam, maca mak igga eam u, mayen zeg s tetraja

qaε?!.

Ma ad deg s temlek?!. Ur yessin hed, ula d nettata zeg tyimant n nes. I wi das ya yewcen i yemma s lgaranti, ila manayu ad yili?!.

Ma teks ad akid s tmun εam nni waha, ssenni yayirin mayen yexs yili yili t!. Maca yemma s ma ad as teqbel xef manayu?!.

Ityima wemcum u n εam i xef tredzu, ur issin hed min zeg s d ya yeffeyen qaε. Asari yu wer yettili tanya yir deg temdint, wer yelli ca n lkampu.

Ah ya lalla yemma: Malla texsed a yemma ynu yeizzen, dj yyi ad ggey yir cway zeg min yexs wul inu.

Wec yyi εam inu: Idj useggewas waha, maci ca kter, maca xsey wer akid i yeddihi deg s hed, ssenni yayirin gg mayen dam irecqen.

Wec yyi εam usari: Aseggewas n tirelli, ad deg s ssariy, ad adfey ad ffeyey, ur yelli wi deyyi ya yinin mayen tettegged.

Netc d mami ynu: Akd wenni εecqey, yexs wul inu. Akid s tiliy melmi mma xsey netc, d mani mma yexs

netta. Waxxa kulleci terred lexbar, kulleci tseggewed, ur
teqqired walu, aha mana deg u.

Rah qqim di thanut
Pinsar uca xemmem
Mara iwyen ac rħub
Ma ead ad ac t id rren

Tetwala ur t yetfekki ħir unejbed, ad irah ad yeqqim jar
reba n lehyud, mani wer akid s yettili hed. Ad yaggewej
xef yewdan, ur ittif ħir netta d uzellif n nes. Wer das
yeqqir hed ma d tasebhant niy d taeffant, ma yamenni niy
maci ca yamenni.

Ad ipinsar mlih, ad ixemmem deg mayen xef iredzu.
Malla yeqqim ħir yetrah yettased, wer yessin min yellan,
yettawey as d rebbi s, wer yelli wen das ħa ybedden deg
webrid, min yexs ad t yaf, yeqqim as lexbar.

Ur yessin ila malla duren as ixelladen, wer illi wi yakid
sen t ħa yfekken. U malla iwyen as lħub, min xef tt yetca,
tekka deg s truh d tazzekt. Semmers yefreh zeg s ead,
wala yenwa ad asen yezzillez, ad as tt id rren.

Thanet/away/lħub, Wen yessayen yettawey, ur yetterri
lhajet lexmi tettili teejeb as. Lħub ur yetmenzi, maca
lexmi yetterbat bnadem d ca nnedni, idj itmenza wenniden

itmesya, niy zeg tnayen idsen tettewqie asen, qae
tetmenza qae

tetmesya.

Bnadem lexmi yer s tettili ca n lhajet teiz xef s,
itteggewed xef s bezzaf ad as tt awylen malla wer tt yehdi.

Thanet yetyima deg s wen yeznuza, da lexmi das teqqar,
"qim deg thanut", tetterra yas d zeg s lbal, zeema ma yexs
ad tt yezzenz waxxa netta ad yili qae ur yer s bu thanet.

Ruh qim deg thanet: Ttef lkursi, kfa yak zeg uduri, d
usedfer n tittawin i tehheramin.

Pinsar uka xemmem: Fekker cwayt akd uzellif n nek,
txemmed mlih deg mayen dak qqarey, deg mayen tellid
tettegged.

Malla yiwyen ak lhub: Yetwawey ak mayen xef k
ieizzen, tetteksesd zeg ul d yexsan.

Ma ead ad ak t id rren: Ksin cek waman, iruh ikka
ssenni, eemmers tezrid t ead yir kkes it zeg lbal n nek,
min itrahen ur d yeddiggewil.

Ah ya ralla yemma
Mana yemma yar i
Meerik yar i yemma
Gayri turzu xaf i

Ur yer s teqqim tyemmat yir d tenni i t id yedjin,
tewca s iff ad yenkee. Iredzu xef tyemmat yellan d
tayemmat nican, tessen mayen xef s ya tegg, mayen tt
yetrajan. Maci ca yir arew, ad am yetwalaya yemma, tinid
aqa yer i yarrow.

Ur yenni manayu yalami yufa xef s ibed, xef s yerzu, ixes
ad akid s tili deg lweqt tenni, yahwaj itt kter zeg mkul
lweqt yeedun, wer tt yufi zzat s.

Malla tayemmat ur tettili xef tterf i memmi s deg lweqt
n lhesret, i melmi akid s ya tili ead.

Lmuckil i yeteeqqeden tameslakt ead, manis tekka
yemma s u!. Ma temlek, tedji t yer baba s!. Ma yexla
emmers ur xef s tesseqsi!.

Ma tuhhel zeg s yemma s, tuhhel mayen akid s tegga, ur
icewwel ad yefhem azellif n nes. Ur tedji mayen ur das
tewci, ur tedji min ya teg ead. Kulleci tegga s t, kulleci

tewca st. wer teqqim tessén min das ya teg ead, netta
anect n nes. Tetraja ad yeksi nnit ix f n nes, netta yelsiq deg
s.

Ah ya lalla yemma: Iwa a ten deyyi yeqqaren ammi, netc
qqarey am yemma, lebda qa cem jar tiṭṭawin inu. A ten
yer i yellan wehḥedes deg tudert, ur yelli wer dinni qae wi
ya rrey deg wemkan n nes.

Mana yemma yer i: Ur ssiney ma yer i ca n yemma, ma
yammu i tettili tyemmat!. Ma d tsem d yemma ni!?. Mani
tellid, manis tekkid, mant tammurt i cem itcin. Malla xef
manayu ammu, ur yelli mayemmi i dam ya yiniy yemma.

Meelik yer i yemma: Melli xef s eizzeḥ amen tpinsarey,
d yemma zeg ttidet, yer s ul iteit itt, itteqqes as memmi s
ayayli tbaned beeda. Ayehḥah ayehḥah xef tyemmatin.

Ayayli terzu xef i: Tesseqsa xef mayen deg yella ammi
s, ma yuya s ca, niy qa t mliḥ ur t ixess lxir. Ur tettili tetca
yul n nes, ur tt cqiḥ qae.

Bettu ur yedbičen

Bnadem isemmeh deg wenedni, nebla ma ad dinni yili jar asen ula d idj n ssabab, malla qa t dinni, yetyima yessen it yidjen, leacert n nes ur xef s yetriggib.

Ljehl, ittedja idjen zeg tterf ad yekritika mak yexs, netta wer yessin mayen xef yessawal qae, tyil as yir rwaḥ uka thekmed xef bnadem, u yaxerwid ameqeran, lexmi tt ya yeg netta ad ak yini, cek ur tessined ca. Ur issin ila deg wer tessined ca nni, i deg yella kulleci. Deg wadaf nni yetwadafen deg ddehul n yewdan, zeg ttatefful i yetwasexsar lbie.

Nettaf bezzaf n yewdan ca zeg imuren, qaren tseqsan ix f n sen mayen xef tt ibeddel!?

Qaren manayu, lexmi tettili c nyicтен deg s zzin, yer s leeqel. Twalan yir mayen twalan d itbanen, ur zeren lehwayej illan psikulujiya, ya yedjen wenni ysemhen, ad zeg sent yerwel.

Zzin mkul idjen d mamek t itwala, leeqel ur yer s bu whedded. Idjen yetwala zzin n berra, wenedni yetfeddel wenni n buḥbebel, wer izer idjen zeg tterf. Leeqel tanya,

elaḥsab bnaḍem d lmuṣṭawa ɣer s yellan. Idjen yetwala leeqel deg tenni wer yetteffeyen axxam, waxxa lehruf n tebrat ur ten tessin. Wennedni yzerri t deg ten yeyrin, tessin mayen yellan, tesɣuyyu xef lḥeq n nes, ur tettexs hed ad xef s yehkem.

Lexmi ya msebdan ca n tnayen, niy malla ca n weryaz yuzzel xef ca n tamɣart, deg s zzin, ɣer s leeqel, qaren xef s d abuhali, beṭtu yu i yegga qae ur yedbie. Netta leeks i yxessen, malla yeqqim akid s, i ya yili d abuhali, wer ɣer s bu leeqel.

Malla yaryaz ihuf deg ca n yict sadiya, niy masuciya, niy qa yen deg s zeg tnayen yidsen, mamek i yakid s ya yeg. Awayela ad nini tanya leeks, tamɣart i yḥufen deg ca n weryaz deg s manayu, ma ad itwaedel zeg zzin d leeqel ni!.

Sebhan Allah leadin

Iruh ibedder ayi

Ibedder tareccint

Turid ad tessendi

Ur tetwili mayen xef tt ibeddel, mayen t idjin ad deg s yesmeh. Mak das temmesar alami tt ibeddel, mayen t yessiwden qae al aldin.

Ibeddel, nebla ma ad yessen mayen ibeddel, mayen yedja yawern as. Ur tewsir, wer telli d taeffant deg uyembub. Elahsab min teqqar, ur tt ixes ca, mayen xef yerzu qa t deg s.

Ur telli ca kuntra i wbeddel, maca malla ca n yidjen yexs ad ibeddel, ixessi t ad yessen beeda yamezwar min xef, mant ssabab. Maci yir rwaḥ, tfukt ead wer teyliy uka beddel.

Waxxa malla nenna ur illi qae wmi ya yeejeb lḥal ad yetwabeddel, amenni nettaf deg s cway n min ur yellin deg merra yiwdan. Nettata xef mamek daneɣ d tetban, iqqes as lḥal yir alami wer deg s mayen xef tt ibeddel.

Ad yili netta, zeg s ca nneḍni. Yexs tenni yessenedyen,

wer deg s min ya yessengwen ead. Niy yufa leeql n nes
ur akid s d yettis, wer yetwili mayen din ten ijemmceen.

Jmee tetwid, tu ad yili yla ead wer tessin min teena
tudert, mayen yeena bna dem. Sad wer tessin ila mkul
idjen d ddewq n nes, mkul idj d mani i das truh.

Sebhan llah leadim: Min t yuγin, mayen das i yweqeen,
alami yiwed yer manayu. Uhhely zeg ufekker, ur iwidey
yer ca ur twiliy qae mayen deyyi ya yessiwden.

Iruh ibeddel yyi: Ad yili qae ur yessin min xef deyyi
ybeddel, wala mant ssabab t yedjin ad yeg tameggit u.

Ibeddel taletcint: Ur yessin ila yabeddel u ybeddel yexda
deg s, wer iswid mlih deg mayen yegga. Ibeddel ten d
igeeeden ead, ur yessin hed mayen deg s.

Tuleyd ad tessendey: Sad wer tiwid d yeddu, ur tessin
min yettewqien, wala mayen xef llan yewdan ttekkeren
thufan.

Sebhan Allah readim

Mayenzi dayi ybedder

Ma ybedder ayi s zzin

Ma ybedder ayi zi reeqer

Ma terceq as waha, niy yeggi tt hima ad tt yeg. Ur din mayen tt yettedjan ad tetc ixf n nes, ad ter yer wul.

Ibeddel itt xef walu mamek tetwala nettat, u yacekti n nes ad nezmer xef s nini, meeql, isseqnae bna dem. Tettetja bna dem zeg tterf ur yer s min ya yini, malla yetfekker nurmal.

Bna dem lexmi yettets, ittawey tahheramt xef idj zeg tnayen u, ya ad yili yer s leeqel, ya ad deg s yili zzin, nettata tejmee iten merra ur tedji ca. Alami deg s munen zeg tnayen, min t yedjin ad yerzu xef hed n nedni.

U tu zeg i tt ibeddel, ur nessin mayen deg s kter zeg s, ma teedu tt zeg ca n lhajet zeg tnayen u. Ma d manayu i xef tredzu ad tesses ula d nettata malla wer tessin. Ma yer s ccek deg yexf n nes, tredzu ad tetyeqqen.

Ad yili mayen xef tt ibeddel, eemmers ad as tewwet nettata lehsab, ca n tmeslayin eemmers ad yer s d drent

qae, anect ya tek tedder.

Sebhan Allah leadim: Ah ya sidi rebbi leeziz mana ddeg u yettewqieen, mana lmunker u i wer yedbieen. Mayen t yuyin, mayen deg i yellan d aeffan.

Mayenzi deyyi ybeddel: Ur fhimey, ur iwiyeey ur d rriy, idja yyi ttebehdey. Melli yir deyyi ya yeni waha mayenzi, ad sseney beeda min xef. Uhhelley netc mayen ggiy, pinsarey akd uzellif inu, ur ufiy mayenzi, ur deyyi d iban ca.

Ma ybeddel yyi s zzin: Ma zzin inu zeema d aneqsi, wer yiwid ca zzin n tenni i yerra deg wemkan inu. Teqqar as i tziri, hwad niy ad d alyey.

Ma ybeddel yyi s leeqel: Ma wer t yesseqnee walli ynu!. Ma d ca i yeggiy xef nniyyet inu, wer deg s nwiya ca, netta wer das yeejib lhal, yessemyer deg s, yenna s yeffey as leeqel!?.

Mayer ma tuniti yer s leeqel hsen zeg i!?. Ma mayen das yeqqar tetteg it!?.

Arami d tawarin

Σejbent ac akid i

Arami d ssukar

Tennid baba yugi

Ur tefhim, teks ad tefhem, tredzu xef wi tt ya yesfehmen.

Bnadem iggur akid s, ittexs ad akid s imun, ad yili yruh xef s imun, maca yexs ad yeqqim merra d amuni.

Nettata yamuni nni wer tt yecqi, tredzu xef lemlak, xef mayen das ya yeksin ifadden, ad d tban jar tehreamin, ad tciyyek qibal n sent.

Ur das d teqqim ca γir deg wawal i yettexas, i yessawal, i das yeqqar. Aseedu n lweqt, xef iredzu ad zeg s yesseedu, tmelli t t mel ula d djurret n nes.

Texs ad teg, mayen yetwaggan jar yewdan. Ad irah yer wexxam ad tt yexdeb, ad yili kulleci manayenni elahsab cceree d lqanun.

Malla yeqar baba s wer icewwel, i mayen zeg s iredzu ead, mayen tt ihetseb amenni, mayen das d yettiwey rebbi s.

Malla yer s ca deg leeql, γir ad t yekkes zeg i lbal n

nes, wer telli ca d ferq cceyel, ur telli ca d yelli s n zzenqet.

La d nettata yer s ttaşilet, tetcat lehşab i yexf n nes, tesseni mani teggur, qae ur yetrih yalet, ur itteggewed, ur das iqqir d tafqunt. Min das tenna yemma s netta,tenna s t yemma s ula d nettata.

Lwalidin u i wer das ieewwelen i memmi tsen, mayen zeg tt yeedu netta zeema qae!. Mayen tt yuyin, mayen tt ixessen. Ma wer dasen teemmer tit i nitni, niy d netta i wer ixsen, itterra tt yer lwalidin!?.

Alami d tiwalin: Nnab d warez n teymest yer k kifkif. Lherd i yferyen ur iqettin, wer deg yelli qae nnefee, tettexsed ad xef i teffeyed zeg s, ad yyi tdewwexed.

Şejbent ak akid i: Itteejib ak, Tettexsed ad akid i tesseedud zeg s lweqt, ad akid i yili, ad akid i tessiwled, ad tettekkesed xef wul n nek leqned.

Almi d ssekwar: D teqqim yer sşeh d lmeequl, ad neg axxam n ney, ad d nedj tarwa n lehhal.

Tennid baba yugi: Ur deyyi eewwelen ca deg wexxam. Baba yenna yyi, ad cek nyey malla wer tesbedded.

manayu.

Awmi tuya tardid

Tuya tardid ayi

Rexxu awmi nemmeney

I recyub mayemmi

Bnadern i chal yetneqlab, itbeddel deg wudem,
elaḥsab muk tetwala nettata, wer yer s yir idj n wawal.

Alami tuya xef s irda, irda xef s mamek tuya tella. Alami
wer yeqqim iḥemmel itt, yebda ad irzem ajeqqim. Ad yini
mayen yexs ad yini, ad yini mayen ur yellin.

Ur tt icqi umenyi, ad yili d nettata i xef s yerzun. Yecqa
tt wawal n leib, i tetwala tuya nnehla ma ad yili.

Yenna niy yeqqim, wer yelli mayen zeg s ya yawey, uka
melli yeqqim yesqer ḥsen as. Mayen das d ya yer wawal,
malla yenna t i yewdan.

Mamek temmesar alami netta deg s inna leib, nettata wer
teewwel ad xef s ter zeg leib, ur tenni la d nettata mayen
texs ad d tferrey ul n nes. Ma wer deg s mayen ya tini, niy
ur das yetteejjib ad tessiwel deg yewdan?!

Ma yir tetteg akid s lḥudna, malla wer isqir

ad tesseger nnit. Ad akid s tekker ad as tean ad as tesseken
mayen xef yella yredzu.

Ur yelli mayen ihewnen anect n leeib, merra tessén as,
kulleci ad xef s tqed. Tetyima deg wi yedzemmeren ad
ittéf aqemmum, ad ikkes zeg lbal n nes mayen ur yehhelin.

Alami tuya terdid: Deyyi tqebled, tessed yyi zeg ul n nek.
Ur tuya dak idduri ca deg walli yesneqlab it, ur tredzud ca
xef min ur illin.

Tuya terdid yyi: Tqebled xef i zeg mayen zeg mma,
waxxa tuya tetwalid deg i, mayen wer dak ieejben.

Lexxu yalami nemmeney: Mayen cek yedjin al ilexxi,
alami tbeddel lweqt, nessiwed itt yer umenyi, wer neqqim
nettemsefham, ur dinni min daneγ ya yjemeen, i tekkered
ad tfehmed.

I leeyub mayemmi: Ad tinid leib, min eemmers wer
tennid, wala tuya t yer k qae jar yiles d uqemmum. Mayen
zeg sen ya tawyed la tennid la teqqimed!?

Ad qqedeɣ fus inu
Z ugirru ad ihemmar
Ini yas i mami ynu
Ammu i ytiri wawar

Bac xef s ɣa teeɣel, ur das yetrih jar tittawin, ur
das tt ihetci ead eemmers, anect ɣa tek tedder, la netta
wala hed nnedni.

Bac ɣa yessen ɧal tseggewa, ɧal iseggewa wawal.
Tegga mayenzi das ɣa tesseqdee layas, mayenzi zeg ur
idemmee ad isxirreq ad ibuɣar, wala eemmers ad tt yettu.
Tecwa afus mlih bac malla truɧ sebhan ad deg s tfekker,
ad yewwet wul, ad tt id yesfekker uherriq.

Ihca s tt, ur teewwel ad as tetwasred, wala ad as tetwahca
ead. Lehciyyet, ca zeg lmerrat tetkimmel xef bnaɣem,
tafɣeɧt n nes tneq.

Ad yili ead wer teqqid, ɣir tetpinsar deg s waha tedjerra
deg lweqt. Ad yili teks ad t teg d acerrid deg walli, nebla
ma teggi t qae deg uɣus. Afus teggi t d aɣɣeraw, alami
yetwacwa, limaret ur tettekkes tetyima d ttabee.

Awal i xef yeffey abrid, deg yewta, yeqqim as deg

leeqel, wer nessin mayen yeena. Wer tt yecqi mayen xef yella wawal, anect n mayen tt yecqan n mayemmi xef s yeffey abrid.

Wen tetwessa kifkif, ur nessin mayen yeena, ma d ixf nes, ma d ca n yidjen, niy d ca n yicten, qa t yer s jar tittawin.

Ad qqedey afus inu: Ad t cwiγ, ad t zelfey, u malla ttuqared ad tebbezey ula deg tefqunt, hima ad xef s eeqley mlih.

Zeg ugirru ad ihemmer: Al γa ycefcef, ad t ssengwey, ad yedwel d tangult.

Ini yas i mami ynu: I wenni yexs wemcum u n wul deyyi yessufyen alli, ur deyyi yedjin deg mayen ur deg lliy.

Ammu i yettili wawal: Baz ak d wawal i yer k yellan, ammu niy bnaqes. Cenna malla tewcid awal, yettekel xef k bnadem.

Kuntra i cckimet

Zeg min ikreh bna dem, waxxa wla d netta qa tt deg s, yetteg itt.

Mayemmi d mayen yettedjan bna dem ad icekkem ad yedha d acekkam?!

Mant rrebeh yer s illan deg ccekimet, malla yeqqar yexs ad yeedel ca n lhajet?!

Melmi ya nini: tu d ccekimet, wu d awal deg yewdan, wu d lkritik?!

Bna dem yettawed isemmeh idjen deg wennedni, yir zeg kwinta n ccekimet. Lexmmi ttilin ca n tnayen munen, wer tihnin ixelladen al ten ya bna dem xef wayuwyu.

Nnamima, ccekimet, awal aeffan, ajbad deg yewdan, zeg tti mat i nettaf bezzaf deg yezlan i qdimen.

ca zeg imuren, itnefqas zeg sen bna dem, ca ymuren ur das tredzin qae azellif, niy yetteg am lexmi wer tssenhezzin. Yetteg merra mayen yer s d tizemmar, hima ad yekkes taqcurt xef uyembub n ucekkam, ur deg s yettedji mayen ya yselhen.

Lmuckil wer yelli mayen das ya tyennejed i wcekkam,

melli yetsedha ayayli wer yeteiwid i
ccekimet. Itcekkem, ur iqebbel hed ccekimet n nes,
amenni, amenni i yetyima yetcekkem, itet it uqemmun al
ya yini ca i ya yehna, u wenni wmi ya ycekkem, ad xef s
icekkem.

Ur yetwadj mayenzi wer yetwiziwer, mayen ur das ggin,
amenni walu, alami twalan ddenya ur zeg s yettegwed,
sfekkeren t zeg laxira lakun ad yejmee cway iles n nes.

Cekkem ay acekkam

Cekkem ula dayi

Labud ad temmeted

Ad tinid semh ayi

Tused tenna yi
Ilif ieiyyeb icem
Mara yeiyyeb ayi nec
Ruh ad cem yawi cem

Nebila ma ad tpinzar wala ad txemmem deg yexf n nes, nebila ma ad txem deg hed nnedni, mayen das ya yweqeen, lexmi ya tini lexbar ur icewweren, ieeuffenen ur yedbieen.

Nebila ma ad tfekker qae deg lhalet, d mayen das ya yemmejran i tenni wmi t ya tini, tewta kulleci zeg rrekelt, truh tettazzel zeg iri n nes d azirar, ad as teawed min tt ya yenyen.

Yeffey as merra mayen deg txemmem, tetraja yir ad iwqee, d lefdihet umi wer teggi leh̄sab tenneqleb xef s, yemmewt as kulleci deg ziru.

Tenni i teks ad teyzem, terra s ttebsi deg uyembub. Wenni xef das tessawal, tessan mayen yeena, elah̄sab lwajab i das tewca. Tessen ula d lqima n nes nettata, yer s ttiqet deg iman n nes, ur yelli wi tt ya yzeeezen zeg wemkan n nes.

a) Ya tetwala yla yetmetta xef s, nnan niy qqimen, wer yelli wi das ya ybeddelen leeqel.

b) Ya malla şebhan yer s ca deg walli, yir dji t ad t ig, ur das tewqie. Lhub yebnan xef lyec, ur yelli mayemmi, bnaqes zeg s.

Tused tenna yyi: Si manis xef i d temmender qae nneeyu, u si mayen das tyil. Teelefd yer i tettazel, tisila deg ufus hima ad yyi tini.

Llif ieiiyyeb icem: Qa sliy zeg wenni i deg tetterebtet, iqqar deg m leib, ur idji min ur deg m yenni. Ur das teejibed, ur deg m itwili mayen xef iredzu.

Malla yeiiyyeb yyi netc: Iwa malla netc ieif yyi a lalla, eemmerey zeg leeyub, ur deg i ca mayen das ya yeemmeren tit.

Ruħ ad cem yawey cem: Ruħ away it, gg akid s cem leuc. Wwet uzzal maħend yella yehhema, mayen tetrajid, tesqerqubed akid i nnab, uyur yer s deyya mayemmi tellid teddeyyeed lweqt.

Tused tenna yi

Llif n nem isekkkar

Mara netta yeskar

Nec ad swey ktar

Truh ad as teawed mayen tessén, mayen xef tergeb, wer yer s yelli d amnus, ur das yeggi bu tefqeht.

Chal d tamara, chal d tazzelewin d ccekimet d qillet lehya, bac das ya tessiwed lexbar ur yedbieen, ad as tini mayen ur yetwiqqiren. Ad deg s teccee timessi, ad as d teqlee ul, yir hima ad ten tebda yidjen xef wenedni.

Texs ad toekkem, ad tessers ddeqel, bac ya tehna, ur tufi mani ya trah. Yiwey as d rebbi s, merra yiwdan kifkif, meirra tetsella waha, tetradzam imejjan yer yiwalen n yewdan.

Malla tuyá tergeb as xef wul kter, qbel ma' ad terzem aqemmum, ad d tessufey ca n lehajet teeeuffen, ayayli tbellee as t.

Tessiwel ad tfaja xef wul, aseeeea yenneqleb wehlas xef tbarda, tedwel d nettata i ytetten aemud, tesberrad xef s tennedni tabeccekt.

Mayen nenna ħaja, maca bħal walu tanya, ad yili ten
issiwden lexbar, ur tuya yer s telli qae ca n lhajet deg wul
d taeeffant, ħir truh deg s d tazzejt, ten umi t tenna tdelm
itt.

Ayayli d lemezzet ad tt yedjin ad as tini, ad tt yedjin ad
tt yetc xef s wul n nes. Maca tennedni tuya yul n nes
ieemmer, niy tuya wla d nettata tesla manayu qbel, uka
terra xef s tifeqqae.

Tused tenna yyi: Xemm cek i leurret, almani yiwed
bnadem aeffan. Tuhhel teşber, ur tehni yalami t id
tessufey. Tused yer i zeg uzellif n nes d azirar aqemmum
al imejjan maci xef ca ħir bac ad xef i tesherrrem leicet.
Malla tuya hniy ad yyi tesxiyyeq. Malla tuya ur lliy deg
ca, xiyyeqey, ad xef i tkemmel.

Llif n nem isekker: Bac deyyi d ya teqlee ul, ad yy tini
mayen ur deyyi yecqin, qa llif inu yses ccerab.

Malla netta yesker: Ur tessin mayen dinni, ila netta
malla yeqleb tazeyyat, işebbehd idj n şsebeh, ur yufi wi t
ya yesreggewhen.

Netc ad swey kter: Netc ad qelbey tnayen n tezeyyatın
niy kter, ad şebbeĥey şsebuĥat, ad ssensey deg lbiran.

Yenna yi mayemmi tetrud

Imettawen ad qdan

Imcumen a ycekkamen

I cek xaf i yebdan

Yexs ad tt yessusem, nettata tetteru ydammen.

Lebher malla yuzey ad t eemmer al ya ygefgef, ma yeyzran ur xef sen bu wawal.

Yetseqsa tt ead, meelik beeda yir iredzu ad tesqer waha. Ad yili yir yerni yas zeg useqsi nni deg lemhayen d lefqayes, am lexmi qae wer yessin mayen yettewqieen.

Yeqqar as imettawen ad qdan, ihetca yas deg iwalen, am lexmi zeema manayenni nettat wer t tessin.

Maci teqqimed deg imettawen i tetteru, niy deg ususem malla tesbedd ametta. Teqqimed deg icekkamen i tt ixedmen, ur hnin ur sqiren zeg ccekimet alami ten bdan, sbeeden ten idj xef wenedni.

Malla msebdan, mayen xef llan ead tmeqlan, mayemmi tt yetluma xef imettawen, das yeqqar mayen xef micedden imettawen, nitni msebdan. Ur yer s yeqqim ead mayen akid s ya teg, hima ad t id ter, ad rren aman yer terya n

sen.

Mayemmi tetterra merra yer icekkamen, dasen tessirid kulleci, netta wer das teqqir ca min t tyedjin yer sen yesla, igga zeg awal n sen. Ma tufa mayen nnan d ttidt, ur tufi mani ya terwel, wala mayen deg ya teffer. Ma teggi tt teawed as, yir terra yer yewdan waha!?.

Inna yyi mayemmi tetterud: Am lexmi wer din qae ca, ur yessin mayen dinni, niy yegga yixf n nes am lexmi wer yetwili ca, ur d yerri qae lexbar i mayen iweqeen.

Imettawen ad qdan: Ur illi mayemmi tetterud imettawen ur ddumin, am lexmi lliy manayu wer t ssiney netc. Netta merra tessan ila yametta yqetta, malla wer bedden ca nnehar u ad azyen tiwetca. Mayen iweqeen yewqee, ur yelli mayen ya neg.

Imcumen u ycekkamen: Tarwa yu n lehheram i yqablen yir manayu. Awal deg yewdan, ul n sen yetcur zeg lehshed. I deyyi yettedjan yelleben yyi, ur dzemmerey ad ten ttefey.

I cek xef i yebdan: Ur hnin alami cek xef i sbceeden, wer daney djin nmun, nbenna leuc n ney. Mak ggin

imettawen u ya ttefey nneei yu, ur tteruy, ur deyyi yeslilin
ayembub.

Nnan as i baba

Yedji c truh ya sini

Ra truh ra teqqim

D rharet n temzi

Twedder asen, uhhelen rzun min ya yinin ilfan n icekkamen, alami wer ufin walu, tuzey asen. Nnan as i baba s, qae mayen tehdid, aqa ca ur t teggid, tesseyfel icek teffey truh ak ead yer sini.

Ur ssinen ila d baba s i yayyli yewca s min zeg tudef. Ad teg mayen teks mahend tella ead d tamezzeyant, qa tt i wzellif n nes.

Teks sini, tudef it. Teks amezgun, truh yer s. Teks ca nneđni, ur illi wi tt ya yeqqenen, wi das ya yettefen idaren.

Melli wer irgib, ur issin mayen din, yetteg lehsab i kulleci, ad tafed neil zeg mayen zeg xef sen yerra. Siwa malla yir irri tt yer wul n nes, yexs ur dasen yettedji mani ya yiraren irar n sen. Mayen tuya xef redzun, ad ten yer s yessiwed, ad asen yemmewc d awerdi.

Mayen teks ad tini lhalet n temzey?. Ma ur yelli wi xef

s ya yeggen!?. Ma d lħeq n nes, ur yelli wi das t ya yekkesen, anect ya tek d tamezzeyant?!

Mayemmi sini?! Ur yettili ħir si ttelam i deg s yettilin, ur yedzemmer bnadem ad yessen mayen yettewqieen, ifassen ttekken eeddun, ur yedzemmer ad ikuntrula ca.

Nnan as i baba: Tħil asen si mayen ggin qae amenni yneggura n yewdan, qedwen tt id ħer i, wer issin ħed mayen deyyi ya yeg baba wala ad yyi yessufey akid s.

Yelli k truh ħer sini: Teftey ak abrid, wer teqqim tetteffey waha, lexxu truh mani traħen ħir izeelak d yessi s n zzenqet. Malla wer tt teqqined, ur tbedded xef idaren n nek tzemmed as Ifelfel deg itittawin, ur yessin ħed mayen ya teg nnehar u tiwetca.

La truh la teqqim: Mayen dawem yetraħen, wi kenniw yesseqsan. Mayen ya yweqeen qae, malla teftey tawwurt, niy teqqim deg wexxam. Ur din yelli mayen zeg s ya yekkesen, wala ad deg s yerni.

D lħalet n temziy: Melli temħer waxxa, ad xef s yili wawal, ad aney yadef ccek, ad nxem mayen akid s ya yetwaggen. Alami tella ead d tamezzeyant, wer yelli wi

deg s ya yessiwlen, wala ad xef s iħkem. Malla wer tudif
yer sini lexxu yalami tella ead d ayeddu, melmi i t ya
tadef. Lexmi ya temyer lexdeni ksin tt waman, ur teqqim
berra ead ad t tzer.

Ad ariy ya yetran

Ad din kriy rbit

Rebeed nnan as

Imun uka yejji tt

Deg kwinta n yewdan iceffanen, teks ad tenfa tammurt amen tekmeɓ, maci ca ɣir amkan. Ad tgeeed yer ujenna, ad txem mamek dinni ɣa tezdeɣ.

Ca n imetturfa yezzayden, imehzaden wer yer yelli ca wyembub itsedhan, icekkamen n batel, qeleen as d ul, ur teks ad akid sen terni ead ula d tminut.

Yiwey asen d rebbi y lbeed, yufa mana hsen uka yesmeh deg s. Melli yufin ayayli neil min ggin qae, ad as ggen urar hima ad tt nyen zeg tfeqqae.

Ca zeg wawal n yewdan ineq, yettedja bnadem ad ihajer, ad yeg min eemmers ur deg yfekker. Ad isuh, ad ixla, ad yenneereq mani wer izer, ur yetmelqi, ur xef s yetselli hed.

Amuni i ymun, maci bessif ixes ad yili d netta i deg s isemhen. Manayu nnan t yewdan, ur t yenni netta, wen deg s isemhen, nettata tecceкта zeg s. Ad yili d nettata i yekkesen lealaqa, iwdan qelben awal.

Idji tt: ad yili tuya tt d tanexdabt, niy d tmeddukelt, niy ad tili tanya d tanyart, mani mma tewtid aqeccar ad azzelen idammen.

Ismeh deg s, mayen teks teggi t, mayen teks tzemmer it, eemmers ead yekka xef s.

Ad alyey yer yetran: Ur illi min da ya ggey ca deg tmurt u qae, ad xef s wtey i lebda. Ad geeedey yer ujenna, mani ur deyyi yzer ula d idjen, ur deyyi yetwili hed.

Ad dinni kriy lbit: Ad dinni zedyey, wer da d teiqqibey ead, hima ur tyimiy ead ad sley i yiwalen n yewdan. Ad yyi d qelleen ul ad yyi ssexsaren lxader, ad xef i sserzagen tudert.

Lbeed nnan as: Ca zeg sen smeyren aqemmum, bdan tradzamen i ddiayat, wer ttedjin min ur qqiren.

Imun uka yedji tt: Yufa mana hsen zeg s, wi yakd ya ymun, yewca s rrekelt, wer yeqqim qae yetseqsa deg s, wala yredzu ead ad tt izer.

Nnan as itkiyyaf

Ises ra d rbinu

Mara yeqned wur inek

Mesmuh ya Ilif inu

mayen dasen yetrahen, mayen ten yedjin ttadfen
ddehul n midden. Wi ten yesseqsan, wi dasen yeggin ccan,
bac ya ssiwlen, ad yer sen isel bnadem.

Ijebbed girru, niy d pippa, niy ikemma lkif niy yetteg ca
nnedni, mayen ten yer s ihuzen.

Wi ten iwessan bac t ya hɗan, ad as sdefren tittawin. Ad
xemmen mayen yetteg, d mayen wer yetteg.

Mayen yexs iggi t, mayen yexs izemmer it. U yxessi ten
ad ssenen, igga niy ur yeggi, nnan niy ur nnin, wer yelli
wi ten ya yebdan waxxa ya yili min ya yilin.

Awal xef weqnaɗ ur yettili yir weryaz n nes yeggewej itt,
niy iffey tammurt, wer yelli ca zzat s. Malla qa t zzat s qa
teqqar as manayu yir hima ad zeg s teksi, wer yetyimi itet
deg yexf n nes. Ur ittif min ya yini, ad sebdehen deg
ixerwiden.

Marra mayen tt yecqan nettata, ixes itt wer teddeji wla d

idjen ad d yek jar asen, ad yeg mayen xef iredzu, ad xsen yirar. ad ten yebda xef walu, ad ten issexser, ad d sebbehnen ggin ca wer yeedil.

Nnan as itkiyyef: Twedder asen, xsen ad tt afen s bessif. Alami wer ufin qae mayen xef s ya yinin, wer yelli min deg s ya eiyyeben, ur yelli mayen deg ya ttefen, dewlen yer lherd n ihenjiren imezzcyanen. Qa yaheqqa yetkiyyef.

Isess la d lbinu: Bac ad tt smeyren, ad tt rren anect n wel yem. Melli yetkiyyef waha, ur yeqqir hed ca, lexxu yerni tt id ikemmel itt, yedwel ises ula d lbinu.

Malla yeqned wul n nek: Teemmered texsed ad tedderedqed, ziyeren xef lehyud, tammurt wer cek teksfi.

Mesmuħ a mami ynu: Fir sew, ur yelli wi dak ya yekkesen, wen ya yinin ca qa yyi da, wenni ya yrezmen aqemmum, ad as t belleey malla ur iecwwel ad yefhem azellif n nes. Sew a leeziz tedjed acekkam ad yemmet, ad ihek llaymun.

Ayeqqa t ayeqqa t

Yehwa d akd tebridt

Ten ked tmuned

Usin d nnan ayi tt

Tedjalla deg s teteawad, tetyezza yer s tiymest.
Melli ya taf, ad as d teqlee ieinan, ad t tcerreg ad as tsew
idammen zeg tefqeht n yewdan i deg s yellan.

Heggewu yegga akd tebridt ur illi ca bayen, ur yessin hed
mani yeggur, wala al mani t ya tessiwed. Bnadem iggur
idjerra ydaren, leeql ur tettessened mani yella.

Malla yeggur yer s nettat ul n nes iemmer, igefgef,
yeksid yer s rebbi tfawt. Tessewjed as mayen xef iredzu,
ad as tesseken mlih chal iseggewa wmuni akd hed nnedni.

Malla sehan yexs ad xef s iffer, ad ig ix f n nes, am
lexmi ca wer t yeggi. ad as d tawey ccehud i t yezrin, i t ya
yfedhen. Wer yessin ila tammurt qae d icekkamen tittawin
wejdent, ayenni i yekkalen qablen. Ggi tt d tasebhant,
tedjed tt.

Ma tenni yakd imun ur tt tecqi ur das teggi d ccan, mayen
texas tili t.

Ayeqqa t ayeqqa t: Ayeqqa yamcum i xef i ya yeffeyen.
Mamek akid s ya ggey, ur ssiney qae mani yayayli
yeggur, malla wer ittili yer s i yetrah.

Yehwad akd tebridt: Yettefd tanya tabridt si mani
ayayli qae yetrah, ad s ssekney mayen xef iredzu, mayen
t ixessen i wneggar n eibad llah. Ur yer s mani ya
yeddurrey wala mani ya yerwel.

Ten akd tmuned: Tenni wmi tuya tetsudid deg umejjiw,
teggurem adar zeg udar, ayezdis xef uyezdis.

Usind nnan yyi t: Qae ur tteggewed, ur qqir ca wer tt
teggid. Ur yennuffer ca marra tezri cek, wcin yyi xef wem
lexbar.

Uyur abrid n nem
War yar i d ssawar
Bnadem d acekkam
Ad x aney yeqreb awar

Yeggewed xef s am yeggewed xef uzellif n nes, ad yer s tessiwel, ad xellesen ttaman xef ca wer yelli. Ad xef sen taley cceneet ad d sebbehenn d awal deg uqemmum n yewdan, nitni ad yili qaε ca wer t ggin.

Bnadem ayenni i yehda, itraja yir melmimi ya yehsel ca n yidjen ad deg s yettef. Ad yetwaf mayen xef ya yessiwel, wi deg ya yejbed.

Malla sebhan nettat tettu niy ur terri lbal i ca, yexs ad tt ifekker, ad as t id yer, bac ad tessenn mani tella. Din ca yeddura jar asenn niy ur din walu qaε, amenni yxessi tt, ad teg lehṣab i kulleci. Idjen, malla yenna ca, ad d sebbehenn yetwag zeg sen leelam igeεeed, manis mma ya tekked, d mani mma ya trahed, ad tafed awal xef sen i yella.

Ad yili yir mselqan deg webrid, u d wenni d nnehar amezwar deg yezra yidjen wennedni, wer yexs ad zeg s yawey cceneet. Llahumma ssalama malla yetwassen xef s

ca d aeffan, ur yeqqir hed ca. Mani mma yella ca tuya
yennuffer ad d yemmers sennej i ttabla, amcum yerzem
aqemmum yessufeyd awal.

Uyur abrid n nem: Rekkez xef tekli, tneqced tacekrudt,
dji cem zeg ca nnedni. Gg tittawin jar idaren, tjebbed rrih
dj tittawin ad tcent abrid.

Ur yer i d ssawal: Dj yyi trankil, ur deyyi qqir, ur dam
qqirey. Ur tpinsir qae deg wawal waxxa zeg uhessi. Tu
yyi ad cem ttuy, gg am lexmi wer da lliy, ad aney teffey
hsen.

Bnadem d acekkam: Iwdan hdan, ur yelli bhal walu qa
seggewden deg ney tittawin bellegent, trajan yir mayen ya
zren, mayen ya ssiwden d mayen xef ya ssiwlen. Yya cem
ad tfehmed, min ya teffered, merra min ya tegged d lehsab
uka ad tafed awal yizzar am yer wexxam.

Ad xef ney yeqleb awal: Ad yini min umi wer yesli, min
qae ur yezri ad d nesbeh deg lhem. Ad aney issendem xef
tnayen nni n yiwalen, ad deg ney yesselseq mayen wer yer
niwid, qae ur deg nxerres, ur daney d yusi yer uzellif.

Leyrubiiyyet

Izlan u sbiiyyaned, amelli n leyꝛubiiyyet tuya yellan yer Imaziyen deg idj n lqis. Maci meknaw lexxu, tedwel d ttaqafa, d labdil i ya ybeddelen tudert.

Deg idj n lqis, tuya bnaɗem ad as tessufyed buhbel wala ad tessufyed zeg tmurt. Tuya t am weslem, ad tekkeseɗ zeg waman ad as ibed wul.

Tuya bnaɗem lexmi yetteffey tammurt, iwdan ur tt ikessi lɗib n sen, tyiman lebda tseqsan xef mayen xef yenneereq, ur yeqqim deg wemkan deg yexleq, irebba yfeddan ad isgeeed iman n nes zeg mayenzi mma. Twalan timura n midden d lexyal, ur das ddumint ur das kessint eemmers arraw n nes.

Wen isemmehen deg tmurt, ur yer s bu learaɗ ur yer s bu lhimmet. Malla yiweɗ yesmeh deg s ad yezmer xef kulleci, ur t tettef ula d ict n lhajet, kulleci ad xef s iqed.

Tammurt am temyart, ur yelli wenni deg s ya yferreten. Malla yferret deg sent, ad iferret ula deg yemma s. Ur yettif bnaɗem mayen illan xir zeg tmurt n nes, waxxa ya yek Imundu amen yekmel.

Tuya bna dem teiz xef s tmurt n nes, lexxu tedwel ur yer s tseggewi wla d tabset, wenni yexsen ca yeggi t deg s niy izemmer it, ca ur das yekki deg uzellif. Ya rebbi weya k yir ad yaf mayenzi ya yeemmer aeeddis, d mayenzi zeg d ya yesseken ix f n nes.

Lexmi yeqqar bna dem tammurt, yessawal ula xef yiles n nes d ttaqafa i yer s yellan, wer yelli ca xef ucebbir n tmurt. Cal waha yeqqur weh hedes, yettadef deg lqabaliya d familiyya, manayu wer yelli ca d umi qqaren lmuwatana, d awal xef lwatan amen yekmel.

"Home sweet home"

War yar i bu reedu
Zeg uyarrabu n Mritic
Yiwey ayi mami ynu
Ijja yi d tayujidtc

Leedu n nes ameqqeran, xef s yeffeyen d xef s ya ykemmelen, tetwala t wer yelli yir d amcum nni n uyerrabu n Mlilt. Iyya ad yili ca n leedu, mamek mma yexs ad yili, wer yettiwed wen xef s yessiggejjen min yer s yellan yiyla xef kulleci.

Waxxa yayerrabu deg s min isebhen ineffee, ameddukel n nes nama d aryaz, yena deg s yir hima ad yestenfee, amenni yetyima yas d leedu d ssem, waxxa deg s ddewa.

Waxxa d aryaz i yexsen ad iney zeg lxader n nes, yetyima d ayerrabu i t yiwyen. Am lexmi das t yexdef jar ifassen, yuyur zeg s.

Waxxa tuya wer yelli d ayerrabu n Mlilt, ad yili d ayerrabu nniden, mamek mma yexs ad yili wyerrabu yu i das ya yexsin lhub n nes, waxxa ya yili d agla n nes qae.

Ayerrabu wer t tetwili ca d ayerrabu, tzeri t d lhajet ismuttuy, ieedda xef s, igga deg s min ur deg s yeggi hed.

Ur yelli wedlib i xef s ya yqedden, i t ya yawden qae.
Melli ya taf ad deg s teqqed timessi, ad tessheq, ad deg
s tessekker aceeal.

Ur yer i bu leedu: Leedu ynu yameqqeran, i wmi
eemmers ad semheq, wala ad as yefrey. xef i yeffeyen,
yekkes itt akid i, ur yelli kter. Zeg uyerrabu n Mlilt:
Amcum nni n uyerrabu n Mlilt i wmi ya yewc rebbi
tiredzit d ufelleq. Deg ya tekker tmessi, tcin t waman
izizawen.

Yiwey yyi mami ynu: Ur yufi mayen ya yeg, Alami
deyyi yegga manayu. Ihewwes yyi leemer inu, tsa deyyi
yneqqen.

Yedja yyi d tayujilt: Ur yeri yeqqim wi xef i d ya yadfen
ead deg lweqt n lhasran d lqend deg ttexsey ad yer iysel
hed, ad yyi yefhem. Wenni tuya yer i yellan iruh idja yyi,
i tuya malla ruq ad as zzilzey, malla xiyyeqey, lhem itca
yyi ad akid i yeshissef.

War yar i bu reedu
Zi tiyyara yedwin
Tiwey ayi mami ynu
Tejji t i trumiyyen

Tittawin seggewdent, ul yetterjiji, ur yer s mayen
ya teg. Melli tufa ayayli tesherg itt, yekker deg s uceeeal.

Tedwa, ur yelli wen tt id ya yettefen, wala ad tt id yer.
Tekreh itt d ttelam, melli tufa ayayli wer telli ur tettili.
Semmers ur yiwid wul n nes, ad yenzemm zeg ca n yedjen
niy zeg ca n lhajet amenni.

Maci tekreh merra tiyyarat u maci merra qae tinni
yedwin. Nettata tetci tt yir xef tenni deg yenya llif n nes.
Das t tyiwyen, wer t id terri, tedji t i trumiyyen.

Timedja yu i t tedja, ur issin hed ma tedji t yir i yict n
lweqt, niy tedji t i lebda. ur yer s bu ca n lweqt muhedded
ad yili yla d wu d amur amezzewar i deg yenya deg
tiyyara, deg yuyur yer Uliman.

Tirumiyyin maci yetwag yir bac ya yetwattef-liqae,
tessiwel zeg bezzaf mayenzi tessan ila wer itrih ca yar ca
n yicten muheddada, u ead mella netta yer s lyarad deg ca

n trumekt γir nettata i yeggin deg uzellif n nes manayu.

Ur yer i bu leedu: Ad semhey i kulleci, al manayu d attas xef i. Leedu yu, wer yelli wen xef s γa yhinnen, waxxa γa yili wer yetteg ca deyya xef leh waj, ul n nes d tamment.

Zeg tiyyara yedwin: Γa yessedew mulana ijla tt, eemmers ur tt id irri. Ma ad as earredeγ, ma ad ggeγ afferiwen ad tt defrey.

Tiwey yyi mami ynu: Ur tufi qae wi γa tawey tiwey wi yer yella wul inu jar ifassen.

Tedji t i trumiyyen: I tinni yer yella wul iqseh d azru, malla hertent xef lhajet ur das tridziment.

A tzizwit a wetcma

Ma tehdid nnewar n lhubiyyet

Ad hdiy car n webrid

Ura leyꝛubiyyet

Ma teks ad thajer ad akid s teshajer ula d tzizwit, niy yir teks ad tessan mak tetwala waha tzizwt, wen yetteffeyen tammurt n nes!.

Tzizwit i yessawalen xef yexf n nes, ur das d itbin min iṣebhen deg leyꝛubiyyet, waxxa ya yer sen ya yili lhal kulleci yuzey.

Malla tufa nnewar mani nnedni, ur tedzemmer ad tili mak tettili, ya tili deg tmurt n nes. Llahumma deg ucal n webrid yuzey mani texleq, wala tizzizewt d ulellec deg tmura n midden.

Ur dinni wi ya yeksin ca n lhajet kter zeg tmurt n nes. Ur dinni mani ya yaf bna dem ca n rrahet kter zeg tmurt n nes.

Ad nezmer ad nini, ila wen yeggin izli, wer ihemmel ahajer, u bac ya yesbiyyen lirtibat n nes akd tmurt almani t yessiwed, yewca lmatal zeg tzizwit, yellan d lhayawan,

ur tqebbel ad tt teffey, mani €ad d bñadem. Mak das ya
yewc wul n nes, ad irah ad yennetlee, ad yemmender deg
tmura n midden.

A tzizwit a weltma: A ten akid i jemmeenet lemhayen,
d ufafi xef imukan, tredzu mayenzi zeg ya teeteq buhbel.

Ma ad tehdid nnewar n llubiyyet: Ma wer yer m d yedri,
wer tetpinsired ad teffey tammurt, ad terzud mani tella
cway n tudert. Lxir irru qae tneenee manis mma terrid
azellif tsewded, ad cem d yelqa nnewwar.

Ad hdiy cal n webrid: Ad da tcey azru yazia ad helwey
cal, malla wer ufiy qae ca zzat i.

Ula leyruubiyyet: Ula yanetlee yer tmura n midden, ad
yyi yettite ccehd wen yeswan d wen wer yeswin, ad yyi d
seggewden zeg uyezdis.

Ayarrabu n jdid
A bu reqrueiyyet
A bu tikri n djiret
A bu reyrubiyet

Ayerrabu yu, yetban as d maci ca meknaw
iyerruba nneɗni i yakd tennum, lebda teffeyen
ddaggewalend. Wu malla yeffey nnehar u, wer d
yeddiggewil tiwetca, ruɗ ya xef simana ya xef useggewas.

Maci d ddejdid deg lluh d pintura, d ddejdid xef tmurt d
bnadem. Ittawey iwdan yer mani ur nnumen traɗen,
isbeɛɛad iten xef wi yellan n sen.

Yeggur yir s llilt am yifis, wer yetteffey am tteffeyen
iyerruba merra. Llilt teweer, ur deg s bu laman, ayyeraden
ad ten tetc.

Wenni yegguren zeg tmeddit yer tmeddit, wer deg s bu
laman, wer yelli wen deg s ya yeggen ttiqet.

Ur yettili yir d ayerrabu n Malaya, ead deg ussan n nes
imezwura, alami tuya ead iwdan ur akid s nnumen, ur
nnumen am lexxu akd uneereq yer lxarij. Bnadem lexmi
yeggur, ad as tinid tqebbedent yer imedlan.

Ayerrabu n ddejdid: Semmers ur tezriy qbel yudefd yer
lmuyyi, ur t zriy yessers iselman, ifser tratca.

A bu leqlueiyyet: Ur yer s llin ca bezzaf n leqlue, am
yinni yellan yer iyerruba nnedni d iziraren, yer s yir icten
d tamezzeyant ead.

A bu tikli n lilt: Yeggur yir deg ttelam, swas ur
yettenhezzi, wer yetherrek zeg wemkan n nes.

A bu leyruhiyyet: A wenni yellan d assabab deg uyerreb
n yewdan, deg uneereq zeg tmurt n sen.

A ralla Merwekt
Am wezru yaziza
Thella yi di Muhemmed
Rexmi cem ya yezwa

Am lexmi tetwala tetwakkes rrehmet zeg bna dem,
teqqim as ɣir lanatur qibal n nes, ur tettif mana hsen zeg
s yellan.

Muhemmed ad yezwa, tsa n nes tetterjiji yas jar ifassen.
Ma teqbel niy wer teks, ur ɣer s yelli bu lheq deg wixdar!.

Ict n lhajet i das itredzan azellif, ur ɣer s mamek das ya
teg, tessecnad itt, ur tt teks ad tewqee. Muhemmed ad
yeyreq, ad as t tawey Melwekt.

Min ya teg, man tizemmar i ɣer s yellan?!. Umi ya
tecceкта, mani ya ter zeg uzellif?!

Azaweg i das tetteg i Melwekt, yesbiyyaned dduuf d
lemhayen d uhari tt itetten. Tizemmar i wer ɣer s yellin,
bac ya tbeddel lweqt deg tella zeg lqis nnedni. U bhal
walu ad tt izwa wehhedes, mayenzi teggewed qae ancet
uyu.

Azru yaziza n ssem, iqdeen am lmus, malla yeejen xef

s ad as tawey adar, wer yelli wi t ya yrehmen.

Malla qa tt akid s, wu eawed d lhem nnedni. Ya wer issin ad yefteh, nettata yemenndni, ya Yedqel xef s, wer das tzemmer ad t teksi. wer tt yecqi yexf n nes, anect tt yecqa netta.

A lalla melwekt: Lear n nem a melwekt, ili yakid i, ksi yakid i zeg ushissef. Tterey cem i rebbi d lalla jnada.

Am wezru yaziza: A mwezru yetredzan umas, u eessa k ead d bnadem, malla yeejen xef s niy yir ilqef it, d lmuhal ma ad zeg s yenjem.

Thella yyi deg Muhammed: Dji t ad yeedu, ad cem yeqdee, ad yer i d idwel. Ayenni ay zeg m tetterey, ur zeg m trijiy ca nnedni, netc wer lliy ca d amnus, malla tiwyed yyi.

Lexmi cem ya yezwa: Ur t tett, ur t ttiwey, ur t ttedji ad ieeddeb, xem yer lhalt inu kfa yir mayen deg lliy.

Malla truhed Aliman
Rebbi war da c isemmeh
Tejjid reeqer inu
Deg webrid isiyyeh

Waxxa yegga mayen xef s, nettata qae ur das yerri
welha mayen teks teggi t, malla yer s ca n dzemmar.
Tetfekker it waha yir hima ur itettu, yla malla yewta
kulleci zeg rrekelt, yetyima dinni rebbi s ur das isemmeh,
wer das iyeffer.

Mamek igga wesmah u i das ya tesmeh, ad teg am lexmi
wer yetwag walu netta yedja s leeqel yemmender deg
yebriiden, ur yelli qae wen ya t iyerwen.

Malla, yexs ad yini ead ur iruh ca, ad yili ead yir yetteg
adar yetterra t, ur yessin hed ma ad irah nama lla.

Tedjid, yexs ad yini yewqe. Mak igga manayu wi daney
tt ya yfekken. Tessawal xef mayen ya yili, tetceкта zeg
mayen yellan.

Lhel i ya yilin, i ya yfekken tirart u zeg lweqt. Am ur
iruh, yedja s leeqel iseyyeh, ma lexmi ya yuyur, wer tessin
min das ya yweqeen qae, yegga k rebbi ad as yeffey.

Malla truhed Aliman: Malla teggid mayen wer yetwaxessen ad yili, ddenub n nek xef uzellif n nek, netc malla xef i a wer yili.

Rebbi wer dak isemmeh: Waxxa netc qae semhey ak, rriy tt yer wul, ggiy ca wer yewqie, maca rebbi yessen mayen dinni, wer dak iyeffe xef mayen deyyi teggid. Yessen lhalet i xef deyyi tedjid, ul inu mamek iyiiyer.

Tedjid leeqel inu: Tessufyed yyi leeqel, ur t tedjid deg wemkan n nes yeressa, qbel ma ad tuyured.

Deg webrid isiyyeh: Lebda ywedder, izellee deg webrid i ya tettefed. Ur illi qae mayen t ijemmeeen, wala yettaf ca n lehna.

Iwa ruh iwa ruh

Awmi zzay i tesxid

Sebea ydurar n Rrif

Wi yar dayi tejjid

Tedji t ad yuyur, ad yek mani s yexs, alami das yewca wul n nes, ur yenni qae mayen yetteg. Wen wer yetyimin zeg lxader, ur xef s bu lmeena bac t ya yettef bna dem zeg bessif.

Malla yesxa zeg s, ur yelli min das ya teg, wer yelli mayenzi t ya tetef, ur din mayemmi ya teshuf zeg yexf n nes. Bac das ya tezzillez ad as tirar xef wul, ad d tesshwa ymettawen, netta yeggur yeggur.

Waxxa wer tt tecqi qae tekli ya yeg, amenni teks ad as d ter lbal. Malla yeqqar yer s ca n wul yettakan, ad ipinsar yir deg mani deg s ya yesmeh.

Mani tella, d umi tt ya yedj!?. Ad yili wer yer s hed, ad yili waxxa qae d familiyya maca yamenni, malla netta yuyur ittawey as d rebbi ca wer das yeqqim, ddenya texla xef s.

Ad yili yedji tt yer ca n hed, mani tetwala wer din tzer

rrehmet akid sen. Ya, yetweakkex lidarura n ccier.

Lasel n yezli bhal walu ad yili, "ya wi yer diyyi tedjid".
Ruh awoddi ruh ya min txedmed, cek tuyured netc tnedred
yyi akd yiyyu, i xef i ya ykemmelen.

Iwa ruh iwa ruh: Min dak ya ggey, wer yelli mayen dak
ya yiniy alami texsed ad trahed, ad texlid teemmeded xef
tekli. Fir ruh gg rray n nek, alami wer teeweled ad tesled
qae i rray inu.

Awmi zeg i tesxid: Alami wer cek hemmey, ur cek xef
i yetci wul n nek, ur inhez qae qibal inu. Textsed ad yyi
tsemhed, ad yyi tedjed deg tamara yawern ak. Yya ad ak
iniy ad nedrey ul inu, wer tedzemmered ad tfehmed i
mayen deyyi yneqqen.

Sebea ydurar n Rrif: Jar idurar ur tesseneey manis ya rrey
zeg uzellif, wala mant amkan i deyyi ya yeksin.

Wi yer deyyi tedjid: Melli beeda yir deyyi tedjid yer wi
xef i ya yhinen, deg ya qqimey, ya zzillezey. Wer din
manis ya kkey, wala yer i mani ya rahey, malla belleent
xef i twura.

Yuyur am yuyur am

Inya m di macina

Ksi yarrud nnem

Tebei t a Yamina

Nnehla ma terzid azellif, wala yeqqes am lhal. Ur yer m mayen das ya tegged ead, yeedu cem lweqt, tu ya malla din ca n min ya tegged, ayayli teggid t zik, ma lexxu ya hesrah.

Macina tqellee, wer yelli wi t id ya yerren ead, siwa malla teksid arrud teelfed awern as zeg tazzela. Qbel ma ad teqqimed yir tfennid, tseggewded yer ujenna, ur tettessened ula man tammurt i t yetcin.

Yenya m, wi yakid s da yellan yessawalen?! ma d nettata i yessawalen akd yexf n nes, bac ya teg malla ad teg ca n tzemmar!?. Ma d ca n hed i tt yesfaqan, iseggewed deg s wer telli deg ca, adan n nes tteqtuttusen?!

Wi yakid s yessawalen, mani yella yeggur?! Ma d yemma s, ma d weletma s, ma..., ma...?! Ma yethajar, ma yetraggewal zeg s, ma yedfer ca n yicten?!

I malla tedfer it ma tedzemmer ad t id ter, ad as tbed deg

webrid, niy ad tt yedj ad akid s tuyur!?

Mayemmi t ya tedfer, mamek yegga wedfar u i ya teg,
malla netta yeggur yeggur, ur yeqqim ead yettexas itt?!

Merra d iseqsan, mani ya taf ljawab i tt ya yfekken?!

Yuyur am yuyur am: Yeedu cem lhal, ur yer m ead
mayen ya tegged. Ur yessin hedd mani tuya tellid, wala
mani tuya teggid lbal n nem.

inya m deg macina: Jeemmed xef tekli d ufuy n tmurt, u
maci ad irah yir da yudes waha, ur yessin hedd mani yexs
ad yuyur qae, wala mant tammurt i t ya yetcen.

Ksi yarrud n nem: Jmee lehndud n nem, malla deg m min
ya yjemeen, hima ad t lehqed. Malla teqqimed da,
teqqimed tetmendared.

Tbee it a Yamina: Wer das qqir mani yeggur, mani ya
yrah ruh akid s, waxxa yhuf xef djerf deg lebher, huf akid
s.

War zzay i bu tiyyara

Yetcuqan timura

Zzay i wi yejjin

Ur inu ifenna

Qae ur d terri lexbar i tiyyara, wala zeg manis tettau d mani tetras. Texts ad tdew tedwa, texts ad tres tersa. Manayu wer tt icqi wer das yerzi yazellif.

Ur zeg s la tiyyara wala d wi deg s yenyin, waxxa ya yilin d idammen n nes, yeqqim deg s yir wen deg s i ysemhen, idji tt tfenna awern as. Nettata bhal walu tetwala yixf n nes, wer yer s ca jar ifassen, ur tekrih ayayli tedwa yakid s mani mma yexs ad tt yawey.

Tiyyara malla tedwa, chal mma tejbed teqdee d abrid, tessan mani ya tres. Ul n nes nettat wer tessin al melmi ya yeqqim yetcat, chal ya yek ijebbed, leeql yeddura deg lexwa.

Ur telli ca tfenna yamenni waha, xef ca wer yelli, lebud ma ad dinni yili ca kter zeg min netwala.

Bhal walu ad ilin tuya mmenyen deg wussan i deg yexs ad yuyur, qbel ma ad selhen, yettef netta tiyyara, yedja s

Ihem deg wehcuc.

Ur zeg i bu tiyyara: Llah yeneel wen das d irrin lexbar, wala yerra s tinit i tiyyara yu n lexla.

Itcuqan timura: Itekken lmundu amen yekmel, ur teddedji wla d idj n wemkan ur t tettiwid, mani mma tella ca n tmurt tersa deg s.

Zeg i wi yedjin: Wen xef i yeffeyen, yedja yyi wer ssiney min ya xedmey. Netta yedwa deg tiyyara, netc yedwa yyi leeqel akid s.

Ul inu ifenna: Itteru ydammen, ttekken deg s lemwas d txedmay. Itcat ineddu, ittawed yyi d al tmidja.

Llif n nem ihajar

Wenni ynu yeacar it

Mimunt mayemmi tetterud

Jj ayi ad ruy nnit

Ur ieewwel ad yedj tamɣart ad tru, yexs ad as iru deg wemkan, ad iru xef lemɣayen n nes la d netta.

Ad iru netta, i yellan d aryaz tesmeh deg s temɣart. Lemɣayen nes i yellan d lemɣayen, ma tinni n nes nettata wer t ttiwdent.

Tamɣart, malla yesmeh deg s weryazen, yuyur akd temɣart nnedni, malla yeeqebd yer s, maci ca am weryaz malla tesmeh deg s temɣart tuyur akd weryaz nnedni, teeqebd yer s.

Tamɣart bhal walu ad teqbel xef weryaz, ɣir ad d yedwel waha, maca yaryaz itɣima d lmuhal ma ad iqbel xef tamɣart. Ad tt yer deɣya, zeg lehwant zeg ya teqqen temɣart tittawin.

Tir awal n yewdan i t iggewejen ur idzemmer ad as yesber, mani ead d awal n lwalidin i t yudsen, dzawarent llilt d uzir. Ssekkaren deg s timessi, tbelleen as zeg s

aqemmum. Waxxa d aryaz, iddaggewal yer sen d walu, d leurret n yeryazen.

Llif n nem ihajar: Yuyur ur issin hed ma ad yer m d yedwel nama lla, ufuy u i yegga wenni ynu yuyur akid s, iqqar mana yu d lmuhal, deg s ccek.

Wenni ynu yeacar it: Isaeeefi t, ggin afus deg ufus semhen deg ney. Nebla ma ad yyi yini ca, waxxa bayen mayemmi t iecer.

Mimunt mayemmi tetrud: Mayen xef m icedden imettawen u. Tuya yen ela sbab, ad yili bhal walu tuya ten tbusaren xef ney waha.

Dj iyyi ad ruy nnit: Ad xef m ksiy lemhayen d lefqayes, wer yelli mayemmi ya tesdereyled cem tiitawin n nem.

Tnayit

Malla nenna d tnayit, iwa qa d tnayit. Mayenzi yitbab n yezlan nnuyen zeg yexf n sen ur ssinen mayenzi ya ffeyen, mani ead d wenni yexsen ad asen yefhem.

Zeg wedwal yer ddat zeg wattas, d wadaf deg wawal akid s, tsebbehend yezlan yetya xef sen bezzaf lyumud.

Ad yini bna dem ur din bu lferq jar wu d wu, ur illi mayemmi ya ysud bna dem deg lburqi, ad yebda deg yebriden, nitni amen kemlen ttawyen yer Roma.

Waxxa ya yili mayen ya yilin, yetyima dinni idj n lferq, waxxa d amezzezan, d azzedad xef tit n tissineft. U mayen yellan d asebbhan yer s lqimet, lexmi tettili lhajet temzey, amenni anect ya tekked cek tetqerrebed yer s, nettat tmeyyer xef yiman n nes, u d wu d anayi.

Ur yelli min ihewnen, anect lexmi tettexsed cek i ya yessersen lhajet deg wemkan i tetsed nebla ma ad akid s tilid tretbed. U wer yelli mayen iweeren, anect laxmi tettegged tizemmar ad tessersed lhajet deg wemkan i tets nattat, niy tetteg xef k zeg bessif, ad tegged mayen

yetwaxəşsan ad yili tersed niy tkerhed.

D awedder, Imutea n nes d attas xef s, yer s ict n lbennet,
wer tt tettifed eemmers deg mayen ihewnen qae.

Am malla neksi Ceetuf nettaf it yeqqar:

Ksiy ssineyyet

Tetur al taqemmunt

Lkas deyyi ya yewdan

Ttexsey cem a Mimunt

b: Ksiy ssineyyet

Amen ulyey dderuj

Lkas deyyi ya yewdan

Ttexsey cem a Xedduj

Da min ya yilin, ya yettexas Mimunt d Xedduj

Ya yettexas yir ict, tennedni istaemal itt yir bac zeg s ya
yekkes ccubuhat xef tennedni.

Netta wer ittili yir d mayen nenna yaneggar i t yedjin
isteemal attas n yismawen, mayenzi Nattaf it deg imukan
nnedni isteemal leefrita hima wer yeteeyyeq bezzaf, ad d
yesbeh yennuy nnehar aneggaru akd ten yettexas nican.

Araħed ad nemeaħad

Saddu wezru d ucar

Mara teydad ayi

War yar m bu wawar

Yexs ad akid s yemeaħad, ameħad ur deg yelli ccekk. Ad meħaden, ad xef s rren cal d wezru, wer yelli wi t id ya yjebden. Wenni ya yettun, ad t id yesfekker wemkan.

Zeg wawal n nes, yetbaned ila netta yetwala malla yewca yawal, ur xef s yetteffey, ad xef s yemmet. Tetyima nettata, malla tewca yawal, ma ad tettef deg leaħed niy ila, ma ad xef s tkemmel.

Waxxa yetwala, yeweer wi ya yxedeen leaħed, maca yamenni yessen ila yetyima kulleci nisbi lmuṭleq ur yelli.

Malla teffey xef wawal, tetyima d nettata i wer yer yelli wawal, wer tessin ɧal d mayen iseggewa.

Leaħed i das ya yewc, ur zeg s itiriji rebbi ad tt ieaqeb, ad tt ihaseb yumlqiyyama. Ad as t yewc yir bac ya yessen, ma ttettef deg awal niy ur yer s bu wawal, yir tessawal waha, wer tt yethemmi mayen teqqar.

Arahad ad nemeahad: Malla teqqared ila nican tettexsed
yyi, iwa rwah ad nemeahad, ad newc awal i yidjen
wennedni, wer deyyi txeddeeed, wer cem xeddeecy,
mayenzi zeg ya nemeahad, ad yili d ccahed jar aney.

Saddu wezru d ucal: Maci ca jar yewdan, wer d teqqim
ca deg cceneet. Ur illi mayemmi d ya yer hed lexbar, u
nnehla zeg sen. Ad nemeahad jar aney, ad xef s nerr cal,
ad negg sennej n nes azru. Ad dinni yeqqim i lebda, ur illi
wi t id ya yjebden.

Malla txedeed yyi: Wer tettifed deg wawal n nem tewtid
deg leahed, netc ggiy deg m ttiqet bniy xef s kulleci.

Ur yer m bu wawal: Waxxa ur yer i mayen dam ya ggey,
wer yelli mayenzi cem ya ttefey qae, tetyimid d ferq
cceyel, wer yer m bu wawal ur yer m bu ccaraf. D awal i
yellan d bnadem, ur telli ca d rrimet.

A tihheramin n ney

Tihheramin n tiri

Tteqqenent funara

Tyimant akid i

Wah ya tihheramin wah ya nitenti, ttekel xef sent ttekel, tiwetca zik. Ttitcen tt yir i wziiyyex zeg funarat, d uyimi deg tili. Xdem cek, derdeq cek, pinsar cek teksid lhem i min yetrajan ad itwaxdem, cceyel n wexxam d wenni n berra.

Kkalent lhant yir akd yexf n sent, aqabel n tisit d temcet deg ufus. Wen ya yenwan ca, ad xef sent yettekel sebhan, yettekel xef lexla.

Malla ca n yidjen yexs ad xef sent yessen, ad yer s irah mayen xef rzun ad t afen, merra yessen it ca wer xef s iwedder, kkalent rzint akid s afud. Tyennejen izlan, teawaden i tu d tin, tihuja tijdidin d tinni yqedmen.

Funarat tteqqenent tent yir bac ur xef sent iqqir hed, ila qa d tizehwaniyyen, tradzament i wceewaw, tyimant akd ieezriyyen. Qae tessan mayen yexs ad yini wceewaw aeeryan, malla wer imud yetwadj yennurzem kter, ur qqir

ca yhed, nnehla malla tennid.

A tihheramin nney: Xef ttexsent tyemmatin n sent ad tettekrent, cenna malla qqiment asent jar yewdan, ad zeg sent efferent ad zeg sent wtent idmaren n sent. Ffeyent asent, wer yer sent bu ddere€ n ca, d timeegazin d walu.

Tihheramin n tili: Ineq itent leegez, melli ya yafent ur tsellint xef lxedmet, wer dasent tetteejib qae, ttexsent ur tent thekkem tfukt ur tberkinent.

Tteqqenent funara: Seddelent ixf nsent mlih metecdent aceewaw, tteqnent xef s tahettawt, hima wer dasent t yessexsir usemmid. Ur xsent iqqir hed d tizellalin, ad qqiment d awal deg uqemmum n yewdan.

Tyimant akkid i: tsaeafent yyi netc ur yer yelli bu cceyel, ur yer i mayen ya ggey, wala d myan deyyi yetrajan.

Mayen deyyi yhuzen a yemma

Nec ad cuqey imedran

Ander n leefrita

Yeymi xa s usennan

Icuq imedlan, nebla ma ad yessen mayen xef,
melli tuya yessen ayayli yenna t, ayayli yessewjed as.
Acuqi i xef yessawal, bhal walu ad yili mmeya deg mmeya
yir sudfa waha, melli yruh ad izer tameddukelt, ayayli
yban aney d zeg wawal n nes.

Iruh yekka ssenni yendem, melli yufa ayayli ur ssenni
yerri ca yazellif, idaren i dinni t yiwyen ayayli yqessi ten.

Zegga tuya yruh ad yettu, nama elahal ikkes as tt rebbi
zeg lbal, nnehar aneggar yejbedd lhemm i yexf n nes.

Maca tamcunt nni n leefrita, wer yessin hed min tuya das
teena. Ma tuya tt d tamyart, niy d tameddukelt waha?!.
Ma tuya yjemmee iten ca niy yetci tt xef s zeg laggewaj
waha.

Afekker u i das ya ggen imedlan, yeccee deg s aceeeal,
labud ila tedja zeg s adeeeuq.

Mayen iqqimen, ad yili lehriq innum akid s, maca

asennan nni i xef s d iyemyen, wer xef s t yekkis hed, i das yernin tafqeht. Bhal walu ad yili merra manayu yir d alumi i yexf n nes alami yeedel wer yer s iruh, yufa yeymeyd xef s usennan melli beeda yir d nnewar.

Mayen deyyi yhuzen a yemma: Mamek i das ya ggey, wi deyyi t yennan, wi xef i yrayen rray u, mayen xef i ycedden mana yu.

Netc ad cuqey imedlan: Min deyyi yiwyen din, am lexmi wer yelli qae, manis ya kkey nnedni, nqilleten yebriden.

Andel n leefrita: N ten deyyi yetcin ixsan, akd sseeduy ussan d imiziden, eemmers ya ttuy wala ad yyi tekkes zeg lbal, manis mma kkiy d mani mma urhey ttafey tt akid i.

Yeymiy xef s usennan: Ttuy tt, semhey deg s ur qqimey qae ttenhelliyy deg s, ttekkeseyy xef s afray.

Wa ya lalla yemma

Yemma nec mayemmi

Xerqent ayi tira

Sbuhelyent ayi

Ur issin manis das d tekka tekti, u maci d netta i tt yeggin i yexf n nes, melli yufa ayayli yeqqim zeg leeqel n nes.

Netta yetci tt elayefla, yemma s trenni yas deg lemḥayen d lefqayes, tesderduqa s ul, wer t tettedji yir deg mayen deg yella.

Twaxelqent as tira, wer yessin wen das tent yeggin. Melli yessen ayayli yenna t, yessihna yixf n nes.

Manayu yedja wla d yemma s twedder akid s, wer tessin wi deg ya tcek. Ma ggin as tent ca n imeḥzaden, ma d ca n yicten tetterbet deg s ur teks ad t yawey hed nnedni?!

Malla d ca n yicten i deg s yetterebten, qa bayen ila netta wer tt yexs, melli tt yettexas ayayli wer yeqqir netc mayemmi, ur yelli ca d rray inu.

Imettawen itteru i yemma s, iredzu zeg s ad t teawen yer lmuṣiba zeg yettebla, d aeebber xef tmeksit ifassen yer

ujenna.

Wa ya lalla yemma: A yemma ynu yeizzen ten yer i yellan deg ddenya, wer dinni hed nnedni hsen zeg s, wala ya ydewlen deg wemkan n nes.

Yemma netc mayemmi: Mayen ya ggey, ur yer i ca deg ufus, maci ca d rray inu, ulid d nnetc i yerzun xef manayu.

Xelqent yyi tira: D tisehharin d ifassen n lfuqha i tt iggin. Ca swiy t, ca ffezey t, ca ssurfey t, ca yuulen t deg tsefsafin, ca neil mak tas ggin.

Sbuhelyent yyi: I zeg bbuhelyey, ffezent xef i, iwyent yyi leeel, wer qqimey tesseneq qae min tteggey, wala mani srusiy adar, yir dinni i yetpinsarey.

Thajit n mali wah ya mali

Thjit u zeg tthuja timeqqeranin yellan deg lmundu, waxxa lyerb ur das d yerri ur ix̄s ad as d yer lexbar, u waxxa yerra s d lexbar, ad tt yesseeqer, alami d tekka zeg ttaxelluf, elahsab axerres n nsen.

Taqessit tbedda zeg lhiwar, truḥ amen tekmeḥ d netta, tebda t teḥheramt, tetkemm̄el zeg wen i wmi yetwaqqes lḥal, yeffeyen ad ihajer, deg kwinta n lhuwuyya wer yeqqimen.

Tessawal xef bezzaf n leḥwayej, zeg niqac n ddat, al unaqec n rebbi nebḥa ma ad yetwanker ila d liḥ, niy ad deg s itwawwet. Tfetteḥ wi yettiraren zed d̄din, itteg tizemmar n nes bac t ya yestayel, ad zeg s yetc eibadllah.

Teddura xef min d itbanen d min yennufferen deg tudert n weydud, xef mayen deg s yellan d aseḥḥan, d min ix̄ssen ad yetwaedel. Tesyuyyu xef tirelli n temyart, teteerra xef duef i tt yessefcalen. Tessawal xef s d b̄nadem, maci ca d aksum, yer s lḥeq xef s lwajibat. Tessefdaḥ aryaz i tt iqemmeh̄en, ḥima ad yaf netta arruy n nes, ad yeg mamek yexs, tamyart ad zeg s ig mayen yexs,

icten i yhenjiren, icten i lkas d nnecat.

Bac ya yaf yetteg min yexs, yetwag umtesfaq nebla ma ad itwag, itwasaqared kuntrul susyal ya ydewlen d ssif xef tmidja n temyart, alami tetwar thetta yixf n nes zeg tyimant n nes.

Lweqt tettirar zeg s, tetterra t d bnadem i traḥ yettased, ur itmetti anect ya yek d awal deg uqemmmum yettemeawad.

Wer tesdiggewil bnadem yer rebbi, yir lexmi t tetf lheṣlet, yetnaya akid s, tesdaggewal it yer s ula, lexmi ittili kulleci yban as d, itwala t qibal n nes am tfukt jar tittawin.

Mali wah ya mali: Fennej as yennej as. Fhem as fhem as!. Yya cek ad tfehmed, wer tettifed mayen akid s ya tniyyeted. U yaeawed i yetteg i "mali wah ya mali", yesrusa zeg s afus xef thebbukt, itqezzer zeg s adeddi.

Llahumma tensal: Llahumma deg useqsi, ad ak yetwarez uzellif, ad tetwatced zeg lhem.

Wala tensa ccix lbal: hsen zeg malla tettud wen dak ismeyren alli, irzem ak tittawin.

Wala Sebduessalam: Da bhal walu ad yili yexs ad yini zeg wala: zer, niy yexs ad yini: ula. U bhal walu tanya ad yili daniti yessawal xef Sebedessalam ben Mcic, ccix n Jbala. U mak ya nzer, Jbala steemalen bezzaf lehbib.

A lehbib ccix lwal: twalan t d netta i yer sen illan d ccix n lewliya, iedu yennedni deg kulleci. Lehbib yetrah akd, "yer k ad tettud a lehbib", a yameddukel, maci ca xef ccix lwal. Awern as ad tini nettata, ur yer iqqim mani ya terwel, wala min ya teffer ead. Tegga min tegga tendem xef s, teks ad ttub.

Utub a yul inu: Rred cwayt lbal n nek, smeh deg mayen tuya tettedged amenni. Tub ad nehna zeg lhem u, ad xef ney tetwakkes ccuhet.

Utub a yemeyli: A wenni deg tekker tnessi, yebda ad ifewwer, am yetfewwer umeqraj.

Ad as yini netta, ul n nes iyeljel melli ya yaf arruy n nes, wer yettessen hed min ya yeg qae:

Man utub ya yutub: Mayen teqqared ammu, ma yenneqleb am walli ni. Mamek das teggid, tyil am yir rwah uka ad itub ni, eemmers ad yili.

Alami yakid m ittili: Netta aqqa t ead akid m, ur dam yettekkes jar tittawin, wer dam qae yethiyyed xef uyezdīs.

Da, ad as yini man wenni i das yetcin alli, yakid s yettilin, yiwey as leeql:

Wen dam yesnumen tirart: I dam yeslemden ad tcedhed, ad tfajid xef wul n nem, ad tirared mamek tersedk .

Yesnum am ula d ayimi: Ula wmi qqaren ayimi d tteqsiret, umi qqaren nnacat. Waxxa ya yili min ya yilin, ur tedzemmered ad zeg s tesxid, ad deg s tsemhed.

Wen dam yesnumen atay: Tennumed tetqesserred akid s, tesqerqubem lkisan, tetcehlerem atay.

Deg lkas n lhatati: Ur yelli ca deg lkas am lkisan illan zeg tterf, qae tes deg sen. Lkas i yer tella cceneet, deg is yir idjen tnayen, sidi warnulay.

Alami ya yaf ur xef s d terri ca bu lwajab, tegga am
lexmni zeg s tessired tittawin, irri tt yer wul ad tt
issesmed, yebda yetseqsa ix f n nes.

hseb wer da nexliq: Maci ca d amnus, malla texsed ad
xef ney tfehmed ula d tcem tanya ad xef ney tmeyeked,
hseb aney mamek dam terceq, ad nini d lberrani a lalla,
maci da i nexleq.

hseb wer da nimi: Nused newser maci ca da i nemyer, da
i nrebba yfadden, nbeddel tiymas.

hseb wer da neksib tifunasin n uyi: Wer da nrebba lmal,
wer daniti nessirew ca tifunasin nessemyer ieejmiyyen.

hseb wer da nehtic irebie akd imendi: Ur da nekriz ca
timura nezzu nenqec nessew, nhettec zeg ddemani n ney
maci zeg yeyyeran n yewdan.

Ikemmel awal n nes imun akid s, nebla ma ad as yedj
min ya tini, wala mayen xef ya tirar, ad tebda ad xef s
tefhem ad as tetc alli.

Xellinakum elaxir: Llah ihinnikum besselama xef wem,
ad kenniw nbeqqa elaxir qae. Qa wer dawem nredzu yir
mayen yellan d aseghan, hima ya tessenenem waxxa
tnekrem aney tbeddelem aney zeg hed nneqni.

A yelli s n emmi: A yelli s n familiya wer illin ca d
lberrani zeema, yya cem ad tfehmed niy ad tilid min ya
tilid netyima d idammen i yedjen wenedni.

Alami tufa yelqef as aduf, izzem as ixsan, waxxa
tetwala/tessen wer tedzmmmer ad t id ter ead, teqqim tredzu
beeda yir bac ur tt itettu deg idj umur.

A Mmuh mlla tuyured: Sebhan, malla yessiwed icek lhal
qae ad texlid, wer deyyi tettu, wer deyyi ttekkes zeg lbal.

A wma seqsa xef i: Wer ttedji ca deg wul n nek, wer
tettef deg wawal. Waxxa tmelled yyi, niy tkerhed lmella
ynu, yir seqsa beeda waha, ggi tt n yeryazen, wer tessined
min ya yilin, mayen ya yweqeen. Wer yessin hed lxiret
mani tella.

Isseqdee as layas dinni, wer icewwel ad tt idj xef lxader
n nes. Malla sebhan tyil as ad ibeddel rray n nes, zeg
wawal i das tenna yir ad tbeddel rray n nes nettata. Netta
ma yenna ad yuyur, iwa aqqa d yuyur.

Tikli ad uyurey: Waxxa ya yili lexxu min ya yilin, wer
yelli wen deyyi ya ybedden qae deg webrid, ma nniy tt
iwa qa tt ggey.

Lhem yuza yer i: Uhheley min ya sebrey, wer yeqqim i

wul ead min ya yesber, yeqqim as yir ad yedderdeq.

U maci ca ad tt idj amenni waha, ad as yini mayemmi.
Ad tt yessefhem xef tmeslayin nnedni yettewqien, ad yili
nettata qae wer dasent id tetterri lexbar, maci yir xef s
nettata waha.

D Mammāt i yufiy: Maci d icen waha, ad as sebrey, i
Mammāt mamek i das ya ggey.

Tsebben xef yesli: Kkiy xef s d abrid, ufiy tt telha akd
uṣebben, isli yetcur zeg warrud.

Nniy as llaḥ ieawen k: Ur zeg s rzuy ur zeg s redzuy ca,
yir xsey zeg s ad sellemey zeg s ad akid s ttereḥ rebbi, ad
akid s yili, ad tt ieawen yer usebben das yetcin ifassen.

Ur xef i d terri: Tebbez azellif deg yesli, tegga ixf n nes,
am lexmi ur deyyi d terri bu lexbar. Wer xef i d terri
yawal, tittawin wer deyyi tent id teksi tesseiz xef i wla d
aswad.

Da, ad iwejjeh awal i Mammāt i xef s yeksin anzaren,
tyil as yettu tt, netta teqqim deg s tetteyzaz.

Chal i dam nniy: Nniy am t, eawed nniy am t cem
teqqared yyi lla. Nniy am ila ad d yas ca n nnehar, ad xef
i tqelbed ayembub. Ad tegged ixf n nem, am lexmi

emmers wer deyyi tezrid, ur deyyi tessined.

Leahed n nem d aneqsi: Wer yer m bu wawal, yir tessawaled waha, tetradzamed ajeqmim, deg m ahermek, tettitced awal tetteffeyed xef s, qae ur xef s tetkemmeled.

Am llilt am uzir: Ur yer m qae bu lweqt, ur teqqimed tessened as zeg tmeddit. Twaxelleden am, serden cem.

Yenneqdee xef am usari: Tetwahebbesed nican ur teqqimed qae tetteffeyed, lebda qa cem deg wexxam tennuffered, ur teqqimed ca mamek tuya tellid zman, teferefred am wejdid, tettekkek manis tessed.

Lexmi das ya yezzem ul i yezmen ad as ilqef tahebbukt, ad tezeef deg wancucen, ad as tini mayemmi wer teqqim am zik, am Mammam n yidj n nnehar tuya yessen.

D Mimunt i yeggin amelqi akd uezri:Ma Zeema qa d Tamcunt n Mimunt i yesferyen tisaeatin u maci yir xef i waha, xef tehheramin ealhal am kemlent. Tegga ak yamelqi akd uezri, wer das tewti bu lehşab. Cek d merra yiwdan, tessenen mayen yexs ad yini ad tili tehheramt wehhedes akd uezri, u ead deg lexla.

Tammurt d ttaxelwekt: Tir wehhedsen tammurt texwa ur akid sen la mayen yudsen, wala d min iggewjen. Ad ggen

min xsen/xef sen, wer dasen d yetterri hed lexbar.

Nnehel ur ten yezri: Familiyya n nes ur yer sen iruh, wer yer sen yessekk wi yakid sen ya yessiwlen, wala baba s d yemma s yessekk iten d inexdaben.

Ad d tenqed Mimunt, yewtin deg kulleci, wer tt yecqi wla d idjen, teiff awal n yewdan. Ad as tini min deg tetpinsar, mayen yer s yellan deg wul. Ad twajeh wenni yessawalen, yettadef ddehul n midden, iredzu xef mayen istaheq. ad tili d Mammata i deg s yetterran leib, tmetseh yer s ddenub.

Am ikka tenyid yyi: Ad nini ad tegged mayen texsed, ad yyi tqessed ula d azellif, ad yyi tessufyed buhbel.

Am ikka tedjid ayi: Niy tennid, yir dji tt, aqqa ad teg ead leeql n nes. Niy thesbed yyi d ferq cceyel, d yelli s n zzenqet.

Lehbib inu ad telqiy: Ini min texsed zewweq awal, siwed lexbar. Ameddukel inu ad t telqiy ad telqiy waxxa ya yili min ya yilin, ur illi wi deyyi ya yqedeen.

Ter wemrabad ixeljen: Ad awem iniy ula mani yakid s ya ggey, nnehal ma ad terzum qae wala ad terzem azellif. Amrabad i yxeljen tessenenem t, ur yeddurrey xef hed, merra

tessen it, iwa qa dinni i ya yakid s ggey.

Ad as kkesey tiseynas: Ad kkesey arrud, ad as eerriy zeg uzellif al idaren, wer ttedjiy ula d idj n ukettan xef telmekt, ad as qqimey d taqeddidt, mamek deyyi d tedja yemma.

Yegg min das ieejben: Mayen das d yusin yer walli yeggi t, ur das qqirey Ila. Ur yelli wi deyyi ya yinin mayemmi, wala mayemmi ya ggey manayenni.

Ad isbedd awal akd Mammāt d Mimunt ya yilin d weltmas niy d tadjart, tuya yakid s ibedden nama yir tekked d abrid tesla sen. ad yili ur yessiwel amezwar xef Mimunt, mayenzi d Mammāt i tuya t ihemmen. Ad irah yer yict nnedni, ad tili d Mimunt, tuya yettexas itt, temlek d akd hed nnedni zeg ddecer.

Bismillah ad bdiy: Ad ttuy mayen yeedun, ad bdiy zeg ziru. Ad yili rebbi d ccahed xef min qqarey, ad yyi yeawen yer wawal.

Lherf inu d ssin: Lherf n ssin ibedda zeg s siwel, ini tanya wla d tsem mayen textsed, deg tetxerresed. Seqsa xef kullci mayen textsed ad tessened, wer tsedhi, wer ttedji ca deg wul n nem.

Awal inu yer m: Akid m i yessawaley, cem i deyyi yecqan. Issenen mayen din, teggid ix f n nem am lexmi wer dinni yelli ca.

A ten wer iteslin: a ten ibelleeen imejjan, wer teewwel ad yyi d teksu tittawin, ad yyi d ter lbal. Ssiwley eawdey i wawal, wer teewwel ad tsel.

Lferq i nettaf deg mayen d igguren, maci ca d nattata i yessawalen ad tini zeg iman n nes mayen deg tetfekker. D netta i yessawalen deg wemkan n nes, hima ad yerni taziyudi i thajit, zeg tariqa tahekkumiyya. U yeqqar min yellan, mayen tenna, wer yessenqes ur yerni ca, waxxa manayenni yettek deg s.

Tenna k; mayemmi wer deyyi t tennid: A yayli trezmed aqemnum melmi tnetqed, mayenzi i tuya deyyi yxes ad sseneɣ, ila tettereɣtet tnedred deg i tittawin.

Alami tuya lliy zeg uyirin: Qbel ma ad da d awdey, qbel ma ad da d melkey ad da d ssersey adar.

Tuya yyi d tamezzeyant: Ur lliy deg ufus n hed menyir lwalidin, wer xef i yetteg qae ula d idj. Tteggey min xef i, tteggey mayen xsey. Ttekkey manis xsey, trahey mani deyyi terceq, trajiy/redzuɣ wen ya yeeceq wul inu.

Ssenhezziy tiyilin: Teefferey djemmeley, ur yelli wi deyyi ya yinin; mayen tettegged, min xef tkessid tanzarin.

Tuya nnehud inu: Lexmi deyyi d tseggewded deg yedmaren, cenna malla tsewded tnedred deg sen tittawin. Ibbac bedden, xettefen leeql i bna dem yettased xef sen warrud.

Awal i das tegga xef yebbac, deg s jamaliya kter zeg melli das tenna yurwey uka tesbed.

Bedden ead ur wdin: Tuya ead ur twadiyeey, Wer deyyi yhidi hed. Ma lexxu qa yyi htutrey, urwey, ibbac hufen, twarebzen, twazemmen, yer i aryaz deg teyrut.

Da am lexmi d itban itbeddel umedyaz ttima, netta yir yetrah ad isewwer mayen deg s illan d asebban, waxxa nettata wer t tetwili niy ur tt yecqi, alami tt yecqa ca nnedni.

Icebbah itt zeg tletcint, zeg tezwey i deg s illan. Itwaqqar manayu deg tehheramt, lexmi yer s ttilint tlebbizin d tizeggewayin, tenni yer tella tyembubt d tacemlalt tewacebbah yer tsabunt.

Yelli ya taletcint: A tsa ynu deyyi yneqqen yeggin am tletcint, tjebbedd yer s tittawin, tesbuhluy amezzeayan d

umeqqeran. Tayembubt d tazeggewayt tettexs ad tedderdeq zeg idammen, merra tredzu ad tt yetc.

Deg leerasi yeswin: Yedjiwnen aman, wer tt ileqqef lekhed, yewta wenzar niy yeqqim, aman ur dasen tetcit bu lehsab. Tetca teswa ur das ixes lxir, ur tt yenqis ca.

Ihetta tt bab n nes: Ur deg s yetferred wen yer tella, wer tt yettedji ad tdiyyee. Mayen teks qa t yer s, mayen xef tredzu tettaf it.

Iferrey as tireywin: Itterra yas tireywin d iqudas, aman wer deg sent tbeddin, ur tyimint idj n was nebla ma ad twaæedlent.

A tirit n tedbirt: Lexmi tettenhezza tirit, tetbaned am tirit n tedbirt. Maci yam yirawen iggin leengert, ur qqirent lalat n sen al ten ya tessenhezzen.

D icuqen tinifin: Tettecrurud xef lxader n nes, wer tessin umi qqaren akaki. Tetsara jar tnifin newwerent, am tnewwer nettata.

Mayen teggid i baba m: Mayen iweqeen, mayen yemmesaren, mayen teggid qaε, min yedjin baba m ur yeqqim mamek tuya yella.

Das yeggin tinuyin: Alami yedwel ittedja tt tesnuya,

yesmeh wer yeqqim yethella deg s, am mak tuya deg s
yethella qbel.

Sebrent a tilewsin: Fer kent ad teggent ca wer yeedil, ad
tawdent yer leib. Ggent cway n ttisae lxader, wer
tqelleqent, wer ssexširent idammen.

Fer daxel d tinudin: Qa yer daxel wer dinni hed d
lberrani, merra wi dinni yellan n kent, yemcebbak am
izewran.

Ad am wcey leahed: Mayen xsey ad am iniy ur illi ca d
akeddib, ad am jjalley ula deg mani mma texsed.

Deg jjamee lqawiyyin: Ad nawed qae ula yer jamee
lqarawiyyin malla texsed ad dinni nrah, mani yella leilm,
tefffeýend ssenni lfuqha ur deg yetcekki wla d idjen.

Aqqa yaryaz n nem: Kker ad txemmed cem deg weryaz
n nem, deyyi yessenen mlih ur yelli ca d ca n yidjen zeg
tterf.

Icek yyi deg limin: Ur ixš ad yyi yamen, ad yyi yeg ttiget
si min das tyil qae wala mayen das d yiwey rebbi.

Netc ad iniy aħħa: Bac ya kkesey tafqeht u yer i yellan
deg wul, bac ur deyyi tesderduq, netc ad am ttitcey djeht,
waxxa cem ya eawney ğir zeg uhiyyeh.

Cem hdem tifelwin: Cem ttef ayelzim, bda ad tfelleqed,
ad terred lher xef lluh qbel ma ya tegged ca wer yeedil.

Ad deg s ayeɣ lheq: Ad tt deiɣ, ad tt zeg s xelfey, ad deg
s tt ggeɣ am deyyi tt yegga. Ur das semmeheɣ, wer tt
ttedjiɣ ad teedu yamenni waha.

Deg taddart uyirin: Deg min i wer daney akd yesmuna
walu, waxxa yesmun aney akid s ca wer yelli.

Ufiɣ idj n lefqih: Ufiɣ idjen yeqqar lexxu zeema cem
yeyra, qqaren xef s d lefqih. Iɣfed mayen yenna rebbi,
yetheddet zeg mayen yenna rrasul.

Itet ayruɣ n umeskin: Itet lheq n lmeskin, nebɫa ma ad
yeggewed zeg leebd d wenni i t id ixelqen. Yewta deg
kulleci, yettu mayen yenna rebbi.

Nniɣ as a sidi: Cek a sidi ittehtaramen zeg attas yewdan,
ad yili tteggewden cek qae ula d tiwɫi, yethellel itherrrem,
Yetwalan tudert, yessen mayen yettewqieen deg laxira.

I laxart mayen din: Mayer tettud laxira min din, ha lexxu
ad nini tettegged mayen texsed, tetraggewaled ssa d ssa,
tteted agla, tidi n lemskin, maca qa deg laxira wer yer k
mani ya trowled, wala mani ya tenhezzed.

Yenna yi ah ya mejnun: Yerra yyi d abuhali, wer ssineɣ

mayen xef lliy ssawaley, ixess yyi leeqel, yeffey yyi walli.

I netc ma ruhey din: Mayer netc ma kkiy qae ssenni, niy xsey ad din rahey. Dj yyi ad ggey lexxu mayen xsey, lexmi dinni ya yawdey ead i zrey.

Nettata malla tekkered ad txemmed, ad tafed tamriht u deg s tnayen n temrihin. Tamriht yer laxira, tamriht yer weyrud. Ajaweb n lefqif, maci daruri ixes ad yili d ajaweb xef laxira. Ad yili d ajaweb xef weyrud n lmeskin, u maci ca d netta i din iruhen, niy yexs ad itc lheq n umesei. Ad yili yetwaered yessetwatc as zeg bessif, niy yemmewc as am mak d ya yesban zeg wawal n nes, ur yezmir ad asen yini lla.

Sennej i kulleci, u mamek mma yexs ad yili lhal, ur yetteli ca wawal n lefqih d awal xef laxira, waxxa wen yessawal xef s i yessawal, mayenzi lefqih wer yedzemmer ad yini. timessi wer tt ca tarbat ur izennin.

Aqa din timessi: Din timessi, yceeealen yer sen ilsawen. Yinni yhekkemen, yer illa wesyun deg ufus, dziyyeren as melmi xsen u rexxun as melmi xsen.

I heddan tiqesfin: Tetten min wer tettedged qae deg uzellif, waxxa ya tilid min ya tilid, wer tedzemmered ad

zeg sen tnejmed, myer niy mzey.

Ttet bnađem leađi: Ur themmel bnađem ađurri ęer yella webrid d asebhan, ęer yella ccaraf, yetteejib as lheq, itettef def lašel d ddin n nes, yetteqęes as umesei.

D tarbat war izennin: Yexsen ad teħda iman n nes d lhemmet n wexxam, ur tetferred ca deg ccaraf, tetxerres deg learad.

Bnađem leađi d tarbat ur izennin, leiđyan i ten yesmunan n tmurt, ur yelli ca n ujenna.

Besmellah ad bdiy: Ad ttuy mayen yeedun, ad bdiy zeg umezwar. Ad ttuy ddenya, ad xerresey deg wi tt id i yxelqen.

Sidi lealem debber: A wenni yetwalan merra mayen ittewqieen, tettereý cek a sidi, debber xef bnađem, ur tettedji yetya, xem mayen akid s ya tegged.

Ad tdebbeređ xef uyujil: Txemmed deg lhalet n uyujil, efu xef s deg mayen deg yella, ur t tettedji weħħedes, yettekker yetħufa.

Rray n nes iweddar: Ur yeqqim yessen min ya yeg, wer yelli wen das ya yewcen afus, ad as yesseken abrid i t ya yessufyen.

Izzenz tammurt n nes: Tmmurt i tuya yer s d rasmal zeg yeteic, zeg yeksi ix f n nes izzenz itt ur yuki.

Wer yedji la d cceber: Min tuya yer s illan yewta deg s, ur yedji wla mani ya yeg lhewd n nneenae.

Yezenz lyelmi n nes: Mayen tuya yer s deg lherrag yemmenz, ur yeqqim mayen yedduran deg tzerbekt, ur yettif ula d taduft zeg ya yalem yir mayenzi zeg ya yesselqa teşmed.

Wer yedji wla d izmar: Izmer ya yehwaj yir i leid nnehar u tiwetca, yedmee deg s hima ad zeg s ikemmel.

Yeggi tt i mulati: Melli beeda yir tt yegga xef ca tcewwer, yeggi tt yir i yicтен.

hima ad deg s ixedzer: Waxxa wer t tettexs, amenni yiwey itt, beeda yir ad teggur qibal n nes.

Cehrayen telt chur: Ur dinni mayen yekka, yeqqim iseggewed yer ujenna.

Yeksid illa lizar: Ur das yeqqim ead min d ya yawey, kulleci yewta deg s. Lizar, ad yili yir d lekfen, niy tenni xef yessexşer kulleci tuyur, ihret as yir xef lizar.

Ksic adar inu: Issawal akd udar am lexmi ya tinid yella yessawal akd hed nneđni. Ur deyyi ykessi yir ufud inu, yir

idaren bac ya xemmey manis ya kkey.

Ad nrah ayt sidal: Zeg wawal iteg akd udar, yeddaggewal issawal zeg iles n bezzaf yitsen. Ad nrah netcin! mayen enan nitni yu, mani ten yufa!?. ma qa t issawal xef lweqt i deg yella yessawal, niy iteawad xef ca wmur nnedni tuya yruh deg s qbel akd ca n yidjen, niy/nama akd ca n ddejmaeet?!

Nufa dinni tasekkurt: Teqqim as deg leeql tsekkurt ur teewwel ad as tetwakkes zeg lbal. Ur teewwel ad as tetwakkes zeg walli maci ca yir amenni waha, mayenzi wer telli am tsekrin nnedni. Ad yili d tanyart i das yuyuren, ssen i d yemlek, iredzu mamek i tt id ya yer.

Tenni ttesu teddal: Tasekkurt nni i tuya yettessun ad tdel, tetteg ahbud, tessewjad ad tessefrurey ifullusen.

Neksi timellalin: Ksin as timellalin i tuya xef tehbed, tetraja ad fqiqqesent.

Teffeyd tedla xef ucal: Ad as tinid am lexmi wer tuya yer s dinni ca, herwen as leuc, min xef tuya tehbed, tedwel tedla xef lexwa.

Besmellah ad bdiy: Ad ttuy mayen yeedun, ad bdiy zeg ddejdid, ur yessin hed min deg tella lxiret.

Sidi hada nada: Awal da issawal it akd llah nebla leuqad u nebla ma ad yini hed qa yeffey abrid, wer yelli wi ya yinin yedwel d ljahel. Iredzu zeg s ad ihada zeg ufus, ad yeswed zeg tittawin.

Sidi kulleci tezrit: Ur xef k yennuffer ca merra qa t yer k jar tittawin.

Ca ur xef k iwedder: Ula d ict n lhajet ma tenjem ak, qae tessened t.

Wenni i wmi wer tewcid: Wen i wer yer yelli ca, wer das tewcid ca deg ddenya.

Min yer s ad ibexxer: Wer yer s min ya yeg, wala ad xef s d hufent lefhamat.

Aqqa k tt a ccix inu: Aqqa k mayen tuya dak qqarey, cek teqqared yyi ur yelli ca yamenni, qa yyi ead ur ssiney walu, d tcek i yessenen, tselli y yer k amen yer k tsellan yinnedni.

Qabel yyi d zeg unader: Iwa xem lexxu zeg tittawin n nek, ma manayenni yella niy lla.

Mayer idj n ccib yettekkes: Mayemmi yidjen yettekkes as ccib zeg mayen deg yella wer xef s yerdi.

Wenedni ittader: Idjen iqebbel xef kulleci ittader i hed

nmedni, wer ikessi yazellif yer ujenna.

Xzer i mulati: Xem cek i tenni umi tuya deg yetwala bna dem ca, ihetseb xef s la d nettata d tamyart, yetteg as ddeeen. Iwa xem deg s ad d terred lexbar, nnehla ma nniyak.

Lalla deg win ya tetter: Mani ya trah, umi ya teg ccan, ad zeg s tesgeeed, cek teqqared yyi, texsed ad yyi tinid.

Tetter ameddukel: Ixes wen tt ya yexsen, ad tt yawey, ad xef s teqbel deg wexxam.

Ad yili d asebbar: Ul ur yer s yettili, wer ireddeh waxxa ya yili mayen ya yilin. Yemmu t yebkem, idammen d isemmaden, wer itg lehsab i ca, ca wer t yessenhezzi.

Malla yyezz alili: Waxxa yesseyliy tarzugi, ur yelli wmi ya yek tmidja, ixes it ad yeqqen aqemmum, ur yeqqir aha manayu.

Ad as tyil d ssukwar: Ad as d yawey rebbi d tamment, ur dinni mana xir zeg s.

Llah yeneel temzey: Tfu qae xef temzey u, d tudert nes, d mayen deg s yeseeddu bna dem.

Lami tetyura tewser: Alami maci ca d temzey i yedduman, bna dem isyura zeg tewser, u lexmi zeg s ya

duren wussan iwetser, iddaggewal wer deg s min ya tjemeed, kter zeg lqecet mani t ya tessersed ad dinni t tafed.

Bnadem am uyeddu: D tanuwwart, merra tredzu ad t teqdew, ad yer s yili deg ufus, anect ya yek d amezzezan.

Ter s ad yawed yexser: Netta ad ibda yetrah yetessen, uka ad ibeddel, ur deg s ityimi min ya tezred, ur tettifed wi deg s tt yettawyen.

D Mimunt i yufiy: Ad yili bhal walu, ur deg s qae bu ccek, ila d tamcunt u n Mimunt i das yessufyen alli, bhal walu ayayli yessiwel yer s, wer deg s teksi tittawin, niy tehca yas ca n wawal zeg temyer. U bhal walu, d Mimunt nni n yillinni i xef yella yessawal, waxxa yeqlab ddiskur, yedwel yer s yalami tuya tella ead d tamezzeyant, tetras lebhayem.

Nettat tesqad lmal: Tende lebhayem ad trah ad terwes, ca wer tt yecqi, azellif n nes ead yexwa, ur deg s wi das t ya yerzen.

Tidar in ggurent: Ur das yetwag bu lqeyd deg t darin, tt ya yedjen tqerrem, ur tedzemmer ad tecrued.

Taqemmunt tessawal: Wer tetcit leh sab i wla yidjen,

mayen yer s deg wul teqqar it, ur yer s min ya teffer, wala wi zeg t ya teffer.

Tiymas mqed mqed: Am teymas n temcet, icten ur teedu tennedni, waxxa nitenti ca yemyer ca yemzey.

La d icten ma tujer: Ad as tinid teggi tent niy d tikniwin, ur din wla d santim jar asent icten wer tujir weltema s deg tazzeyert.

Neffs am ljawi: Fer s taqemmunt nnefs n nes ad zeg s tbexxered, ur deg s rrihet yedzemman i bna dem ul.

Lmesk akd leember: Maci yir ljawi, rni xef s lmesk d leember. D ddement n newwar qae mayen texsed ad deg s t tafed, min xef terzud aqa t deg s.

Σlik melli yella: Ya melli ead kulleci tufi t zzat s, ur yelli wi yeqqaren aha. Min tegga ead iwdan ssawalen, kulleha d mayen yeqqar.

Lheq n sidna Σumer: Ur illi wi tt iqemmeen qae, lheq yella, ad as temmewc tilelli n nes, am mak tuya tt yewca Σumer bnu lxettab.

Ad tessara temcunt: Ad yili wer yessin hed mayen ayayli tegga qae, ad tessara ur illi wi tt id ya yettefen.

Zeg iri n nes d azirar: Malla tuya tetteg ca zeg tuffera, ad

tedwel ca wer tetteffer, wer tethiyyed ula zeg idjen, wen
ixsen ca yenna t malla yexs ad yini, niy yer s min ya yini.

D Mammat i yufiy: Tkemmel xef s ead Mammat, terni
yas mayen tuya yeqqimen zeg lemhayen, i yufa lexxu deg
ict n lhalet nnedni maci ca am umur yizwaren.

Tessummet tili n şşur: Teqqim ferq cceyel, tezzel deg
tfukt, azellif deg tili, yesdurrey it şşur.

Nniy as kker ad nuyur: Nniy as kker ssenni ad newwet
idj n upsiyyu, ad njer cway idaren, ad nawey ad ner.

Tenna k adar d amedur: Terri tt ad txemmed cek yer
udar, tenna k yetteqqes as yeeder, ur tedzemmer ad xef s
teejen.

Aqqa tazwakt nnes: Nettata yir d tameegazt, ula d
tazwakt i txessan ad teffey yer ssebeh zik, hima ad d
tedwel ad zeg s teggew.

Tetyima hama d ddehur: Ur tetteffey ca deg lweqt n nes,
tettedja tt al ya yerrez nnehar, ca zeg imuren ur tettif ula
mayenzi ya teggew arekti, ad yili teddaggewal xef wantun.

Iyez as tt uyazid: Zeg ueettel n nes i tteg deg tfukt niy
deg txancekt, azyen ityezza yas t ueeleul.

D iyeyd n nes ameedur: Azyen ityiman icellef it iyeyd n

nes ieedren, ur idzemmer ad yesreh akd lherrag.

Besmellah ad bdiy: Ur yelli mayen ya yeg ca bna dem, merra mayen ya tegged ad tafed ca wer t teggid, d manayu i deyyi ya yedjen ad ttuy mayen yeedun d mayen iweqeen, ad ttekley xef rebbi, ad bdiy zeg umezwar.

Sidi a bab inu: A wen deyyi d ixelqen, wer dinni wi xef i ya yrayen menyir netta, leemer inu deg ufus n nes.

Sidi wer deyyi tebdid: Tetterey cek a sidi ad yyi tedjed lebda akd idammen inu, ur deyyi xef sen tbettid, wer deyyi tettetdjid ca nebla hed, am ca n umenneeruq.

Ak wi yellan inu: Akd familiyya, wen deyyi yudsen d wen xef i yeizzen, ttexsey t ittexs yyi.

Zman malla nemney: Malla tuya nemmeney deg ca n lqis, neqdee tamriht yer wayuwyu, idj ur yessiwil yer wenedni.

Lxxu rwaḥ ad neṣleḥ: Ur illi mayemmi amenyi ya neqqim idjen yeteada wenedni, rwaḥtiwd ad neṣleḥ ad ner tireywin yer imukan n sent, kfa yaney zeg leedawet, d weyzaz n teymas idj yer wenedni.

Gget lxiṛ jar awem: Thellat jar awem teggem mayen iṣebhen, ur semmehet deg wayuwyu, munet teggem afus

def ufus. Malla tettggem lxir deg wayuwyu, idjen ad yaf
wennedni zzat s, malla tbeddem xef lħesran, wer
tettessenem mayen ya yweqeen.

Netcin ad nreggeweh: Ad nxem manis ya nek, ad nuyur
yer yexxamen n ney, ad nerzu xef min dancy itrajan d
cceyel n ney. Rebbi ad yexlef ad deg wem yeg Ibarak.

Wer da tewqie lmuta: Lhemdu lillah ya rebbi yalami wer
tiwid ca al da ya ħufen larwah, ad twayzen imedlan.

Wer da wdin imejrah: Ur mmeksin lemwas, wer
yetwayzem hed, ur da yuzzilen idammen.

Mayen ya teyrem

Awal amezwar	5
Izlan n lheb	39
Izlan isxerwaden	61
Bettu wer yedbieen	165
Kuntra i ccekimet	177
Leyrubiiyet	197
Tnayit	219
Thajit n mali wahya mali	229